

*YINZO YINA KE KWISA
YA BAKALA YA MAKWELA
YA MAZULU MPE KENTO
YA MAKWELA YA NTOTO*



Beto bikana ya kutelama mwa ntangu fyoti, na yina beto ke kulumusa bantima ya beto ntangu yayi na ntwala ya Nzambi.

² Tata ya beto ya Mazulu, kieleka beto ke vutula matondo samu na bweso ya kuvwanda awa bubu yayi, beto me vukana kintwadi na Nkumbu ya Mfumu Yesu. Beto ke sambila ti Nge lemvokele masumu ya beto, mpe na yina beto kele awa samu na kubenda bukebi ya beto na bima ya Kukonda nsuka mpe Luzingu yina kele na zulu ya yina beto lenda simba mutindu bantu yina ke kufwa. Ntangu yayi beto ke sambila ti Nge ke pesa beto landila balutwadusu ya Nge, na mutindu ti beto fwana tambula, yina beto fwana sala na bilumbu ke kwisa na ntwala, mpe ata mpe na kati ya mwandulu na ntangu yayi, samu na kuzwa kisika yina beto kele. . . ba silaka beto.

³ Ya kele na mingi yina kele ya kubela mpe kele na nsatu na yinsi, mpe bawu me manisa ve nzietelo ya bawu. Mpe mbeni ya beto ya nene, kaka mbeni ya beto ve, kasi mbeni ya Nge, me kwisa samu na kunwanisa bawu mpe samu—mpe samu na kusukisa luzingu ya bawu, mpe samu na kufidisa bawu na ntoni na ntwala ya ntangu. Mpe beto ke na kulomba samu na bawu, bubu yayi, ti Nge mpe kyadi ya Nge mpe lemvo ya Nge, Mfumu, ke benda bilumbu ya bawu tii na ntangu yina pesamaka na bawu.

⁴ Na zulu ya estrade, to na chaire, awa kele na bamuswale mpe mabuki. Mpe kuna na bakulwale mpe bisika nyonso, ya kele na ba-brancard, ba-civière, bambevo mpe bantu ya mpasi, ya kutelama na kati ya kivinga na mpasi samu na kutelama.

⁵ O Nzambi ya Kukonda nsuka, Ya Kusakumuna, ti Nge kuwa kisambu ya beto na suka yayi, na nzila ya Menga ya Mfumu Yesu; na kutalaka ve na disumu ya beto ya nkú, kasi na kuzabaka ti Yandi telamaka na kisika ya beto, mpe Yandi kele Yandi yina ke monikisa beto samu na kisambu yayi. Bika ti konso muntu mpe bantu nyonso kubeluka samu na nkembo ya Nge, Mfumu.

6 Sakumuna bamuswale yayi. Ntangu ba ke tula yawu na zulu ya bambevo, bika ti bawu beluka.

7 Mpe ntangu yayi, Tata, tii beto ke vingila lukutakanu ya nene ya kubeluka ya nzutu, beto ke kwikila yina ke landa, zenga na beto nzila ya Luzingu, Mfumumu, ti beto lenda zaba na nzila ya Ndinga ya Nge yina beto fwana sala. Samu beto ke lomba yawu na Nkumbu ya Yesu. Amen.

8 Mutindu ntangu nionso, yayi kele mosi ya bantangu mosi ya kulutula bweso samu na munu, ya kuvwanda na yinzo ya Nzambi mpe kutuba na bantu ya Yandi. Mpe ntangu yayi mu zaba ti beto kele ya kukangama mingi, mpe mu kele na leso mosi ya yinda mingi. Na yawu mu kele. . . Mu—mu ke na kivuvu ti—ti beno ke vwanda mbote, mutindu beno lendaka vwanda, tii beto ke manisa Nsangu.

9 Ntangu yayi, mwini kele ngolo, kasi beto ke vutula matondo samu na climatiseur. Kasi, na kimvuka ya nene mutindu yayi, ya ke vwanda ve na climatiseur yina ke keba yawu, beno me mona, samu ti nzutu ya beno mosi kele kima yina ke pesaka tiya, pene ya ba-degré makumi tatu na sambwadi, mpe ya ke basisaka ntangu nionso tiya, mpe kuvwanda ya kukangama. Kasi mu—mu ke na kivuvu ti Nzambi ke kumisa beno kaka mbote mutindu Yandi lenda.

10 Mpe ntangu beto kele na kati, na ntungulu ya kuvukana mutindu yayi, mu—mu zolaka ve beno kwisa awa, ata fioti ve, kana mu banzaka ve ti ya vwandaka samu na kusadisa beno, kana mu banzaka ve ti ya vwandaka sala beno mbote, mpe ti beno zolaka ve kuzwa ndandu na nzila ya yawu, na kukwisa. Mpe na yina, na kuzabaka diaka ti beto kele diaka ve na ntangu mingi ya kusala yayi, ti beto me—beto me kuma na bangunga ya nsuka, mpe mu—mu zola ti konso ntangu kuvwanda mfunu, yina mu lendaka, samu na Kimfumumu ya Yandi. Mpe ntangu yayi mu ke na kivuvu ti Mfumumu Nzambi ke sakumuna beto mutindu beto me vukana.

11 Mpe mu zola kupesa beno mulabu, ti, mazono mu kwendaka na bisika mingi, mu kwendaka mona ndambu ya bambevo mpe bantu ya mpasi, kuna na ba-motel, mpe mu kuzwaka bweso ya kukutana na mwa ba-gérant na sabala yayi, ya mwa ba-restaurant. Mutindu, mu vwandaka kuna na Ranch House na sabala yayi, awa, mpe gérant vwanda pesa munu mbote mutindu beto vwandaka basika. Mpe yandi tubaka, yandi bokilaka munu, “Mpangi Branham.” Mu kukiyufulaka wapi mutindu yandi zabaka munu. Mpe yandi tubaka. . .

Mu tubaka, “Nge kele gérant?”

12 Yandi tubaka, “Mu kele munkwa-kima yango.” Na yawu kuna yandi tubaka, “Yinga, bantu ya nge ke kwizaka awa samu na kudya, katuka kuna.” Yandi tubaka, “Bawu. . .”

Mpe mu tubaka, “Mbote, mu banza ti bawu ke fulusa nge.”

13 Yandi tubaka, “Tata, ya kele mosi ya nkonga ya bantu ya kulutula mbote yina mu me monaka ntete ve.” Yandi tubaka, “Ya kele kieleka mbote.”

14 Mu kwendaka na motel mazono, samu na kumona ntwenya mosi ya mama yina mu vwanda zola kuzonza, tata mpe mama ya yandi vwandaka awa, mpe mu zolaka kwenda na gérant samu na kuzaba kisika mot- . . . kivinga yina bawu vwandaka.

15 Yandi tubaka, “Mpe nge kele Mpangi Branham?” Yayi kele kuna na Oaks.

Mpe mu tubaka, “Yinga, tata.”

16 Yandi tubaka, “Mu zola kupesa nge mbote.” Yandi tubaka . . . Yandi talisaka munu na kento ya yandi; bankwelani ya kulutula mbote. Ba tubaka, “Bantu nyonso na motel yayi ke kwendaka na balukutakanu ya nge. Beto me bumba yawu samu na bawu.” Mpe yandi tubaka, “Ba-client yankaka beto me vutula bawu.”

Mpe mu tubaka, “Mbote, mu ke tonda nge samu na yawu.”

17 Yandi tubaka, “Mpangi Branham, mosi ya nkonga ya bantu ya kulutula mbote yina mu me monaka ntete ve, kele bantu yina ke kwisaka awa, yina ke kwisaka na balukutakanu ya nge.”

18 Mu kwendaka mazono na nkokila na nkundi ya munu, Tata Becker awa, mpe mu vwandaka zola ba-sandwiche ya yandi ntangu nionso. Yandi kele mutindu . . . Yandi, mu zabaka yandi ntangu mu vwandaka mwana ya bakala ya ntwenya; mu zabaka yandi luzingu ya munu nyonso. Ya vwandaka na bankwelani ya kuvwanda kuna yina katukaka na kisika ya ntama, ya Riverside Hotel kuna. Na yawu bawu . . . Tata Becker tubaka, “Billy?”

19 Mu tubaka, “Yinki ya kele, Homer?” Beto zabana mosi na yankaka mbote mingi.

Yandi tubaka, “Mu ke pesa madia na bantu ya nge nyonso kuna.”

20 Bankama zole, to kima mosi, konso Lumingu, ke kudyaka na Blue Boar. Mpe bisika nyonso mu ke kwendaka, mu ke kuwa milabu mutindu beno kele mbote.

21 Muntu yayi tubaka, “Na nsi kuna na Riverview,” yandi tubaka, “bisika nyonso kele ya kifuluka na bantu yina ke kwisaka na lukutakanu.” Yandi tubaka, “Ya ke vwanda na bankama yina ke kota ve.”

22 Na yawu, na kuvwandaka mutindu yina, samu na munu beno kele mungwa ya ntoto. Mu—mu ke vutula matondo mingi na kuzaba ti mu ke na bweso ya kulonga na bantu yina ata mpe bansumuki mpe bantu . . . Mu ke tuba ve ti bantu yayi kele bansumuki, kasi mu zola tuba bantu yina, ya mumbongo mpe nionso yina, yina lenda tuba ti beno kele bantu ya mbote, mpe ti bawu ke sepela na beno na mumbongo ya bawu, na bisika ya

bawu. Beno zaba, yina kele kuvwanda na mungwa. Mu ke sepela na yawu, nkadulu ya beno, mutindu beno ke kebaka bima.

23 Mu ke tubaka ntangu nionso, “Kana mosi me kwisa mpe kele ve, yandi kele ve na mbongo ya kufuta facture ya yandi, beno ke bokila munu kaka.” Beno me mona? Mu tubaka, “Beto ke sala kima mosi samu na yawu.” Mpe mu tubaka, “Ntangu nyonso beno ke pesa bawu madia, ata ti bawu kele na mbongo to ve.” Beno me mona, nyonso lenda salama.

24 Mu ke tala ti beno kele bana ya munu. Beno kele—beno kele bambwetete yina mu. . . Kana mu me kuzwa ntete mosi ntangu mu ke kuma kuna, beno ke vwanda musanga yina ya ntalu, na ndonga ya nene, na kati—na kati ya yimpu ya ministele ya munu. Ntangu ba me lwatisa yawu yimpu, beno ke vwanda musanga yina ya ntalu.

25 Mpe mu vwandaka tuba na beno, na bantangu me luta, na yina me tala Bidimbu Sambwadi, Bansungi ya Dibuundu, mpe bima yina—yina me salama.

26 Mpe ntangu yayi, na suka yayi, mu ke na dilongi mosi ya mfunu mingi. Samu na munu, ya kele mosi ya kusakumuna mingi. Mu banza ti ya ke bula beno mutindu mosi. Mpe kana mu lendaka kaka kupesa yawu na lutwadusu ya kimpeve mu kuzwaka yawu, ya ke vwanda mbote, kasi ya ke tala na Nzambi na kusala yawu.

27 Mu vwandaka tuba na beno na yina me tala *kisika* mpe *yina* ke na kusalamaka, mpe beto ke mona bima nyonso yayi kusalama.

28 Ntangu yayi mu ke na kuzonzila, na suka yayi, na zulu ya: *Yinzo Yina Ke Kwisa Ya Bakala Ya Makwela Ya Mazulu Mpe Kento Ya Makwela Ya Ntoto*, kisika bawu ke zinga. Mpe, samu, mu ke na kivuvu ti na lemvo ya Nzambi beto nionso kele kitini ya ekonomi yina ya nene ya Nzambi.

29 Mpe ntangu yayi mu—mu ke na kivuvu ti beno ke vibidila munu, beno baka ba-Biblia ya beno, bilapi ya beno, to nyonso yina beno ke sala samu na kutanga na munu, samu ti mu ke tala na Masonuku mingi. Na kumekaka na kulutisa ntangu mingi samu na kusambila samu na bambevo; mpe mu silaka yawu. Beto me sambila, samu na mwa bantangu fyoti me luta, na bivinga mpe bisika nyonso, samu na bayina vwandaka na lusalusu ve mpe kivuvu ve.

30 Mpe, kana Mfumu zola, mu banza mu ke vwanda na lukutakanu yankaka na kilumbu ya kumi na sambanu, mu banza kaka samu na kusambila samu na bambevo.

31 Mu me banda ntangu yayi konze ya munu. Kubanda na Ngonda ya ntete, mu ke na kuzyeta, mpe mu ke vutuka awa. Mu ke vwanda kaka, mu fwana nata dibuta ya munu na Tucson na suka, mpe na manima mu ke vutuka samu na kulutisa ntangu

awa na Kentucky, na mwa bankundi ya munu, na kuzomba, mpe kuzomba bampadi, samu na basabala zole, to ya lendaka vwanda bilumbu sambwadi to nana, bilumbu kumi, nionso yina ya kele, kaka kana Mfumu me twadisa munu kisika yankaka. Mu zaba ata fioti ve, kaka kisika beno ke vwanda; beto me zaba yawu ata fioti ve, samu ya kele na maboko ya Nzambi, Nzambi kaka.

³² Ntangu yayi samu na dilongi yayi ya nene, beto—beto . . . mu banza, kana mu lendaka baka ntangu ya munu samu na yayi, samu beno fwana nata bima mingi, ya ke baka basabala. Kasi mu sonikaka mwa Masonuku, mwa banoti, kaka samu na kubaka mambu ya ngudi ya yawu, na kisika ya ke bika beno kulonguka.

³³ Na yina ntama mingi ve, ntangu yankaka, kana Mfumu kuzola, na Ngonda ya kumi, mu zaba ve wapi ntangu, kasi ntangu nyonso yina Yandi ke kukubika, Mu ke zola kuvwanda na mwa bilumbu, kaka samu na balukutakanu ya ntangu nyonso, na kapu ya 12 ya Apocalypse, samu na kukangama na yayi awa. Oh, mu banza ti ya ke vwanda nene. Ya ke vwanda kaka. Ya ke vwanda nene na kumona mutindu Yandi salaka.

³⁴ Na yina, beto ke vukana kintwadi ntangu yayi, mu tubaka mazono na nkokila, mu tubaka, “Beno zaba, ntangu mu . . .” Na suka, mutindu na suka nyonso, mu banza, “Ntangu mu ke kwiza awa, mu ke zaba bankundi ya munu nyonso yina kele kuna.” Ntangu yayi wapi mutindu mu ke sala yawu?

³⁵ Kuvwanda na munu awa, mutindu nkundi ya munu ya mbote, Docteur Lee Vayle yina kele ya kuvwanda na manima awa, kento ya yandi ya luzolo mpe mwana ya yandi ya kento. Mpe Mpangi Roy Borders, mpe, mu banza, Mpangi Ruddell, Mpangi Beeler, mpe Mpangi Palmer, mpe Mpangi Jackson. Mpe, oh, la la, . . . Bampangi yayi ya luzolo ya bisika nionso! Mpangi Anthony Milano, mpe, oh, bisika nionso beno ke tala, beno ke mona mpangi-bakala yankaka! Katuka kuna na Arkansas, mu lenda banza ve na nkumbu ya bawu; Mpangi John, Mpangi Earl Martin, mpe Mpangi Blair. Mpe, oh, ya kele kaka . . . beno . . . Ya kele kaka ya kukondwa nsuka, beno me mona. Mu kele na kyese mingi na kuzwa nkonga mutindu yina me vukana pene-pene ya munu ntangu mu ke longi na zulu ya Ndinga ya Nzambi, bantu yina mu banza kele bantu ya kikesa, bantu ya kieleka ya Nzambi.

³⁶ Mu ke vutula matondo samu na mwa tabernacle yayi. Mu ke vutula matondo samu na bielo ya yawu tanu ya kuzibuka na ntwala ya bantu. Konso kielo . . . Beto kele na ba-diacre yiya awa, babakala yina me fuluka na Mpeve; ba-administrateur yiya, babakala ya kifuluka na Mpeve. Ya kele na zole na konso kielo. Mpe ya kele na kielo zole na ntwala, samu na ba-pasteur zole, mivungi.

³⁷ Beto kele na kyese na kuzwa beno; matondo na Nzambi samu na yayi. Ti Yandi sakumuna beno ntangu nyonso.

38 Ntangu yayi beto zola kutelama kaka mwa ntangu fyoti, na yina beto ke tanga na Pierre ya Zole kapu ya 3, mpe dyaka na Buku ya Apocalypse 21.

39 Na yina beto ke telama, O Mfumu, fulusa bantima ya beto na kyese samu na kutanga ya Ndinga ya Nge, na kuzabaka ti Yesu tubaka, ti, “Mazulu mpe ntoto ke luta, kasi Ndinga ya Munu ke kubwa ata fioti ve.” Beto zaba dyaka ti Yandi tubaka, “Masonuku nyonso fwana lungisama.” Mpe na yina beto ke tanga bima yayi, ti beto kuzwa lubakusu ya Nge, ngunga yina beto ke na kuzinga. Beto ke lomba yawu na Nkumbu ya Yesu, Nsoniki ya Buku. Amen.

40 Pierre ya Zole 3.

Bampangi ya munu ya ntima, yayi kele mukanda ya zole, yina mu me fidisa na beno; na mikanda nionso zole, mu ke na kutumisa beno na kuvwanda na mabanza ya kulunga na kubambulaka beno moyo na ndongosolo yina beno kuzwaka:

Beno bambuka moyo na mambu yina zonzaka na ntama bapofete ya santu, mpe na misiku ya Mfumu mpe Mvulusi yina bantumwa longisaka beto:

Beno fwana kuzaba ntete ti, na bilumbu ya nsuka, ke talana bantu yina ke zinga mutindu bansatu ya bawu ya yimbi ke zolaka,

Mpe bawu ke seka beno na kutubaka, Wapi nsilulu ya nkwezulu ya yandi? (Kana yina ke wisana ve na kento yayi ya kukwikama ve na . . .) . . . baklisto ya ntete me kufwaka, kasi ata kima me sobaka ve katuka mbandukulu ya yinza.

Na kutuba mutindu yina, bawu ke zimbanaka ti, katuka ntama Nzambi yidikaka zulu na ntoto na ndinga ya yandi, yandi kabulaka ntoto na maza mpe basisaka ntoto na kati ya maza:

Mutindu mosi mpe yinza ya ntama, dyamaka na maza, yawu kufwaka:

Kasi na yina me tadila zulu na ntoto, ya ntangu yayi, na nzila ya ndinga yina Nzambi ke na kubumba yawu, samu na kumwangisa yawu na tiya na kilumbu yina yandi ke sala lufundusu mpe ke mwangisa bantima ya bantu yina ke zitisaka yandi ve.

Kasi, bampangi ya munu ya ntima, ya kele na dyambu yina beno fwana kuzaba mbote, samu na Mfumu kilumbu mosi kele mutindu bamvula funda, mpe bamvula funda kele mutindu kilumbu mosi.

Ntangu yayi, Mfumu ke na kulutisa ve ntangu samu na kulungisa nsilulu ya yandi, mutindu bantu yankaka ke na kubanza; kasi yandi ke na mvibudulu samu na beto,

ya kieleka yandi zola ve ti muntu kufwa, kasi ti bantu nyonso kubika nkadulu ya yimbi.

Kasi kilumbu yina Mfumu ke kwiza ke talana mutindu muyibi na kati ya mpimpa; na . . . yina zulu mpe ntoto, na makelele ya ngolo . . . ke luta na makelele ya ngolo, mpe tiya ke mwangisa bima yina ke na zulu, mpe ntoto na bima nyonso ya yawu ke nyenga.

Mutindu bima nyonso ke sulumuka, beno fwana kuvisa mbote wapi mutindu beno fwana kuzinga beno fwana kuvwanda na bankadulu yina Nzambi ke zolaka mpe beno fwana vwanda ya kukwikama na yandi,

Beno ke na kuingila ti kilumbu yina Nzambi soolaka samu na mvutukulu ya Klisto kuma mpe beno ke kusala nyonso samu ti yawu kwiza nswalu, na kilumbu yina zulu ke mwangana, mpe bima yina kele na zulu ke nyenga na tiya?

Kasi beto, mutindu nsilulu ya yandi, beto ke na kuingila zulu ya malu-malu mpe ntoto ya malu-malu sika ke vwanda mambu ya kudededama mutindu Nzambi ke zolaka.

Yawu yina, bampangi ya ntima, beto na kuingilaka kilumbu yina, beno fwana kusala ngolo samu ti yandi lenda kuzwa ve . . . beno zinga na ngemba mpe ti Nzambi kuta beno bantu ya kuvedila mpe bayina yandi lenda kuzwa ve diambu ya kusemba na ntuala ya yandi.

Mpe landila beno fwana kuzaba mbote ti mvibudulu ya Mfumu kele mpulusu ya bantu; mpe mutindu mpangi ya beto ya ntima . . . Paul . . . sonikinaka beno yawu na ndwenga yina Nzambi pesaka yandi;

Mutindu dyaka . . . mambu yina yandi sonikaka na mikanda nyonso ya yandi, ntangu yandi zonzilaka dyambu yayi; . . . na kati ya mikanda ya yandi kele na bandambu yina kele mpasi na kubakula, na yina bayina zaba mbote ve nzila ya Nzambi, mpe kele ve ya kusikama na lukwikilu ke balulaka nsasa ya yawu, bawu ke salaka mpe mutindu—mutindu mosi na bibuku yankaka ya masonuku, na kusala mutindu yina bawu ke zibulaka nzila ya kubeba ya bawu.

Kasi beno, bampangi ya munu ya ntima, beno me zaba mambu nyonso yayi, beno sala keba, beno ndima ve ti . . . bayina ke zitisaka ve Nzambi vuna beno . . . mpe beno vwanda kaka ya kusikama na lukwikilu.

Kasi bika ti bumbote, . . . mpe luzabu ya Mfumu mpe Mvulusi ya beto Yesu Klisto kukula na beno. Nkembo kuvwanda na yandi katuka ntangu yayi tii seko. Amen.

41 Ntangu yayi na Apocalypse ya Klisto, na kapu ya 21, mu ke tanga Bandinga yayi.

Mpe mu monaka zulu ya malu-malu mpe ntoto ya malu-malu: samu ti zulu ya ntete mpe ntoto ya ntete vwandaka me luta; mpe ya vwandaka dyaka ve na mubu.

Mpe munu Jean monaka mbanza ya santu, Jérusalem ya malu-malu, yina ke kulumuka na Nzambi na mazulu, yina ba me yidika mutindu kento ya makwela samu na bakala ya yandi.

Mpe mu kuwaka ndinga mosi ya nene na mazulu kutuba, Tala, tabernacle ya Nzambi kele na bantu, mpe yandi ke zinga na bawu, mpe bawu ke vwanda bantu ya yandi, mpe Nzambi yandi mosi ke vwanda na bawu, mpe ke vwanda Nzambi ya bawu.

Mpe Nzambi ke kusuna maza ya meso nyonso na meso ya bawu; mpe lufwa ke vwanda diaka ve, to kiadi ve, to kudila ve, mpasi ke vwanda diaka ve: samu ti bima ya ntama me luta.

Mpe yandi yina vwandaka na zulu ya kiti ya kimfumu tubaka, Tala, mu ke sala bima nyonso ya malu-malu! . . . yandi tubaka na munu, Sonika: samu ti bandinga yayi kele kieleka mpe ya kukwikama.

Mpe yandi tubaka na munu, Ya me salama. Mu kele Alpha mpe Omega, mbandukulu mpe nsuka. Mpe mu ke pesa na yandi yina kele na mpwila bayinto ya bamaza ya luzingu ya mpamba.

Yandi yina ke nunga ke byadila bima nyonso; mpe Mu ke vwanda Nzambi ya yandi, mpe yandi ke vwanda mwana ya munu.

Beto sambila dyaka.

42 Mfumu Yesu, na nsilulu ya mutindu yina mpe kuzonza ya ngolo mutindu Yesu Yandi mosi mpe ntumwa me pesa beto samu na ngunga yina beto ke na kubelama, pesa beto, O Mfumu, Lutwadusu ya Nge, ti beto lenda zaba mutindu ya kubelama na yawu na mutindu ya kulunga. Samu, ya ke na kwisa, beto zaba. Masonuku fwana lungisama, mpe ya ke vwanda mutindu yina. Mpe ntangu yayi, Mfumu, beto ke lomba dyaka kyadi ya Nge na zulu ya beto nyonso, na yina beto ke longuka Ndinga ya Nge. Vwanda na beto mpe zibula Yawu na beto, Mfumu, samu ti beto me lomba yawu na Nkumbu ya Yesu. Amen.

Beno lenda vwanda.

43 Ntangu yayi, mu ke kukiyufula kana ya lendaka vwanda mutindu yina mu banza, ti ntangu yankaka ba lendaka kufwa minda na kivinga ya nene, mpe kubika kaka yayi na estrade awa, yina lendaka vwanda kaka mbote mingi, ya ke katula fioti

courant. Beto zolaka kuyoka transformateur, na nkokila yina. Mpe kana basinzidi ke zola kusala yawu samu na beto, beto ke sepela ti bawu kufwa minda ya manima, minda ya kivinga ya nene, bawu kanga yawu. Mpe na yina mu banza ti beno ke kuzwa bisika mingi samu na kumona, kusionika.

⁴⁴ Ntangu yayi, dilongi mosi diaka, samu na kuzabisa yawu, ti beto ke tubila dilongi ya: *Yinzo Yina Ke Kwisa Ya Bakala Ya Mazulu Mpe Kento Ya makwela Ya Ntoto*.

⁴⁵ Ntangu yayi mutindu ya kele. . . Mu fwana sala kaka yayi. Mwini kele ngolo mingi awa, beno me mona. Yinga, tata. Mutindu beto. . . Mu zaba ti kento ya munu ke zolaka ve ti mu sala yawu; kasi, yina, mu ke katula kazaka ya munu. Mwini kele ngolo mingi awa. Beno me mona, beno kele na mupepe kuna, mpe ba me kabula kaka yawu mpe ya kele na lweka awa, beno me mona. Ntangu yayi, na—na bilumbu ke kwisa na ntwala, to. . .

⁴⁶ Na ntangu me luta, mu zola tuba, beto me longuka *Bidimbu Sambwadi, Mabuundu Sambwadi*. Mpangi Vayle mpe bayankaka ke na salaka na zulu ya yawu ntangu yayi, mbote, samu na kutula yawu na mutindu ya buku.

⁴⁷ Mpe na kumonaka bima nyonso yayi ya misitiki yina beto me mona kusalama, na yina mu banza, na manima ya kubakula yawu, na ngunga yina beto ke na kuzinga, mpe kisika yango; ya kele ve na muntu yina lendaka vwanda kieleka na mabanza ya mbote mpe kufiongonina yina ba me zonzila, mpe yina ba silaka ke salama, mpe yina me salama, kasi yina lendaka tuba ti bima yina me salama. Beno me mona? Kieleka yina Nzambi tubaka ti Yandi ke sala, Yandi salaka yawu kaka kieleka mutindu yina. Beno me mona?

⁴⁸ Ntangu yayi, mu banza na yayi, ti, na kuzabaka ve wapi ntangu ti Mfumu Yesu lendaka monana, mu banzaka ti ya ke vwanda mbote, ya monanaka mbote samu na Mpeve-Santu ti beto ke zonzila yayi, kuna; mpe mu banza kuvutuka dyaka na yawu, bambala zole to tatu, samu ti mu ke kuzwa ntangu ve samu na kuzonzila nyonso yayi.

⁴⁹ Mutindu ntangu beno ke simba dilongi yina lendaka vwanda mwa disakuba samu na muntu mosi, ti beno lenda ve kuzonzila yawu pwelele mpe kukumisa yawu pwelele, na yina beno ke vutuka dyaka samu na kubaka dilongi yina ke landa.

⁵⁰ Mpe kuna na ntwala, na. . . kana Mfumu zola, beto ke kota na bidimbu ya 12, to ve. . . Beno lemvokila munu. Kapu ya 12 ya Apocalypse, yina kele na kati-kati ya Nkwizulu ya Mfumu mpe nsuka ya Bampungu, mpe nyonso yankaka yina. Beto ke meka na kuvutukila yawu, samu na kulakisa nani kele Satana, mpe yina yandi salaka, kisika yandi katukaka, yinki kele lukanu ya yandi, mpe mutindu kitoko ya yandi ya nene yina ba pesaka yandi yina nataka kubwa ya yandi. Luvunu ya Yandi salaka ti yandi kubwa; kitoko.

51 Na yina, wapi mutindu ti muntu yina lenda ve kutala yawu mbote, yina kele “nkuna” ya nioka. Mu ke tula ntembe samu na yawu, na muntu nyonso, beno me mona, yina ke zola kutala yawu, na—na lubakusu ya kieleka. Mwana lenda mona yandi. Beno me mona? Ntangu yayi, mpe beto ke kuma na yawu na ntuala.

52 Ntangu yayi, beto me bakula awa ti Masonuku zole yayi. . . Ya kele samu na yina mu me tanga Pierre ya Zole kapu ya 3, mpe me fwanikisa yawu na Apocalypse 21, bawu zole awa ke na kuzonza dilongi mosi, kasi Jean ata mbala mosi ve—ata mbala mosi ve sonikaka yawu mutindu Pierre salaka. Beno me mona? Beto me bakula ti Yinzo yayi ya nene ya Kento ya makwela ke vwanda awa na zulu ya ntoto.

53 Mpe ntangu yayi kana beno tanga, kaka mutindu kapu ya 21, kapu ya 21 ya Apocalypse, ntumwa awa tubaka, to profete tubaka, ti, “Mu monaka Zulu ya Malu-malu mpe Ntoto ya Malu-malu.” Ya ke wakana mutindu ti ya kele na kubeba ya kimakulu.

54 Ntangu yayi, mutindu mu ke talaka ntangu nyonso Bansangu ya munu kele na nzila ya kisambu. Mu ke vwanda na kati ya kisambu mpe kima mosi ke monisama na munu. Mpe mu ke vingila na zulu ya yawu mwa baminuti fyoti mpe mu ke tala kana ya kele kieleka, na yina mu ke tala yawu kubelama mingi. Mpe kuna bantangu yankaka mu ke vingila tii ya ke kuma vision. Kasi ntangu ya ke banda na kukwisa, mpe mu ke sepela ti ya me katuka na Nzambi, na yina mu ke kwenda na Masonuku. Beno me mona, Yawu yina, ya fwana vwanda nsiamisa ya konso kima ya kimpeve yina me salama, samu ti Biblia kele luzayikisu ya muvimba ya Yesu Klisto; beno me mona, Ya kele Nzutu ya Yandi.

55 Mpe ntangu yayi, na yina, mu banza ti mu ke mona kisika mosi na kati ya Masonuku yina ke wakana mbote ve, mpe mu ke kukiyufula. Mu ke vutuka diaka na kisambu. Ya ke kwisa diaka. Na yina mu—na yina mu bandaka na ku—kufiongonina Masonuku ya munu.

56 Ntangu yayi, Biblia ya beto kele ya kusonika na Kingelesi, mpe bandinga ya Kingelesi ke sobaka, ntangu nyonso. Mumbandu, mutindu Santu Jean 14, tubaka, “Na Yinzo ya Tata ya Munu kele na bisika mingi ya kuvwanda,” kisika ya kuvwanda na kati ya yinzo. Mbote, na yina, beno, yina beno ke sala na yawu kuna, ya kele kuvutuka na—na kisika ya ntete mpe kumona yinki Jacques zola kutuba, to kuvutuka na Hébreux, to na Grec, katuka mbangululu ya ntete. Mpe kuna ya ke tuba, “Na Kimfumu ya Tata ya Munu kele na bayinzo mingi.” Mbote, na yina, beno ke vutuka na ntangu yina mibangudi bangulaka samu na Roi Jacques, *kimfumu* ba vwandaka bokila, na Kingelesi, “yinzo,” mpe ntinu vwandaka tata na zulu ya bimonikisi ya yandi. Ya kele samu na yina bawu me bangula, “Na Yinzo ya Tata ya Munu kele na bisika mingi ya kuvwanda.” Beno me

mona? Mpe na yina beno ke baka bampova yina mpe beno fwana kufiongonina yawu.

⁵⁷ Na yina, beno me mona, na lutwadusu ya kimpeve . . . Chaire yayi na suka yayi, mu ke tuba, ata mbala mosi ve ti ya me vwandaka kima yankaka ve kasi kaka, Masonuku. Ya kele mutindu *Nkuna ya Nyoka* mpe bima nyonso yankaka yayi me kwiza. Beno me mona? Na . . .

⁵⁸ Mpe ya kele, kieleka, kana muntu lendaka tanga kaka mpe kutuba, “Na Yinzo ya Tata ya Munu ya kele na bisika mingi ya kuvwanda,” kana beno telemaka ve samu na kulonguka, beno sambila, beno ke vwanda na kati ya muvusu. Beno me mona? Kasi beno landila kaka na kusambila. Nzambi ntangu nyonso ke salaka yawu mbote, kana ya me katuka na Nzambi.

⁵⁹ Ntangu yayi, Jean ke tendula nsobolo mpe nkwi- . . . wapi mutindu ya ke kuma . . . Yandi ke tendula yawu ve, mu zola kutuba, kasi Pierre salaka yawu. Jean tubaka kaka, “Mu monaka Mazulu ya Malu-malu mpe Ntoto ya Malu-malu; mazulu ya ntete mpe ntoto ya ntete vwandaka me luta. Ya vwandaka dyaka ve na mubu. Munu Jean monaka Mbanza ya santu ke kulumuka na Nzambi na Mazulu, ya kukubama mutindu Kento ya makwela me kubama samu na Bakala ya Yandi.” Kasi, beto ke vutuka na Pierre ya Zole ntangu yayi samu na kutala, Pierre ke tendula mutindu ndandani yayi ke salama. Ntangu yayi, kana beno tala yina Jean tubaka, ya ke wakana mutindu, “Samu ti mazulu ya ntete mpe ntoto ya ntete vwandaka me zimbana,” ya kubeba kimakulu. Beno me mona, na yina, ya ke wakana kieleka ngitukulu. Na yawu ya kele yina bulaka munu, mpe mu bandaka na kutala ndinga, “kuzimbana.” Mpe, ntangu yayi, kasi ya kele pwelele ti bawu nyonso zole yayi, ntumwa mpe profete, vwandaka zonzila kima mutindu mosi.

⁶⁰ Mpe ntangu yayi, mpe, na Buku ya Ésaïe, ntangu yayi, ti beno zola kusonika Masonuku yayi, na Ésaïe 65:17. Esaïe, me tubila Millenium, bamvula funda yina ke bikana samu—samu na bantu ya Nzambi. Ésaïe zonzilaka na yawu, mpe yandi tubaka, “Mu . . . Ya vwandaka . . . Bima nyonso ya ntama zimbana,” mpe wapi mutindu ba ke tunga bayinzo, ba ke zinga na yawu. Kana beto vwandaka na ntangu . . . Ya lendaka vwanda ti beto ke baka kaka ntangu mpe—mpe ke tanga yayi kaka minuti, Esaïe 65, mpe beto tanga kaka samu na mwa minuti fioti awa. Mpe yawu yayi, kaka, samu na beto. Ntangu yayi, samu na kubanda, Esaïe 65:17.

Mpe, tala, mu ke vanga mazulu ya malu-malu mpe ntoto ya malu-malu: . . .

⁶¹ Ntangu yayi, Ésaïe, profete, vwandaka mosi ya bapofete yina sonikaka kieleka Biblia ya muvimba na profesu ya yandi. Yandi bandaka na luvangulu; na kati-kati ya Buku ya yandi, pene ya kapu 40, ke kwiza Jean Mubotiki, Ngwisani ya Malu-malu; mpe ke suka awa, na kati ya Buku ya yandi, na Apocalypse,

na Millenium. Ya kele na babuku makumi sambanu na sambanu na kati ya Biblia, mpe ya kele na makapu makumi sambanu na sambanu na Esaïe. Yandi sonikaka mulabu ya kieleka.

⁶² Ntangu yayi, beto ke tala, awa ntangu yayi yandi ke na kubaka kapu ya 65, kapu mosi dyaka, mpe yandi ke zonzila na Millénium. Beno tala yawu, mutindu ya ke kitoko.

. . . tala, mu ke vanga zulu ya malu-malu mpe . . . ntoto ya malu-malu: mpe kima ya ntama ba ke bambuka moyo na yawu ve, to ke kwiza na dibanza. (Ya ke “kuzimbana.”)

Kasi beno vwanda—beno vwanda na kyese mpe beno sepela . . . mpe na yina mu me vangaka: samu, tala, mu ke sala ti Jérusalem kusepela, mpe bantu ya yandi kiese.

Mpe mu ke sepela na Jérusalem, mpe kiese na kati ya bantu ya munu: mpe ndinga ya kudila ke vwanda dyaka ve na kuwa na kati ya yandi, samu . . . to ndinga ya kudila.

Ya ke vwanda dyaka ve . . . mwana yina, mpe . . . kiboba yina ke lungisa ve bilumbu ya yandi: samu ti mwana yina ke kufwa na bamvula nkama mosi ke vwanda ntwenya; mpe nsumuki yina ke vwanda na bamvula nkama mosi ba ke fundisa yandi. Na yina ba ke . . .

Mpe ba ke tunga bayinzo, mpe ba ke zinga na yawu; mpe ba ke kuna bilanga ya vinu, mpe ba ke kudia mbuma ya yawu.

Mpe ba ke tunga ve, mpe muntu yankaka ke zinga na yawu; (ya kele, ferme ya beno, mwana ya beno ya bakala ke byadila yawu, to mwa bilandi ya beno) . . . ba ke kuna ve, mpe yankaka ke kudia yawu kuna: (ba ke sala bilanga ya bawu mpe ya ke bikana kuna; ba ke na Luzingu ya Kukonda nsuka) . . . samu ti mutindu kele bilumbu ya yinti kele bilumbu ya bantu ya munu, mpe ya munu ntangu nyonso . . . misoolami ke sepela na bisalu ya maboko ya bawu.

Ba ke sala kisalu na mpamba ve, ba ke buta bana ve samu bawu kufwa; samu ba ke vwanda dikanga ya kusakumuka ya MFUMU, mpe bana ya bawu ke vwanda na bawu.

⁶³ Ntangu yayi beno tala, awa kele kisika mu ke kuma, na manima ya mwa ntangu fyoti.

Mpe ya ke salama, ti ntete ba bokila, mu ke pesa mvutu; mpe na yina bawu ke na kuzonza dyaka, mu ke kuwa.

Mpe yingo na mwana-dimeme ke kudia kintwadi, mpe nkosi ke kudya matiti mutindu ngombe ya bakala: . . .

fundu-fundu ke vwanda madia ya nyoka. Mpe bawu ke nyongisa ve to ke bebisa ve na mongo ya munu nyonso ya santu, me tuba MFUMU.

64 Wapi nsilulu, ya baprofete yayi mpe bantu ya ndwenga yayi ya nene, milongisi ya Biblia, ntama mingi kuna na bilumbu ya ntama, na kumonaka Kilumbu yayi ya nkembo ke kwisa!

65 Na nzila ya bima yayi, mosi lendaka banza, to lendaka twadisama, mu zola tuba, samu na kukwikila ti yinza ya muvimba, ntoto yayi, ke bebisama, “Mu ke sala Zulu ya Malu-malu mpe Ntoto ya Malu-malu,” beno me mona, ti mazulu ke kufwa mpe ntoto ke beba, kubeba ya muvimba. Kasi na kulongukaka yawu pene-pene, mpe na lusalusu ya Mpeve-Santu, beto lenda mona Kieleka ya yayi; mpe ya kele yina beto ke mona.

66 Ya kele kaka ba-atimosifere na ziunga ya yawu, mpe disumu yina kele na zulu ya ntoto, yina ke beba. Beno me mona? Ntangu yayi, beto ke bakula ti *mazulu* zola kutuba “ba-atimosifere na zulu.” Beno me mona?

67 Yinki ya ke sala? Na yina, matiti ya bansende yayi, mpe bimbevo, mpe lufwa, mpe politiki, mpe bakala ya masumu, mpe kento ya masumu, mpe bampeve ya yimbi, ke kwenda ntama mpe ke zimbana kimakulu. Beno me mona? Ya fwana salama mutindu yina, samu ti beto ke zinga kaka awa. Beto ke siamisa yawu na nzila ya Biblia. Awa kisika beto ke zinga. Ntangu yayi beno tala, matiti ya bansende, bamikolobo, bimbevo nyonso mpe nyonso, ba ke katula yawu nyonso. Nyonso yayi, luzingu ya yandi yina kele na ntoto ntangu yayi, basysiteme yina bantu me sala, polititiki, disumu, bampeve ya yimbi ya mutindu na mutindu yina yinza me kuzwaka, mpe mazulu nyonso na zulu ya beto na kati awa, kele ya kufulukana na mpeve ya yimbi. Ntangu yayi beto ke kota na mudindu mpe yinda, na yayi, beno me mona.

68 Bima nyonso yayi na mazulu, to ba-atimosifere, mpe ntoto yina kele ntangu yayi. Ntoto yayi ke bumbaka bima yina, kasi ya vwandaka ve samu na lukanu yina. Disumu salaka ti ya vwanda mutindu yina. Beno me mona? Ya salamaka na Nzambi, Mvangi. Kasi nyonso . . .

69 Mpe banzutu ya beto nyonso, yina beto ke zinga ntangu yayi, kutulamaka na ntoto ntangu Nzambi vangaka yawu, samu ti beno me basika na fundu-fundu ya ntoto. Ya vwandaka nyonso awa. Ntangu Nzambi Yandi mosi vangaka yawu, beno vwandaka na kati ya dibanza ya Yandi. Mpe na kati ya Yandi, Seko ya Nene, vwandaka dibanza, yina kele kinama ya Yandi.

70 Mpe ntangu yayi disumu salaka ti nyonso yayi kusalama. Mpe Nzambi, na nzila ya nsungi yayi, ke na kuvukisaka bisadulu ya Yandi.

71 Satana kele dyaka awa. Ya kele samu na yina bima nyonso yayi ke salamaka. Yandi kele dyaka awa, mpe bangolo ya yandi nyonso kele dyaka awa. Beno tala, ya kele samu na yina ntoto

ntangu yayi kele mvindu mingi. Ya kele samu na yina ya kele na mvindu mpe bima ya nsoni yina ke na salama; menga ke na kubasika, mvita, politiki, disumu, pité, mvindu ya mitindu nyonso ke landila, ya kele samu ti Satana kele muyadi ya ntoto yayi mpe atimosifere yayi.

Beno ke tuba, “Atimos- . . . ?” Yinga, tata!

⁷² Mazulu mpe ntoto ntangu yayi kele ya kubeba na bampeve ya yimbi yina lenda fundisa beto na ntwala ya Nzambi. Yesu kele Kuna samu na kulombila beto. Beno me mona? Na yina bafundisi ke landila na kulakisa musapi, “bawu me sala *yayi*, bawu me sala *yayi*, bawu salaka *yayi*,” kasi Menga ke na kufika dyaka. Yandi kwisaka samu na kuvulusa Musoolami yina Yandi monaka na ntwala. Ya kele samu na yina ya kele mvindu mingi bubu yayi.

⁷³ Awa, ntumwa, na Pierre ya Zole awa, kapu ya 2, mpe na 5 mpe . . . mpe na nzila ya 5 mpe ya 6. Yinga, mu me kuzwa yawu. Yandi ke lakisa bitezo tatu ya ntoto. Beno me mona, yandi—yandi ke na bitezo tatu ya yawu. Beno tala mutindu yandi ke nataka yawu.

⁷⁴ “Yinza ya ntama basikaka na maza,” ntangu yayi, yina vwandaka yinza ya ntama yina kufwaka na mvula.

⁷⁵ Ntangu yayi, yina kele, yinza ya bubu yayi beto ke na kuzinga ntangu yayi, ba ke bokila yawu “yinza.”

⁷⁶ “Yinza ya ntama yina basikaka na maza,” Genèse 1:1. Ntangu yayi mpe “yinza” ya kele ntangu yayi awa. Mpe na manima, dyaka, yandi ke lakisa yankaka, “yinza yina ke na kwiza,” Yinza ya Malu-malu. Bayinza tatu; bitezo tatu ya yinza.

⁷⁷ Mpe beno tala mutindu Nzambi me kumisa pwelele samu na beto dikani ya Yandi ya mpulusu. Oh, yayi me sepelisa kaka moyo ya munu ntangu mu monaka yawu, mutindu Yandi me kumisa pwelele samu na beto awa ntangu yayi dikani ya Yandi ya mpulusu. Ntangu yayi beno fwanikisa yina beto ke mona na meso ya beto mosi. Yina Nzambi salaka samu na kuvulusa yinza ya Yandi, Yandi salaka dikani mosi samu na kuvulusa bantu ya Yandi, samu ti Nzambi yina ke sobaka ve ke sobaka ve na mosi ya manaka ya Yandi to kima mosi. Kima ya nkembo ya mutindu yina!

⁷⁸ Mutindu Yandi twadisaka beto na Yandi mosi, na tabernacle yina kele na kati ya beto, na bitezo tatu ya lemvo; kaka mutindu Yandi me twadisa yinza na bitezo tatu, samu na kukwisa na yinza. Mutindu Nzambi ke kwisa na yinza na manima ya me luta na kati ya bitezo ya kuswaswana ya mvedolo, ya kele kieleka mutindu Yandi ke kwizaka na beto na nzila ya bitezo tatu ya lemvo. Mu longaka yawu na mbandukulu; mu me sobaka ata fioti ve, kubanda ntangu yina. Ya kele Ndinga ya Nzambi.

⁷⁹ Beno fwana bumba tatu ya beno kintwadi, sambwadi ya beno, kumi na zole ya beno. Bantalulu ya Biblia fwana tambula

kintwadi to beno ke kuzwa kifwanisu ya beno ya kuvwalangana. Kana beno lenda bakula yawu ve, beno landila kaka na kusambila. Beno tala mbote, ya ke vukana kaka, na mutindu ya kulunga. Nzambi kele ya kulunga na tatu. Beno me mona?

⁸⁰ Beno tala, “yinza ya ntama,” yinza ya kufuluka na maza; “yinza” ya kele awa ntangu yayi; mpe Yandi yina ke na kwiza.

⁸¹ Ntangu yayi, kitezo ya ntete yina Yandi ke nata beto na . . . Beno me mona, dikani ya Yandi ya mpulusu kele kieleka mutindu mosi na nzila ya bima nyonso. Yandi ke sadilaka mutindu mosi ya kusala. Yandi ke sobaka ata fioti ve. Yandi tubaka, na Malachie 3, “Mu kele Nzambi, mpe mu ke sobaka ve.” Mutindu Yandi ke salaka yawu, na yawu, kana Yandi vulusaka muntu ya ntete Yandi vulusaka, na nzila ya Menga yina basikaka na Muntu yina zaba dyambu ve, Yandi fwana vulusa yina ke landa; mpe muntu nyonso Yandi ke vulusa fwana vwanda mutindu mosi.

⁸² Kana Yandi belusaka muntu na konso ntangu yina na nzila ya nzyetolo ya luzingu; ti ya vwanda na bilumbu ya Yesu, bantumwa, bapofete, ntangu nyonso yina ya vwandaka; ntangu mutindu mosi ke salama, Yandi fwana sala yawu diaka. Ya kele kieleka. Yandi ke sobaka ve. Muntu ke sobaka, ntangu ke sobaka, nsungi ke sobaka, nsungi ya ntangu ke sobaka, kasi Nzambi kele kaka mutindu mosi. Yandi kele ya kulunga. Wapi kivuvu yina lendaka pesa bambevo!

⁸³ Kana Yandi belusaka ntete muntu, Yandi fwana sala dyaka yawu ntangu ba me lungisa ba-kondisyo mosi. Yandi me kuzwaka ntete, me vulusaka muntu, Yandi fwana sala yawu na lufulu mosi Yandi salaka yawu mbala ya ntete. Kana Yandi me fulusa muntu na Mpeve-Santu, Yandi fwana sala yawu na mutindu mosi Yandi salaka na mbala ya ntete. Kana Yandi basisaka ntete muntu na ntoni, Yandi fwana sala yawu mbala ya zole, mpe ntangu nyonso yankaka, na musiku mosi.

⁸⁴ Yandi ke sobaka ve. Oh, wapi kivuvu yina ke pesaka munu! Yinki ya kele? Ve na malongi yina muntu me sala, kima yina bimvuka ya bantu me vukana; kasi Ndinga ya Yandi yina ke sobaka ve.

Beno ke tuba, “Ya kele Kieleka?”

⁸⁵ Yandi tubaka, “Bika ti konso ndinga ya muntu kuvwanda luvunu, mpe ya Munu kuvwanda kieleka.” “Samu mazulu na ntoto ke luta, kasi Ndinga ya Munu ke kondwa ata fioti ve.” “Masonuku nyonso me pesama na lutwadusu ya kimpeve, na yina ya kele mbote mpe ya ndandu samu na malongi.” Mpe beno bambuka moyo, ti, “Masonuku nyonso ke lungisama,” konso kitini ya yawu.

⁸⁶ Beno tala mutindu Nzambi me kumisa yawu pwelele samu na beto. Mpe kana ya vwandaka ve nsiamisa ya nene, ya mbote . . . lusakumunu ya nene, ya luzolo ya Nzambi! Ntangu mu ke mona yayi, mpe mu ke mona yawu kubanda mu vwandaka mwana-

bakala ya ntwenia, mbala ya ntete Klisto salaka na munu, mu ke longaka ntangu nionso bitezo tatu ya lemvo. Beno tala kana ya kele ve kieleka ntangu yayi.

⁸⁷ Ntangu yayi, kitezo ya ntete kele “kubalula ntima na ntuala ya Nzambi.” Mpe yina ke landa yawu, kele mbotika ya maza, “mbotika ya maza,” “Beno balula ntima, mpe beno botama na Nkumbu ya Yesu Klisto.” Beno me mona, mbotika ya maza ke landa, na kulakisaka ti kubalula ntima vwandaka kieleka. To, samu na “kukatula” masumu ya beto ya ntama, yina kele ve na kima ya kusala na disumu ya bilumbu ke kwisa na ntuala. Ya ke katulaka kaka. “Beno balula ntima, mpe beno botama na Nkumbu ya Yesu Klisto.” Samu na yinki? “Lemvo.” Kukatula disumu ya ntama kele ve na kima ya kusala na disumu ya bilumbu ke kwisa na ntuala. Kaka, ba me katula disumu ya beno, yina beno salaka.

⁸⁸ Beno lenda ve kubalula ntima samu na yina Adam salaka. Beno me salaka yawu ata fioti ve; Adam salaka yawu. Beno ke kuzwa mulemvo samu na yina beno salaka. Nkadulu ya ntama kele kaka kuna.

⁸⁹ Bika mu baka tablo yayi na mwa ntangu fioti. [Mpangi Branham me talisa kifwanukusu na tablo—Mu.] Ntangu yayi, *awa* kele ntima ya muntu. Ntangu yayi, mu kele ve . . . Mu kele ntama mingi na kuvwanda artiste mosi. *Awa* kele ntima ya muntu; mpe *awa* kele ntima ya muntu. Ntangu yayi, yayi *awa* kele na nyoka na kati ya yawu, yina kele disumu, *awa* yandi kele na luzingu ya yandi. Yandi yayi *awa* kele na yembe na kati ya yawu, yina kele Mpeve-Santu, yandi kele na Luzingu. Mbote, yayi *awa*, yandi kele na mayele ya yimbi, kuyina, luzitu; ya kele yina ke na kusalaka yawu, ya kele muntu yayi *awa*. Mbote, yayi na lweka *awa* kele na zola, mpe kyese, mpe ntima ya yinda; mpe Yayi kele yina ke salaka yawu, na yisi *awa*.

⁹⁰ Ntangu yayi, ntangu ba me lomba beno, to ba me lemvo kila beno masumu ya beno, beno me sala yayi kaka, beno me katula *yayi*. Kasi kima yina salaka ti beno sala yawu kele dyaka kuna. Ya kele nsimbulu ya ntama ya dyabulu; ya kele dyaka kuna. Beno tala, na yina beno ke balula ntima mpe beno ke botama na Nkumbu ya Yesu Klisto, ti Yandi ke lemvo kila beno masumu ya beno. Beno tala.

⁹¹ Na yina, na zole, me kwisa kusantisama, yina me tula mabanza ya beto na ndonga samu na busantu, samu na kubanza mbote. Ba me katula . . . kusantisama kele bampova zole ya Grec, yina zola kutuba “ya ba me sukula, mpe ba me tula na lweka samu na kusalu.”

⁹² Na yina, yina ke landa, ke kwiza mbotika ya Tiya mpe Mpeve-Santu, ti Nzambi fwana zinga na kati ya beto. Mpe Tiya ya Nzambi ke sukula bantima ya beto na disumu, mpe ke tula

Mpeve-Santu na kati. Na yina beto ke basisa Luzingu mosi yina *Yayi* salaka, samu ti Ya kele na kati ya beto.

⁹³ Beno tala, na mbutukulu ya kimuntu, ntangu kento ke butaka bébé. Luzingu ya kimuntu ke talisaka luzingu ya kimpeve. Ntangu kento ke butaka bébé, na kimuntu, kima ya ntete ke salamaka kele kupanzana ya maza, na manima menga, mpe na manima mpeve (luzingu). Beno baka mwana ya fioti mpe beno bula yandi fimbu, mpe yandi yina, ke banda na kuboka. [Mpangi Branham me bula maboko ya yandi—Mu.] Maza, menga, mpeve.

⁹⁴ Mpe ntangu yayi ntangu bébé me butuka na Kimfumu ya Nzambi, yandi ke kwisa mutindu mosi: masa, Menga, Mpeve.

⁹⁵ Ntangu yayi beno tala, kusantisama, kitezo ya tatu. . . kitezo ya zole ya yawu, ke sukulaka dibanza; ya ke tulaka ntima, dibanza ya ntima, na ndonga ya busantu.

⁹⁶ Muntu lenda balula ntima na masumu mpe yandi ke banza kaka na. . . Mbote, ntangu yankaka yandi kele muntu ya nkadulu ya mansoni, kento nyonso ya nkadulu ya mansoni yandi ke tala, ya kele dyaka kuna. Ya lendaka vwanda ti yandi kele kinwa-malafu; konso ntangu yina yandi ke kuwa nsunga ya malafu, ya kele kaka kuna. Beno me mona?

⁹⁷ Kasi na manima ntangu yandi ke kuma ya kusantisama, yina ke sukula mpusa yina na kati ya yandi. Beno me mona? Ya ke katula nsatu. Yandi lenda mekama dyaka, kasi Yandi ke katula nsatu ya yawu. Dyaka, yandi kele ve ya kulunga ntete.

⁹⁸ Na manima, yandi me botama na Mpeve-Santu mpe Tiya. Ba me sukula yandi, ba me yoka yandi, ba me sukula yandi; mpe na manima ba me tula yandi na kisalu ya Nzambi.

Kusantisama ke tulaka bawu kaka na lweka *samu* na kisalu.

⁹⁹ Mpe beno tala kaka kieleka mutindu ya kwizaka, bansangu yina vwandaka kwiza. Martin Luther, kunungisama; John Wesley, kusantisama; pentecote, mbotika ya Mpeve-Santu. Bansangu, ya kele samu na yina ya lenda vwanda dyaka ve na bansungi yankaka, beno me mona. Beto me kuma na ntangu ya nsuka. Bitezo tatu. Mbotika ke sukula ntima na Mpeve-Santu.

¹⁰⁰ Wapi mutindu ya ke bula ntangu yayi, Yandi ke baka kisika yina beto ke zinga, na nzila ya nsadulu mosi.

¹⁰¹ Ntangu yayi, ba ke bokila Yandi Dibundu na nzila ya kunungisama, ba ke bokila Yawu na nzila ya kusantisama, na manima me fulusa Yawu na Mpeve-Santu mpe Tiya. Mpe Yandi bakaka Yawu na nzila ya nsadulu mosi, ti Yandi Yandi mosi, Mpeve-Santu Yandi mosi, Mwana ya Nzambi, lendaka zinga na kati ya ntima ya muntu. Ntangu yayi, Ya fwana luta na nzila ya yawu ntete Yandi kota na kati ya Yawu.

¹⁰² Beno tala, Yandi salaka yinza, kisika Kento ya makwela yina ke zinga, mutindu mosi, manaka ya Yandi mosi ya—ya mpulusu.

103 Beno tala yinza ya ntama yina fulukaka na maza. Yandi, na manima ya me balula ntima, na nzila ya Kento ya makwela ya kilumbu yina, Noé, Yandi pesaka yawu mbotika ya maza, na kufikaka yawu na maza. Na yina, kunungisama, na kulakisaka ti Yandi kele na nzila ya Yandi samu na kubokila yinza yayi ya kubwa, na Eden, kuvutuka dyaka na kisika ya yawu ya ntete.

104 Na yina Klisto kwizaka mpe tiamunaka Menga ya Yandi na zulu ya yawu, samu na kuvedisa yawu mpe kulomba yawu. Beno me mona, ya kele yinza yina beto ke na kuzinga ntangu yayi.

105 Beno me mona mutindu Satana, awa na kati ya Masonuku, mekaka na kusala ti Yandi kubuka manaka ya Nzambi samu na kuzwa yawu, yandi pesaka yawu na Yandi ntangu yandi nataka Yandi na zulu ya mongo, mpe mekaka na kupesa yawu na Yandi kukondwa kufuta ntalu ya Menga?

106 Beno talaka mutindu Abraham, ntangu bawu mekaka na kupesa yandi yinsi, yandi sumbaka yawu na mbongo mingi ya kisengo, na ntwala ya bantu, mutindu kidimbu, mutindu kimbangi? “Beno zaba bubu yayi ti mu me sumba kisika yayi ya maziame.” Beno me mona, yandi kusumba yawu! Mpe Satana mekaka na ku—kupesa Yandi kimfumu yina kele ya yandi ntangu yayi. Yandi mekaka na kupesa yawu na Yandi mutindu dikabu, kasi Yandi zolaka ve kundima yawu. Samu ti ya kele, beno me mona, na yina Satana zolaka landila kaka na kulomba yawu. Kasi, ba zolaka sumba yawu. Amen. Yandi vwandaka Ndinga na muvimba ya yawu. Bawu lendaka ve kuvuna Yandi na nzila ya yawu.

Na yina, ya kele ntangu yayi samu na kuzwa mbotika ya Tiya.

107 Beno me mona, ya kele ntangu yayi. . . Yinki salamaka? Klisto kwizaka mpe bokilaka Dibuundu na kubalula ntima, mbotika na Nkumbu ya Yesu Klisto, samu na mulemvo; kusantisa Dibuundu; mpe na Tiya ya Nzambi kukulumukaka mpe kuyoka mvindu nyonso, mpe ya ke kwisa mpe ke zinga na kati ya ntima ya muntu.

108 Ntangu yayi, yinza, samu na kuvwanda ya kukuula samu na muntu yayi ya kuvuluka, Yandi ke sadilaka metodi mosi ya Yandi. Yandi botikaka yawu na masa, na manima ya kubeba ya yinza na maza. Yandi mwangisaka Menga ya Yandi na zulu ya yawu, samu na kusantisa yawu mpe kulomba yawu. Ya kele ya Yandi.

Satana mekaka na kutuba, “Mu ke pesa yawu na Nge.”

109 Yandi tubaka, “Ve, tata, mu ke sumba yawu.” Ti ya vwanda kimbangi. Ba zangulaka Yandi, samu na kidimbu, ti Yandi sumbaka yawu. Yandi sumbaka yawu.

110 Kasi ntangu yayi ya fwana luta na nzila ya mbotika ya Tiya, Tiya ya santu katuka na Nzambi, yina ke sukulaka ntoto mpe

mazulu na nziunga ya yawu. Na yina, ba me sumba yawu samu ti bantu ya kuvulusa kuzinga na zulu ya yawu, kuzinga na kati ya yawu na ngemba. Beno tala, mbotika ya Tiya kele samu na kusukula yawu na disumu, na kimbevo, na mikolobo ya maladi, na bansumuki, na diabulu mpe kimvuka ya yandi nionso. Ba ke losa yandi, na Dizanga ya Tiya. Tiya ya Santu katuka na Nzambi, ke kulumuka na Nzambi, na Mazulu, mpe ke yoka yawu, beno tala, samu na kukumisa yawu ya kukubama samu na Nzambi na kuzinga. Samu ti, Nzambi, na Yinza ya Malu-malu yina ke kwiza, fwana kuzinga na ntoto. Samu ti, beno ke tuba, “Nzambi, Yandi ke zingaka na kati ya ntima ya muntu.” Kasi, Yandi mpe Kento ya makwela ke kuma Mosi, mpe bawu ke kwenda na Yinzo ya bawu na Yinza ya Malu-malu. Mpe dikani mosi ya mpulusu ba me sadila yawu samu na kuvulusa, nyonso zole, yinza mpe bantu yina ke zinga na kati ya yawu.

¹¹¹ Beno me mona, ntima fwana vwanda ya kusukula mutindu yina. Ntete Nzambi kulumuka na muntu ya Mpeve-Santu, yina kele Klisto ke kulumuka mpe ke zinga na kati ya ntima ya muntu, ya fwana ntete kubalula ntima. Ya fwana botama na maza, na Nkumbu ya Yandi, samu na kulakisa nani ya kele.

Na yina ba fwana sukula yawu na Menga ya Yesu.

¹¹² Mpe kuna Tiya ya santu mpe Mpeve-Santu, ya Nzambi, ke kulumuka mpe ke yoka nsatu nyonso ya disumu, nkadulu nyonso ya yinza. “Mpe, na yina, yandi yina ke sumuka na luzolo na manima yandi me kuzwa luzabu ya Kieleka . . .” Na yina, dyaka Biblia ke tuba, “ya lenda salama ve . . .” “Samu ti, muntu yina me butuka na Nzambi lenda sumuka ve; yandi ke sumuka ve.” Ya kele ve na mutindu samu na yandi na kusumuka. Wapi mutindu yandi lenda vwanda musumuki, mpe muntu ya kuvulusa, mbala mosi? Wapi mutindu mu lendaka vwanda na kati ya yinzo ya kundefisa, mpe na ngaanda ya yinzo ya kundefisa, na mbala mosi? Beno me mona? Oh, Yandi vulusaka beto na nzila ya Menga ya Yandi; na nzila ya Mpeve ya Yandi Yandi sukulaka beto; mpe na manima ke kwiza zinga na kati ya beto, Dibuundu. Denomination ve, ntangu yayi; Dibuundu!

¹¹³ Beno tala mbote ntangu yayi na yina beto ke baka yayi, bisika beto ke—ke zinga. Ntangu yayi, ntangu yayi, kubalula ntima na ntangu yinza fulukaka na maza, kuna, nataka mbotika ya maza. Na yina Klisto kwizaka mpe mwangisaka Menga ya Yandi na zulu ya yawu, samu na kusukula mpe kulomba yawu. Mpe na manima ke kwiza, kubeba ya yinza mutindu ya kele ntangu yayi.

¹¹⁴ Disumu nyonso yina kele na mazulu, “yandi kele mwana ya ntinu ya ngolo ya mipepe,” yandi ke nata ntama (ke nwana mvita samu na kukanga) balusakumunu ya Nzambi. Na kati kuna me kwiza bidumu ya banzasi mpe ke bula ntoto, mpe nyonso, ke katuka na mazulu, binkunku ya mvula ya matadi

mpe ya mvula, mpe ba-typhon, typh-. . . bitembo mpe nyonso, “ke katuka na mazulu,” yina kele Satana, “mwana ya ntinu ya ngolo ya mipepe.”

¹¹⁵ Beno tala, beno me mona mutindu Satana mekaka na kubaka yawu, mutindu mu tubaka na mwa ntangu fioti me luta, na kupesaka yawu na Yesu kukondwa kusumba yawu. Na yina, Satana ke na kulombaka yawu kaka, samu ya kele na kidimbu na dikutu ya yandi, beno me mona. Kasi Yesu sumbaka yawu na nzila ya Menga ya Yandi yina basikaka mpe vutulaka yawu na mfumu ya kieleka. Beno me mona? Ya kele mutindu Yandi sumbaka beto, na nzila ya Menga ya Yandi, mutindu Yandi sumbaka Dibuundu.

¹¹⁶ Mpe ntangu yayi mbotika ya yandi ya Tiya ke sukula yawu na mikolobo nyonso, maladi ya yawu nyonso, bimbevo nyonso, ata mpe bima nyonso ya kimpeve; yina kele ya beto, mpe, ya ke salaka mutindu mosi; samu na kukubika yawu samu na Nzambi na kuzinga, na nsungi yayi ya nene yina ke na kwiza, Ntoto ya Malu-malu. Beno me mona, Yandi ke vulusa yawu na mutindu mosi Yandi ke salaka bantu ya Yandi. Yandi ke salaka yawu nyonso kaka mutindu mosi, dikani ya Yandi ya mpulusu. Samu ti, Yandi kele Nzambi yina ke sobaka ve, ntangu nyonso mutindu mosi na makani ya Yandi.

¹¹⁷ Mutindu mu tubaka na beno, ntete, mpe kusala yawu kuzabana na beno, mpe na bansungi nyonso, ti Nzambi lenda soba ve; ke sala yawu kuzabana, na mutindu nyonso, na mutindu mosi.

¹¹⁸ Yandi salaka yawu kuzabana, nsangu ya Yandi ya ntete, na yinza ya ntama ya kifuluka na maza, na nzila ya Noé profete.

¹¹⁹ Mu vwandaka solula na mpangi mosi ya bakala ya luzolo yina kele ya kuvwanda awa na munu ntangu yayi. Mazono, yandi tubaka, “Kima mosi nge tubaka, Mpangi Branham, yina ke ningisaka munu ntangu nionso.”

Mu tubaka, “Yinki ya kele, mpangi?”

¹²⁰ Mpe yandi tubaka, “Tala yina nge me tuba,” mpe ya kele kieleka, “‘Bantu fyoti, mwa nkonga ya fyoti ke kuzwa mpulusu na bilumbu ya Nkwizulu.’ Mpe beto zonzilaka mutindu Yesu tubaka, ‘Mwelo kele ya fyoti mpe nzila kele ya fyoti mingi, mpe kasi bantu fyoti ke vwanda yina ke mona yawu.’ Ntangu yayi beno tala, Biblia ke tuba, ‘Mutindu ya vwandaka na bilumbu ya Noé kisika mioyo nana vulukaka na nzila ya masa, mutindu mosi yawu ke vwanda na Nkwizulu.’”

Mu tubaka, “Mpangi, nge me . . .”

Yandi tubaka, “Bambuka moyo, ya vwandaka kaka na mioyo nana kuna.”

Mu tubaka, “Nge kele kaka na ndambu ya foto.”

¹²¹ Kasi, Noé vwandaka kifwanikusu ya bayina bikanaka yina ke luta na kati, nkonga yina ba me zangula ve. Enoch, muntu mosi, kwendaka na Enlevement ntete kufulukuka ya maza kukwiza, na kulakisaka ti Dibuundu ke kotaka ve na lukwamusu to kima mosi pene-pene ya yawu. Enoch zangukaka, muntu mosi. Oh, dibuundu lendaka vwanda lutangu; kasi Kento ya makwela ke vwanda kimvuka ya fyoti mingi yina ke sala Kento ya makwela. Ntangu yayi, dibuundu lendaka vwanda lutangu ya nene; kasi, Kento ya makwela, beno me mona, beno fwanikisa nana na mosi. Bambala nana na yisi ya yina, ke vwanda Kento ya makwela, kulutila dibuundu.

¹²² “Mpe kana muntu ya ludedomo ke kuzwa mpulusu na mpasi, wapi mutindu ke vwanda nsumuki mpe muntu ya yimbi,” bayina zaba kusala mbote, samu na kusala yawu, mpe ba ke kwenda na ntuala mpe kusala yawu na mutindu nyonso? Bayina ke landa misiku ya denomination na kisika ya Ndinga, wapi kisika bawu ke vwanda, ata ti ba ke kukibokila bawu mosi Baklisto, ba ke baka Nkumbu ya Klisto?

¹²³ Ntangu yayi, na mutindu ya kulunga, Noé vwandaka kifwanikusu ya bayina ke luta na kati. Beno bambuka moyo, ntangu Noé basikaka, Cham vwandaka na yandi. Disumu vwandaka kaka kuna na kati. Disumu lutaka kaka kuna, na kati ya nzanza. Kukondwa lukwikilu, ntembe, kwendaka kuna na kati ya nzanza, nataka yawu na zulu ya lufundusu. Kasi Enoch kwendaka na zulu mingi kulutila nzanza, yandi kwendaka na Mvwandulu ya Nzambi. Kasi Noé kotaka mpe basikaka, mpe ya vwandaka dyaka na disumu; kifwanikusu ya Millenium, ya konditsyo ya yinza.

¹²⁴ Millenium kele ve nsuka ya yawu. Ya ke vwanda dyaka na ntangu na manima ya Millenium. Millenium kele kati-kati ya ntangu; kasi, Ntoto ya Malu-malu ve. Ve, kieleka. Beno tala, na kati ya yawu, beto ke kuma na yawu na manima ya mwa ntangu fyoti.

¹²⁵ Beno me mona, ntoto, yina ba me vulusa, vutukaka dyaka na Munkwa ya yawu ya kisina. Ya bakaka . . . Yandi botolaka yawu na Satana. Yandi bendaka yawu, na kubotolaka ntoto na Satana, kaka mutindu Yandi botolaka beno na Satana, mutindu Yandi botolaka kento yina ya ntwenia na dibulu ya masa ya Satana. Nganga-Nzambi telemaka kuna, yandi banzaka ti yandi vwandaka na Nzambi, mpe yandi vwandaka na kima ve. Beno me mona?

¹²⁶ Mu ke zola kubenda yawu samu na beno na mwa ntangu fioti. Ntangu yayi, beto zola kumisa yayi kieleka pwelele, na yawu ntangu yayi beno tala mbote ntangu yayi na malongi yayi. [Mpangi Branham me fikula kifwanukusu na tablo na kati ya tablo na kati ya mwa ba-paragraphe—Mu.]

¹²⁷ Ntangu yayi, yayi *awa*, awa kele Nzambi. Nzambi, yina kele ya Kukonda nsuka, kukondwa . . . Ya kele na muntu ve kasi Yandi. Kasi, na kati ya Nzambi, Yandi vwandaka na binama. Ntangu yayi, yayi *awa* ke talisa Ndinga, Ndinga ya Nzambi, yina kumaka nsuni mpe zingaka na kati-kati ya beto na kati ya muntu ya Yesu.

¹²⁸ Ntangu yayi *awa*, bakala yayi awa, beto ke sala yandi mutindu *yayi*. Ntangu yayi, ba ke bokila *yayi* kento yina na dibulu ya masa. *Yayi* kele ngangang-Nzambi, Pharisien. Mpe kisika *yayi* beno ke mona, tablo yayi me bikana, zola kutuba lemvo mpe mpulusu.

¹²⁹ Ntangu yayi, “Na mbandukulu vwandaka Ndinga. Mpe Ndinga kumaka nsuni mpe zingaka na kati-kati ya beto.” Bitezo tatu. Ya vwandaka kinama ya ntete, yina vwandaka na kati ya Nzambi, ti Yandi banzaka na Yandi mosi na kuvwanda muntu; mpe yina nataka Yandi na kuvwanda Yesu; mpe ntangu yayi, kana beno ke vwanda Kuna, beno vwandaka na Yandi kuna. Samu ti, ya kele kaka na mutindu mosi ya Luzingu ya Kukonda nsuka, ya kele Nzambi; mpe beno zolaka vwanda kitini ya Nzambi na mbandukulu, ve yina beno soolaka kaka awa. Yandi solaka beno. “Bayina nyonso Tata pesaka Munu ke kwiza.”

¹³⁰ Ntangu yayi beno tala ngangang-Nzambi yayi awa. Beto ke mona kitini ya yandi ya yisi, *awa*, luzingu ya yandi ya manima, na manima ya yandi, nsodolo ya mantwala ya yandi na manima awa, yandi kele na disumu.

Awa kele difelo, na yisi *awa*.

¹³¹ Ntangu yayi, mwa kitini yayi na kati *awa*, yina ke monana mutindu tablo, yina ke talisa kuvedila ya yandi. Yandi vwandaka ngangang-Nzambi. Yandi vwandaka muntu ya lukumu. Yina vwandaka monikisa *yayi*. Yandi vwandaka, mpe, zolaka vwanda muntu ya mbote, to yandi zolaka vwanda ngangang-Nzambi ve. Kasi beno me mona mutindu yandi kuzwaka yawu, ya vwandaka luzabu ya lukolo.

¹³² Ntangu yayi, mwa kento yayi ya ntwenia, luzingu ya yandi ya ntete, na zulu *awa*, yandi vwandaka kento ya kindumba, yandi vwandaka nyonso ya kubeba. Kasi kuna na kati ya yandi, *awa*, vwandaka kaka mwa lubakusu. “Mu zaba ti ntangu Mesiya ke kwiza . . .” Beno me mona? Beno me mona, yina vwandaka kuna.

¹³³ Beno tala, ntangu Yesu kwizaka mpe monisaka Ndinga, samu ti Ndinga swasikisaka mabanza yina vwandaka na kati ya ntima; mutindu Hébreux 4 ke tuba Yawu, 4:12, ti Yandi ke sala. “Ndinga vwandaka muswasikisi ya mabanza ya ntima,” mpe Yandi kwizaka mutindu Mwana ya muntu, Profete. Yinki salamaka? Ngangang-Nzambi yayi, na luzabu ya lukolo kaka, tubaka, “Ya kele dyabulu,” samu ti ya kele yina denomination ya yandi bokilaka yawu. Yinki yawu salaka? Yandi vwandaka na kitalisi ve, na yina ya kotisaka yandi na kati ya mudidi.

134 Kasi mwa kento yayi vwandaka ve na kima ya kotalisa; yandi vwandaka mvindu mpe mvindu mutindu yandi lendaka vwanda. Kasi, beno tala, kuna na kati ya yandi, yandi vwandaka na kitalisi, beno me mona. Mpe, na yina, yandi vwandaka sosa ti yayi kukuma nsuni.

Mpe ntangu Yandi tubaka, “Kwenda baka bakala ya nge mpe beno kwiza awa.”

Yandi tubaka, “Tata, mu ke na yandi ve.”

135 Yandi tubaka, “Nge me tuba kieleka, samu ti nge kele na tanu, mpe mosi yina kele na nge ntangu yayi kele ya nge ve. Nge me kuzwaka tanu. Ya ke sala sambanu yina nge me kuzwaka.”

136 Yandi tubaka, “Tata!” (Ve, “Nge kele,” ve, “Béelzébul.”) “Mu ke mona ti Nge kele Profete. Ntangu yayi, beto zaba Mesiya, yina ba ke bokila Klisto, ke kwisa. Mpe ntangu Yandi ke kwisa, Yandi ke sala yayi.”

Yandi tubaka, “Mu kele Yandi yina.”

137 Kukondwa ntembe. Beno zolaka ve kutendula yawu. Yandi monaka yawu. Yandi kwikilaka yawu. Yandi kwendaka! Samu na yinki? Yinki Yawu salaka na yandi? Yawu vulusaka yandi.

138 Ntangu yayi beno tala mbote, Yandi kwizaka samu na kuvwanda Mukudi. Ya kele kieleka? Yinki zola kutuba *kuvulusa*? “Kuvutula.” Samu na yinki Yandi bakaka ve nganga-Nzambi? Ata mbala mosi ve ti Yandi vwandaka na zulu kuna. Beno me mona? Beno me mona, yandi vwandaka ve na kitalisi.

139 Yandi kwisaka samu na kuvulusa yina kubwaka. Na kubwa, *yayi* kumaka ya kubeba, na mwana-kento yina; kasi Nzambi kuzwaka yandi na dibanza ya Yandi ntete mbandukulu ya yinza, mpe Yandi kwizaka samu na kusukula yandi. Beno me mona? Na yina Yandi. . . Yandi vwandaka na Luzingu ya Kukonda nsuka. Beno me mona?

140 Wapi kisika, nganga-Nzambi, yinki ya salaka na yandi? Ya me vutula yandi kaka na kisika ya yandi ya kukwenda. Yandi vwandaka na kima ve, na kubanda, kaka malongi ya lukolo.

141 Ntangu yayi beno kuwa, nkundi, kana kima mosi kaka beno kele na yawu kele kaka malongi ya lukolo, beno ke kuzwa kima ya mutindu yankaka na yawu. Mpe beno ke kuzwa ata mbala mosi ve lenda ya kuzwa Yawu kaka kana ti beno kele na kitalisi. Ya kele samu na yina mu ke kwikila ti beno me katuka na esete mpe wesete, node mpe sude; Ndinga, ya moyo, yina me monisama.

142 Beno tala ntangu yayi mutindu Yandi ke salaka nzila ya Yandi kuzabana na nzila ya bapofete ya Yandi, na mbandukulu. Yandi me sobaka yawu ata fioti ve.

143 [Kisika ya mpamba na bande—Mu.] . . mpulusu. Yandi me nungisa muntu; santisaka yandi; fidisaka Mpeve-Santu mpe

Tiya, mpe yokaka disumu na yandi, mpe zingaka na kati ya yandi, Yandi mosi.

¹⁴⁴ Yandi ke salaka ntoto, yina Yandi ke sadila na dikani ya mpulusu, mutindu mosi. Yawu balulaka ntima mpe kuzwaka mbotika na maza, na . . . na nzila ya Noé. Yesu kwizaka mpe santisaka yawu, na kutiamunaka Menga ya Yandi na zulu ya yawu, mpe lombaka yawu. Mpe na Ntoto ya Malu-malu yina ke kwiza, ya ke kuzwa mbotika ya Tiya ya santu, samu na kusukula yawu na konso mpeve ya yimbi, konso mikolobo, konso kimbevo, bima yina nionso kele, mpe kusala yawu ya malu-malu. “Mu monaka Mazulu ya Malu-malu mpe Ntoto ya Malu-malu.”

¹⁴⁵ Beno me kuma muntu ya malu-malu. Amen! Ve kaka kiboba yina ba me yidika, na kukota na dibuundu to na kuvuka kubalula dititi ya malu-malu, kasi beno kele kima ya mumimba ya malu-malu. Nzambi ke bakaka muntu ya ntama mpe ke yoka yandi ya muvimba, na Mpeve-Santu mpe Tiya, mpe ke kwiza Yandi mosi, ke kulumusa kitalisi ya beno. “Muntu mosi ve lenda kwiza na Munu kana ti Tata ya Munu me benda yandi. Mpe nyonso yina Tata me pesa Munu ke kwiza na Munu.” Beno me mona yawu? Dikani mosi; mutindu mosi.

¹⁴⁶ Satana vwandaka . . . ba ke katula yandi na ntoto, kaka kieleka mutindu ba katulaka Satana na beno. Satana lenda kwamisa ve; to, yandi lenda meka, kasi yandi lenda ve kuzwa Muklisto yina me butuka mbala zole. Samu, Nzambi, kubanda mbandukulu ya yinza, monaka yandi na ntwala, mpe fidisaka Yesu na kuvulusa yandi, mpe Menga ke zonza samu na yandi. Wapi mutindu yandi lenda sumuka na ntangu yawu lenda monana ve, ata mpe, na Nzambi? Yandi ke kaka ve . . . Kima mosi kaka Yandi ke kuwa kele ndinga ya beno. Yandi ke mona kitalisi ya beno. Amen! Ya kele kieleka. Beno me mona?

¹⁴⁷ Na nzila mosi, samu yinza kele mosi ya binama ya Yandi kaka mutindu beno kele mosi ya binama ya Yandi. Yinza me kuma mosi ya binama ya Yandi, samu ti ya vwandaka dibanza ya Nzambi, na mbandukulu. Kuvwanda na yinza, kuvwanda na zulu ya Kiti ya kimfumu, samu na kuvwanda Ntinu, samu na kuvwanda Mukudi, samu na kuvwanda Munganga, yina kele binama ya Yandi.

¹⁴⁸ Kaka mutindu kinama ya beno. Mu lenda tuba ve “dikunzi” kaka kana mu ke banza na dikunzi. Mu lenda tuba ve “muntu” kana kaka mu ke banza na muntu. Mpe ntangu mu ke banza na muntu, na yina mu ke tuba “muntu,” dibanza kele kinama ya munu mpe nzonzolo kele ndinga. Beno me mona?

¹⁴⁹ Mutindu Ésaïe, wapi mutindu yandi lendaka tuba, ti, “Mwense mosi ke kuzwa kivumu”? Yinki kele dibanza?

¹⁵⁰ Ntangu yayi, mingi ya beno ke kukiyufula wapi mutindu, kuswasikisa mabanza yina, ke kwizaka. Mu ke tuba na beno. Beno me mona, ya kele ndinga yina mu ke tuba. Mpe ya kele

ve dibanza ya munu, samu ti mu zaba ve. Mu zaba ve dibanza ya yawu. Wapi mutindu mu lenda tuba na beno nani beno kele mpe kisika beno me katuka, ntangu mu zaba beno ve? Wapi mutindu mu lenda tuba na beno yina beno salaka bamvula kumi me luta, ntangu mu me monaka beno ntete ve na luzingu ya munu? Wapi mutindu mu lenda tuba na beno wapi kisika beno ke sala mpe yinki beno ke sala na bamvula kumi ke kwisa na ntwala? Wapi mutindu mu zaba bilumbu ke kwisa na ntwala? Kasi ya kele dibanza ya Muntu yankaka.

¹⁵¹ “Ti dibanza yina vwandaka na kati ya Klisto kuvwanda na kati ya beno. Ti dibanza yina vwandaka na kati ya Klisto kuvwanda na kati ya beno.” Beno me mona, na yina ya kele ve dibanza ya beno. Ya kele dibanza ya Yandi, na nzila ya beno. Mpe beno ke na kuzonza ve bandinga ya beno mosi; beno ke na kuzonza Bandinga ya Yandi.

¹⁵² Ya kele mutindu yina bampangi ke kotaka na poto-poto, samu na lutendulu ya bandinga, mpe nyonso. Beno me mona, ba ke tubaka bima yina kele ve kieleka, ba ke bakula ve ti ya kele Satana. Beno ke tuba, “Na disamba ya Nzambi?” Beno vingila kaka tii beto kuma kuna, beno tala kana ya kele mutindu yina, to ve. Matiti ya yimbi mpe blé ke kula na bilanga mosi. Bawu nyonso zole ke zinga na mwini mosi mpe mvula mosi. Beno me mona?

¹⁵³ “Kasi kana ya kele na mosi na kati ya beno yina kele profete, Munu Mfumu ke zonza na yandi. Mpe kana yina yandi ke tuba ke salama, na yina ya kele Munu, beno me mona, samu ti yandi ke na kuzonza ve mambu ya yandi mosi. Yandi ke na kuzonza mabanza ya Munu, binama ya Munu ya bima yina fwana kwiza, mpe Mu ke sadila yinwa ya yandi samu na kutuba yawu. Mpe na manima yandi me tuba yawu, yawu fwana salama. Mazulu na ntoto ke luta, kasi Ndinga ya Munu ke kondwa ata fioti ve.”

¹⁵⁴ Esaie tubaka, “Mwense ke kuzwa kivumu.” Yina ke sukisa dyambu. Yandi ke kuzwa kivumu. Yina Nzambi tubaka, Yandi ke sala yawu.

¹⁵⁵ Oh, kuzabisa, na nzila ya baprofete ya Yandi, bakumonisama ya Yandi nionso, samu ti ya kele binama ya Yandi ya mabanza ya Yandi yina me tubama.

¹⁵⁶ Ntangu yayi, awa ya vwandaka, na kati mwa kento *yayi*. Yandi vwandaka mosi ya binama ya Yandi. Beno me mona?

¹⁵⁷ Mpe ya vwandaka na nganga-Nzambi, yina vwandaka talisa Nsemo. Yandi longukaka yawu na Biblia. Yandi longokaka ti Nzambi vwandaka Nzambi. Yandi longokaka ti busantu vwandaka kieleka. Yandi longukaka ti ya vwandaka na musiku ya Nzambi. Yandi longokaka yawu samu na dibanza ya mayela. Mpe yandi butukaka na dikanda ya kulunga; yandi vwandaka Levite. Kasi yandi zabaka kaka yawu na nzila ya dibanza ya mayela. Mpe ntangu Nsemo ya ngunga . . . Beno me mona, yandi

longokaka yawu na nzila ya yina *me* salama, ve yina salamaka; yina me salama! Mpe ntangu yandi monaka yina vwandaka salama, denomination ya yandi tubaka kima mosi ve samu na Yawu, na yina yandi vwandaka ve na kitalisi ya Yawu.

¹⁵⁸ Kasi awa vwandaka Mukudi na zulu ya ntoto na ntangu yina, samu na kuvulusa binama yango ya Nzambi, mpe yandi kuzwaka yawu. Yandi tulaka ntembe na yawu ata fioti ve. Yandi tubaka, “Ntangu Mesiya ke kwisa, Yandi ke sala yayi,” mpe yina sukisaka diambu. Mpe yandi monaka yawu kusalama, na yawu . . . Yandi tubaka, “Mu kele Mesiya,” na yawu yina sukisaka dyambu. Ata kyuvu vwandaka dyaka ve. Yandi kwendaka kaka, na kutubaka na bantu yankaka, “Beno kwiza, beno mona Nani mu me mona.”

¹⁵⁹ Banzila yayi ke sukula beto, tempelo samu na kisika ya Yandi ya kuzinga: kunungisama, kusantisama, mbotika ya Mpeve-Santu na Tiya. Yina ke mvedolo ya (ya beto) tempelo yayi.

¹⁶⁰ Na yawu, mutindu lufulu ya ntama ya yinza kubebaka ve, na nzila ya bamaza ntangu ba sukulaka yawu; lufulu ya yinza, lufulu ya ntama, . . . mvindu nionso, bima nionso yina Nzambi tulaka na zulu ya ntoto, kubebaka ve ntangu ba bebisaka yinza ya ntete. Mpe Biblia ke tuba ti ya vwandaka ya “kubeba,” kasi ba bebisaka ata fioti ve lufulu. Ya bebisaka kaka disumu mpe misumuki yina vwandaka na zulu ya yawu. Lufulu bikanaka.

¹⁶¹ Kasi, beno me mona, mutindu kunungisama, mutindu beno ba-Baptiste mpe ba-Methodiste zola kubanza na yawu, kaka kunungisama, kukwikila mpe kubotama, yina kele ve ya kulunga. Beno ke vutuka kaka na bima ya yinza, mpe ke zenga bansuki ya beno mpe ke lwata bakupe, mpe nyonso yankaka. Beno me mona, ya kele ve na kima yina me salama ntete. Beno me tala kaka na manima mpe me mona ti beno me sala yimbi.

¹⁶² Yinki kunungisama salaka na yinza? Ata mbala mosi ve ti ya me salaka kima na yawu; ya me banda kaka dyaka, kaka disumu mutindu ya vwandaka ntete. Ya kele mutindu muntu ke salaka, mpe ya ke kwenda ntama mingi ve na yawu.

¹⁶³ Ya kele mutindu evangeliste ya nene, Billy Graham, beno fwana mona. Yandi tubaka, “Mu ke kwenda mpe mu ke kuzwa mafunda makumi tatu ya bandimi, mu ke vutuka na mvula mosi mpe mu ke kuzwa makumi tatu ve.” Bawu kwendaka mingi ve na yawu. Beno me mona? Mpe, kieleka, bawu ke balula ntima. Mu ke kwikila ti bawu ke balula ntima; mingi ya bawu, to ndambu ya bawu, na mutindu nyonso. Kasi ya kele ve yina ya ke lomba. Ya ke lakisa yawu awa.

¹⁶⁴ Ntangu yayi, na yawu lufulu ya yinza ya ntama bebaka ve na maza. Ba sukulaka kaka yinza. Ya kele na mbotika ya yawu. Ya vwandaka ya kubotama.

165 Na yina lufulu ke bikana, ata ti ya ke yokama na Tiya. Ya ke bebisa ve ntoto, beno me mona, ya ke bebisa kaka disumu yina kele na zulu ya yawu.

166 Beno tala awa, bayankaka ya beno mitangi ya Biblia, mpe mingi-mingi Docteur Vayle ke na kutala munu. Beno tala na Pierre, na kapu ya 2 ya Pierre awa, kapu ya 3, mu zola kutuba, yandi ke sadilaka mpova “yinza,” mutindu mpova ya Grec *kosmos*, yina zola kutuba, “ntumunu ya yinza.” “Ntoto ke luta, bima yina ke yokama na tiya ke sulumuka.” Beno me mona? Ya zola kutuba ve ti ntoto, yinza, ke luta. Kasi yinza, *kosmos*, bapolitiki, misumuki, basysiteme, disumu, kimbevo, bamikolobo, nyonso yina kele yimbi, ke luta. Nyonso yina mbala mosi. . .

167 Nzambi na mbala mosi ningisaka mazulu, kasi na ntangu yayi Yandi tubaka ti Yandi ke ningisa ntoto, mazulu mpe ntoto. . . “Yandi ningisaka ntoto,” mu zola kutuba, “mpe kuna ntangu yayi Yandi ke ningisa mazulu.” Beno me mona? “Samu ti beto ke kuzwa Kimfumu yina lenda ningana ve.” Ya kele Kimfumu ya Kukonda nsuka. Beno tala mbote mutindu yandi ke kwenda na yawu.

168 Beno tala awa, Pierre tubaka, “Mpe ya ke yokama na tiya ya ngolo mingi, mpe bisalu yina kele kuna ke yokama na tiya,” yinza ve. “Bisalu ya yawu,” bisalu ya muntu, bantu ya politiki ya bawu nyonso mpe mitindu ya bawu, mpe ba-denomination ya bawu nionso mpe mabanza ya bantu, bawu nionso ke kwenda na yawu na ntangu yawu ke yokama.

169 “Mpe—mpe mazulu ke luta na makelele ya nene.” Beno me mona awa? “Mazulu ke luta na makelele ya nene.” Beno kuwa! Ntoto ya muvimba ke vwanda na tiya, mpe ya ke yoka gaz yina kele na ntoto mpe ke mwangisa yawu. Ya kele kieleka. Beno ke tuba. . . Biblia me tuba awa, Pierre tubaka, “Mpe mazulu ke luta, mpe ntoto, na makelele ya nene.” Kupasuka ya mutindu yina ke pasula yawu, oh, la la, samu ti ya fwana kufwa konso kimbevo, konso dititi ya bansende, konso yinti ya bansende. Nyonso ya fwana salama, Tiya ke yoka yawu na tiya. Mpe, beno bambuka moyo, ya kele ve kaka tiya ya kimuntu, ya kele mpe Tiya ya santu, beno me mona, yina ke katula Satana mpe nyonso ya yandi, bampeve nyonso ya yimbi. “Zulu mpe ntoto,” amen, “ke luta,” ke kufwa bamikolobo nyonso, banyama nyonso, luzingu nyonso ya kimuntu na zulu ya yawu mpe pene-pene ya yawu, mpe H₂O (maza) ke panzana. Beno banza na yawu. Beno ke zonzila makelele!

170 Beno ke banza ti mwa makelele yina awa na Tucson vwandaka kima mosi, ntangu Yandi zibulaka Bidimbu sambanu, yina ningisaka yinsi na nziunga ya yawu, mpe salaka makelele. Beno vingila tii ntoto yayi ke kuzwa mbotika ya yandi!

171 Beno zaba, ntangu muntu ke kuzwa mbotika ya Tiya, ya kele na makelele mingi kuna. Bawu ke banza ti ya kele nsoni, na kuwa bantu kuboka mpe kuboka mutindu yina. Beno vingila kaka tii ntoto yayi ke kuzwa mbotika ya yandi!

172 Yinga, ya ke tendula . . . ke panza yawu, H₂O, maza, samu ti Biblia ke tuba awa na Apocalypse 21, “mpe ya vwandaka dyaka ve na mubu,” ya ke panza yawu. Yayi ke soba kizizi nyonso ya ntoto. Yandi ke pasuka mpe ke panzana bitini-bitini. Ngaanda nyonso, mpusu, bankama ya ba-metre na yisi ya yawu, ke vwanda kaka ya kubeba ya muvimba. Ba-atimosifere, ba-gaz yina kele na ntoto ntangu yayi, kisika ba ke na kuzwaka ba-missile yayi yina lenda ve kuluta na kati ya yawu, na sphère ya nene yina na zulu, na zulu mingi na mutindu ya sphère yina ya kele na mitindu nyonso ya ba-gaz, bawu ke tubaka; mpe ya ke pasuka. Nganzi ya santu ya Nzambi ke kwiza na zulu ya yawu, beno me mona, mpe ke sukula yawu, ke soba nyonso.

173 Ntangu yayi, mingi ya beno yina zola kusonika mpova yayi, mpova ya Grec, “kuluta.” Ya me katuka na mpova . . . Mu zolaka kwenda kumona yawu. Mu banzaka, “Wapi mutindu yinza yayi ke luta, mpe kasi beto ke zinga na zulu ya yawu?” Kasi kana beno tala, bayankaka ya beno bantu yina zola kusonika yawu, mu ke tanguna yawu samu na beno. Mu lendaka ve kuzonza yawu, p-a-r-e-r-e-c-h-o-m-i-a. Mu zaba ve wapi mutindu kuzonza yawu.

174 Ntangu yayi, mutindu yina, mutindu mu tubaka, ntangu mu ke . . . Lutwadusu ya kimpeve ke bula munu samu na kima mosi, na yawu mu ke vutuka samu na kusosa mpova yango. Ntangu yayi, awa, mu lenda ve kutanguna ndinga, to mu lenda ve—mu lenda ve kuzonza yawu. Kasi, na yina, Mfumu me pesa munu kaka nzila. Mu ke kwenda mpe ke tala yinki mpova yayi zola kutuba, kuna mu ke kuzwa yawu. Beno me mona? Na manima mu me kuzwa yawu, dyaka. Beno me mona?

175 Mazulu mpe ntoto ke *kuluta*, ntangu yayi, mpova yayi zola kutuba, “kuluta na mutindu mosi na yankaka.” Ya zola tuba ve “kubeba kimakulu,” mutindu mpova ya Kingelesi ke zola kutuba, *kuluta*, ya kele kubeba ya kimakulu. Kasi mpova ya Hébreu, to mpova ya Grec awa, zola kutuba *kuluta*; ya zola kutuba, “kuluta kima mosi na yankaka.” Beno tala, kasi, “kuluta na mutindu mosi,” ya ke tuba, “na yankaka.”

176 Ntangu yayi beno tala, Paul sadilaka yawu, kana beno zola kutanga yawu ntangu yayi. Beno sonika yawu, beno lenda tanga yawu na manima. Na Tite 3:5, Paul ke na kusadilaka mpova mosi yayi, zola kutuba mbutukulu ya malu-malu ya muntu, ti muntu me luta na nsumuki na santu, kubeba ya kimakulu ve. Ntangu muntu ke soba, yandi ke beba ve kimakulu, kasi yandi ke muntu yina me soba. Yandi me soba na yina yandi vwandaka samu na yina yandi kele, ya kubeba ve kimakulu.

177 Yesu sadilaka mpova mosi na Matthieu 19:28; ntangu yayi, ve 28:19. Ntangu yayi, 19:28, Yandi tubaka na bawu, “Beno ke vwanda na Munu na Kimfumu ya Tata ya Munu, ya malu-malu,” beno me mona, “me soba,” ntangu beno me soba. Yandi sadilaka mpova mosi.

178 Mpe Yandi sadilaka ndinga mosi ntangu Yandi tubaka, na mpunda, yandi tubaka, “Beno zibula mpunda mpe beno bika yandi kwenda.”

179 Yandi tubaka kima mutindu mosi na mvumbukulu ya Lazare, “Beno zibula yandi! Beno soba yandi! Yandi vwandaka ya kukangama; beno bika yandi kwenda!”

180 Yinki ya zola kutuba? Ba ke katula ntoto na diboko ya Satana. Ba ke zibula yawu. Ba ke katula yawu na politiki, ba ke zibula yawu na ba-sysiteme ya denomination; samu na kusadila yawu samu na Kimfumu ya Nzambi, samu na kutula yawu awa na zulu ya ntoto. Kasi ntangu nyonso ya kele na maboko ya Satana, politiki . . . Satana mfumu ya ntoto, yandi kele mfumu ya yawu; ya kele ya yandi, kasi ntangu yayi Klisto me vulusa yawu.

181 Kilumbu mosi, mu vwandaka kima ya yandi, kasi ntangu yayi ve. Kilumbu mosi, mwa kento yina vwandaka kima ya yandi, kasi ntangu yayi ve. Beno me mona, Yandi me kwisa samu na kukatula yawu na nsi ya luyalu ya yawu. Yandi katulaka luyalu ya disumu, ya Satana, na zulu ya luzingu ya munu, na zulu ya luzingu ya beno, mpe ntangu yayi beto kele ve ya yandi.

182 Beno ke kuwaka munu bambala mingi kutuba, na kisambu, “katula maboko ya nge na kima ya Nzambi”? Beno me mona? Amen! Beno vwanda na lukwikilu samu na kulomba bamuswa ya beno. Yina kele bamuswa ya beno. “Katula maboko ya nge na kento yayi! Katula maboko ya nge na bakala yayi!” Beno me mona, lukwikilu ke sala yawu. Oh, la la! Yawu ke bebisa yawu ve kimakulu, kasi, kaka, “Katula maboko ya nge na yawu,” samu zibula yawu, bika yawu kwenda, bika yawu luta. Yawu ke sobaka.

183 Ntoto ke soba. Politiki ke soba. Bansambulu ke soba. Ba-denomination ke luta. Politiki ke luta. Kimfumu ya Nzambi ke vwandisama.

184 Beto ke tanga na Jean, beto ke tanga Jean na Apocalypse 6:14, beno me mona, “ya vwandaka kwenda mutindu rouleau.” Biblia ke tuba . . . ti ya . . . Jean tubaka, “Mu monaka zulu mpe ntoto kukwenda mutindu rouleau.” Jean, Apocalypse 6:14.

185 Yesu tubaka, “Mazulu na ntoto ke luta,” to, bampova yankaka, “mazulu na ntoto ke soba.” Beno me mona, yandi sadilaka mpova yina kaka kuna dyaka.

186 Ve, ve kubeba ya kimakulu. Samu, na ntwala, na Apocalypse 21:2 tii na 24, yandi monaka Jérusalem ya Malu-malu ke

kulumuka na Nzambi na Zulu, mpe ke vwanda na zulu ya ntoto yayi. Ya zola kutuba ve ti ya ke beba. Ba-sysiteme ke soba.

¹⁸⁷ Daniel monaka kima ya mutindu mosi. Ditadi bulaka yinza, katukaka kukondwa maboko; mpe kifwani nyonso ya ba-sysiteme bukanaka mpe kumaka mutindu mpusu na ntangu ya kupasula mbuma na été, mpe mupepe nataka yawu ntama. Mpe Ditadi, Yawu mosi, me kula na Mongo ya nene yina vwandaka fika ntoto. Beno tala mbote Mongo yango ntangu yayi, na mwa ntangu fyoti. Mongo yango fikaka ntoto.

¹⁸⁸ Mpe, beto ke mona awa, na kati, mpe, na Apocalypse kuna, ya me tuba, “Bantinu ya Ntoto ya Malu-malu ke nata lukumu ya bawu mpe nkembo na kati ya yawu.” Na ntoto, kele. . . Jérusalem ya Malu-malu kele na zulu ya ntoto yayi. Beno me mona, ya me soba kaka.

¹⁸⁹ Beno kele muntu mosi, na ntela, ti beno vwandaka ntangu Nzambi bokilaka beno, kento ya mutindu mosi. Kasi, beno me mona, yina yawu salaka, ya vwandaka mbutukulu ya malu-malu. Luzingu ya ntama me luta. Nsatu ya ntama me luta. Ntete, beno vwanda zola kunwa malafu, mpe kuzenga ndefi, mpe kusala mambu ya mpamba-mpamba, mpe kudasuka, mpe kutambula bisika nionso, mpe mambu ya nsoni, kima yina me kufwa. Beno me mona? Kasi ntangu yayi ba me sadila beno. . . Ntete beno vwandaka kisadilu ya Satana; ntangu yayi ba me vulusa beno.

¹⁹⁰ Mpe ya kele yina yinza ke vwanda, mutindu mosi, ya kuvulusa, Mazulu ya Malu-malu mpe Ntoto ya Malu-malu.

¹⁹¹ Kaka mutindu beno, “Beno kele kivangu ya malu-malu.” Mpe mpova ya Grec kuna, muntu nyonso zaba, tubaka, “Nge kele kivangu ya malu-malu.” Amen! Luvangulu ya malu-malu na tempelo mosi ya ntama. Alleluia. Beno tala yina ke salama awa ntangu yayi. Nkembo! Mbote mingi.

¹⁹² Ntangu yayi beto ke mona ti na ntoto yayi ke vwanda bantinu ya ntoto.

¹⁹³ Mpe, dyaka, na Matthieu 5:5, Yesu tubaka, “Bantu ya lembami ke byadila ntoto.” Ya ke vwanda ve, kaka samu na kuzwa ntoto yankaka. Ya ke vwanda kaka ntoto mosi. Mu ke na kumeka na kuzwa dikani ya mpulusu samu na beno, ntete, kana mu kuzwa kima yankaka ve, beno me mona. Mbotika ya Tiya, na zulu ya yawu, kele kaka samu na kusukula yawu mpe kusala yawu kisika ya kulunga samu na bantu ya Yandi ya lembami samu na kuzinga. Beno me mona? Oh!

¹⁹⁴ Mutindu Yandi salaka beto, luvangulu ya Yandi, samu na kuzinga. Ntete Yandi kwiza na kati ya yawu, Yandi zolaka pesa beto mbotika ya Tiya; na manima Mpeve-Santu me kwiza mpe ke zinga, mbotika ya Tiya. Na yina, ntangu beno ke baka mbotika yina ya Tiya, na yina Mpeve-Santu lenda kota. Yinki? Mutindu Yawu ke salaka, Yawu ke yoka nyonso ya kuswaswana

na Ndinga, na kati ya beno. Beno me mona? Ya ke kwikila kima yankaka ve kasi Ndinga, samu Yawu keke Ndinga. Beno me mona? Beno me mona? Beno me mona?

¹⁹⁵ Ntangu yayi, ya keke yina beto vwandaka zonzila kilumbu yankaka yina, nzikisa ya Mpeve-Santu. Beno me mona? Nzikisa ya Mpeve-Santu keke ntangu beno lenda kundima Ndinga; sysiteme mosi ve, kasi kuzwa lubakusu ya kieleka. Wapi mutindu beno ke zaba ti Ndinga keke kieleka, beno ke bakula Yawu? Beno tala Yawu ke kukisiamisa Yawu mosi.

¹⁹⁶ “Mbote,” beno ke tuba, “Mu ke mona *yayi* kusala yawu, mpe *yina*.” Oh, yinga, matiti ya yimbi ke zinga mutindu mosi. Beno me mona?

¹⁹⁷ Kasi ya fwana vwanda Ndinga ya muvimba. Samu na kuvwanda Kento ya makwela, beno fwana vwanda kitini ya Yandi. Yandi keke Ndinga. Beno me mona? Mpe wapi kitini ya Yandi ya keke? Ndinga yina ba silaka samu na kilumbu yayi ntangu Yandi ke bokila Kento ya Yandi ya makwela. Beno vwanda kitini ya Yawu. Beno me bakula yawu? Ntangu yayi, beno zimbara yawu ve—ve ntangu yayi. Beno tala.

Mpe Yandi ke salaka yawu kisika ya kulunga samu na kuzinga na kati ya Seko.

¹⁹⁸ Beno tala, yayi keke dyaka ve mutindu ya kutuba na... Kimfumu yayi ya Millenium, funda ya bamvula, keke ve Ntoto ya Malu-malu. Beno me mona, kimfumu ya Millenium keke kimfumu ya kuswaswana. Ya keke yina beto ke kota, Millenium, kasi ya keke ve Ntoto ya Malu-malu, Mazulu ya Malu-malu. Ve, ve. Ya keke kaka kisika ya kupema, beno me mona, ntangu ya kupema, ata fioti ve Mazulu ya Malu-malu mpe Ntoto ya Malu-malu; samu ti, beno me mona, na Millenium beto keke na bima yina ke kota ve na kati ya Yawu. Ya keke kifwanikusu ya kilumbu ya sambwadi ya ntama, kuna na Eden; kilumbu ya sambwadi, na manima Yandi salaka yinza. Kilumbu ya sambwadi, Yandi pemaka na Eden, mpe na Millenium.

¹⁹⁹ Beno me mona, yinza me kuma pene ya bamvula mafunda sambanu, ya ntama. Beno me mona? Konso mvula mafunda zole ya ke kuzwaka kubeba. Beno me mona?

²⁰⁰ Mafunda zole ya ntete, kifuluka ya maza kwizaka, mpe Yandi botikaka yawu na (yinki?) maza.

²⁰¹ Mafunda zole yina ke landa, Yesu kwizaka samu na kusantisa yawu mpe lombaka yawu, tiamunaka Menga ya Yandi na zulu ya yawu, bokilaka yawu ya Yandi. Mbote mingi.

²⁰² “Mu ke kwiza dyaka,” uh-huh, ntangu yayi mutindu Ntinu na Ntinu ya Yandi ya kento, mpe bamvula mafunda zole ya zole (yinki Yandi salaka?) Yandi kwizaka mpe ke pesa ntangu ya Yandi ya kupema.

203 Mpe na manima ke yoka yawu, mpe ke lomba yawu samu na bantu ya Yandi Mosi; ke vutula bantu ya Yandi Mosi na zulu ya yawu.

204 Mpe beno tala, yinza ya kulunga ve, Millenium yayi, ya kele kifwanikusu ya kilumbu ya sambwadi. Na manima ke kwiza Kiti ya kimfumu ya Mpeembe ya Lufundusu. Beno me mona, beto ke vwanda dyaka na lufundusu. Beto kele dyaka na kati ya ntangu, na Millénium. Ya kele kilumbu, funda mosi ya bamvula. Ya kele ntangu ya kima mosi. Ve, beno vukisa yawu ve na Ntoto ya Malu-malu, ntangu yayi, samu ti ya kele ve.

205 Beno lenda tuba yayi na munu. Ntangu yayi mu ke kuwa kaka muntu kutuba yayi na munu, ti, “Ntangu yayi, Mpangi Branham, yinki nge ke sala ntangu yayi? Nge me manisa ba-sambwadi ya nge ya muvimba. Wapi kisika beno ke sala ntangu yayi? Ntangu yayi, beno kele muntu yina ke simbaka bansungi.” Na yina, mu kele. Mu ke kwikila ti Nzambi kele, dyaka. Beno simba, beno tala. “Beno me manisa mutindu nyonso ya bansungi. Samu, kana nge ke tula kima mosi na zulu ya kilumbu yina ya sambwadi, wapi mutindu nge ke sala yawu? Wapi kisika nge ke kwenda ntangu yayi?”

206 Mbote mingi, mu ke benda bukebi ya beno na kima mosi, beno me mona. Uh-huh. Beno me mona? Na yina, mu kele ve na ngaanda—mu kele ve na ngaanda ya bansungi, dyaka. Mu kele na Masonuku yankaka awa. Mpe, beno bambuka moyo, Yawu nyonso fwana salama, konso kitini ya Yawu. Beno me mona?

207 Ntangu yayi beno ke tuba, “Mpangi Branham, nge ke na kumeka na kutula kima mosi kuna na zulu ya kilumbu yina ya sambwadi, kilumbu yina ya sambwadi ya saba.”

208 Mutindu Nzambi salaka ntoto mpe salaka bilumbu sambanu, mpe pemaka na kilumbu ya sambwadi, ya vwandaka kaka kifwanikusu ya ntangu, ntangu. Kasi mu me tuba kaka awa, beto me kuma Seko.

209 “Na yawu kifwanikusu ya nge ntangu yayi? Nge tubaka ti nge kele typologue. Na yawu, nge, nge me manisa bifwanikusu ntangu yayi.” Ve, mu me manisa yawu ve. Beto tala kaka kana beto me manisa yawu.

210 Beto vutuka na Lévitique, kuna na kapu 23 ya Lévitique. Ntangu yayi mu zola beno kutala na Lévitique, kisika beto vwandaka na Lumingu me luta, to me luta. . . Yayi kele yina pesaka munu dibanza, kaka awa. Kapu ya 23 ya Lévitique, mpe nzila ya 26.

211 Ntangu yayi beno bambuka moyo, ya kele na bilumbu sambwadi ya feti. Feti ya bampungi, feti ya—ya ba-tabernacle, feti ya kuningisa ya mbuma, . . . Nyonso yayi, ya kele na bilumbu sambwadi ya nene ya feti, yina vwandaka kaka kifwanikusu ya Bansungi Sambwadi ya Dibuundu. Mpe beno ke bambuka moyo basaba yikwa vwandaka na kati-kati ya mosi mpe yankaka?

Beno me mona, basaba sambwadi kati-kati ya pentecote mpe bampungu, yina vwandaka Bansungi Sambwadi ya Dibuundu. Mpe ya vwandaka na bilumbu sambwadi ya feti, yina vwandaka talisa Bansungi Sambwadi ya Dibuundu. Beno landila kaka bantalu ya beno.

212 Beno ke tuba, “Mbote, ntangu yayi, Mpangi Branham, nge me manisa yawu. Nge me kuzwa sambwadi ya nge.”

213 Mbote mingi, beto baka feti ya nsuka, yina kele feti ya ba-tabernacle. Ntangu yayi beno tala awa na nzila ya 36.

Bilumbu sambwadi beno ke pesa makabu ya kuyoka na tiya na MFUMU: na kilumbu ya nana—na kilumbu ya nana ke vwanza na mbokolo ya santu (ya kele na ntangu yankaka ya santu yina ke na kwiza). . . mbokolo ya santu samu na beno; mpe beno ke pesa dikabu ya kuyoka na tiya na MFUMU: mpe ya kele lukutakanu ya nene; mpe beno ke sala ve kisalu ya kimpika kuna.

214 Ntangu yayi beto kele na “kilumbu ya nana.” Ntangu yayi, ya kele kaka na bilumbu sambwadi, kasi awa beto ke zonzila “kilumbu ya nana,” lukutakanu ya santu, lukutakanu. Beno tala, “Beno sala kisalu ve na kati ya yawu.” Kilumbu ya nana, kele (yinki?) kuvutuka na kilumbu ya ntete. Na yina, ya ke zonzila Seko, na yina yandi ke baluka kukondwa kisika ya kusuka. Amen. Beno me mona yawu?

215 Beno tala, ya vwandaka mpe na zulu ya kilumbu ya nana yayi. Kilumbu ya nsuka, kilumbu ya feti ya tabernacle, beno tala na manima ya yina, na manima ya kilumbu ya nsuka, na manima ya Nsungu ya nsuka ya Dibuundu, na manima ya bilumbu sambwadi ya nsuka na zulu ya ntoto, na manima ya Millenium, ti Lukutakanu yayi ya Santu ke kwiza.

216 Beno bambuka moyo, yayi kele feti ya ba-tabernacle, *ba-tabernacle*, “bisika ya kuvukana.” Amen! Kisika, “Na Millénium,” Biblia ke tuba, “ba ke tunga bayinzo; ba ke zinga na kati ya yawu.”

217 Kasi na Ntoto ya Malu-malu, Yandi me kwenda yimeni mpe me yidika kisika. Ya kele ya kutunga. Beto kele ve na kima ya kusala na kutungama ya yawu. Amen. Seko! Oh, mu zola kaka Ndinga yina! Oh! Lukutakanu ya Santu, kilumbu ya nana. Na yina, ya kele kaka bilumbu sambwadi. Na manima na kilumbu ya nana, yina ke vutuka dyaka na kilumbu ya ntete, ya ke vutuka na kilumbu ya ntete, kilumbu ya nana kele Lukuta- . . . Lukutakanu ya Santu.

218 Beno tala, bilumbu sambwadi, yina ke tala kaka luvangulu ya ntama, ntangu ya yinza. Bilumbu sambwadi, ya kele Millenium, kilumbu ya kupema. Mutindu Nzambi salaka bilumbu sambanu, pemaka na kilumbu ya sambwadi; Dibuundu ke sala bilumbu sambanu, mpe ke pema na kilumbu ya

sambwadi, kasi beno kele dyaka na ntangu ya mbote. Mu ke na kuzonzila ve ntangu ya Seko.

²¹⁹ Kasi, beno me mona, ya kele ve na kima mutindu bilumbu nana; beno ke vutuka dyaka na kilumbu ya ntete, beno me mona, kilumbu ya ntete.

²²⁰ Saba ke zonzila musiku ya ntama, yina zolaka luta. Kuzitisa ya saba, yina “me luta,” to, mu me tuba, “me soba na yankaka.” Ya me luta ve; ya me soba kaka na musiku ya ntama, samu na kuzitisa kilumbu mosi ya sabala.

²²¹ Esaïe, kapu 19, me tuba, mu banza 28:19, yandi tubaka, “Musiku na zulu ya musiku; awa fyoti, mpe kuna fyoti.” “Beno kangama mingi na yina kele mbote.” “Samu ti na bikoba yina ke tekita mpe bandinga yankaka Mu ke zonga na bantu yayi. Mpe awa kele kupema.” Beno me mona?

²²² Beno ke kota na Luzingu, ve na kuzitisaka kilumbu to kivudi. Paul tubaka, kuna na Hébreux kapu ya 4. “Beno ke zitisa bilumbu mpe bivudi, mpe bima ya mutindu yina; mu kele na boma ya nzingulu ya beno.” Beno me mona, beto ke luta ve na kati ya mwa bilumbu mpe bantumunu. “Beno me luta lufwa na Luzingu ya Kukonda nsuka,” bilumbu mpe bantangu ve. Beno me kota na Seko. Yina kele lukuta-. . .lukutakanu ya santu, lukutakanu, mu zola kutuba.

²²³ *Bilumbu sambwadi*, beno tala mbote, yina kele “kuluta,” to, mu tubaka, ke “soba na yankaka.” Bilumbu nana kuna kele samu na luvangulu ya malu-malu, beno me mona, luvangulu ya ntama ve. Bilumbu nana kele luvangulu ya malu-malu.

²²⁴ Samu ti, ya vwandaka na kilumbu ya nana yina Mfumu ya beto vumbukaka na lufwa. Yina kele lukutakanu ya beno yankaka, busantu; ve kuzitisa basaba, ata fioti, to feti ya batabernacle, feti ya *yayi*, mpe feti ya pentecote. Yesu vumbukaka na lufwa, samu na kunungisama ya beto, na kilumbu ya nana. Na manima ya basaba sambwadi, to bilumbu sambwadi, Bansungi Sambwadi ya Dibuundu, Yesu vumbukaka na lufwa. Kilumbu ya nana, yina kele lukutakanu ya santu, beno me mona, yina kele kilumbu ya ntete.

²²⁵ Beno me mona, beno me, me luta yimeni na kati ya ntangu, mpe beno me kota dyaka na Seko; ve kuzitisa ya bilumbu, mpe kuzitisa ya saba; mpe bangonda ya malu-malu, mpe bima ya mutindu yina. “Kasi *me* luta,” me soba mutindu ya beno; beno me beba kimakulu. Nkembo! “Kasi beno me luta lufwa na Luzingu ya Kukonda nsuka.” Oh, yina Biblia ke longa beto! Beno me mona, me luta mosi na yankaka.

²²⁶ Mbote mingi, “me luta,” saba ya ntama me luta. Yesu vumbukaka na kilumbu ya nana. Yina vwandaka kilumbu ya nene, ya santu. Mpe ya vwandaka ve kilumbu; samu ti kilumbu, ntangu, vwandaka me luta. Ya lutaka na kati ya Seko. Beno me

mona, ya me vutuka mbala mosi dyaka na kilumbu ya ntete. Beno me mona?

²²⁷ Seko kele mutindu lupete. Beno lenda ve kumona nsongi na yawu. Beno lenda ve kumona kisika ya nsuka na kati ya selekele ya kieleka. Beno ke landila mpe ke landila. Mu ke kipe ve wapi mutindu ntama beno ke kwenda, beno ke landila kaka na kukwenda. Beno lenda banda na kubaluka mutindu *yayi*; kuluta na yisi, kuluta na ntoto, kukwenda na zulu ya ntoto, dyaka beno ke landi- . . . [Kisika ya mpamba na bande—Mu.]

²²⁸ Bima nyonso yina ba vangaka na kati *awa*, kele ya kubeba, ya kuvanga ve, na Satana, ya ke kwenda ntangu ngunga ya nene ya wolo ke bula mpe Mpungi ke wakana.

²²⁹ Mpe kuna na mbandukulu, kisika ba salaka dikunzi na kati ya Eden, ntangu muntu kwizaka na ntoto mpe yandi kubwaka, mwana-dimeme yina basisaka menga ya yandi, yina zonzilaka Mwana-dimeme ya nene yina zolaka kwiza samu na kumwangisa Menga ya Yandi. Calvaire vumbulaka kulunsi, yina salaka kimvuka samu na Ngwisani ya Ntama; samu na bayina ba nungisaka, yina vwandaka vingila Yawu. Mpe na nsungi yayi ya malu-malu, na Nkwizulu ya Mfumu, na Ntoto ya Malu-malu, nsinga ya mpulusu (Menga, Ngolo yina ba me vulusa yina mu ke na kuzonzila, mpe na nzila ya sysiteme mosi me kuula nyonso zole bantu mpe ntoto) ke vumbuka kaka na kati ya Seko dyaka. Mpe Dizanga ya Tiya ke yoka nionso yina kele ya kukondwa busantu mpe yina ba me soolaka ve samu na Yawu. Beno me mona yawu?

²³⁰ Beno tala, kilumbu ya nana, Yesu vumbukaka samu na kunungisama ya beto. Ntinu ya Seko, na Kimfumu ya Kukonda nsuka samu na kuzwa mbotika kuna na kati, samu na Luzingu ya kukonda nsuka. Bilumbu sambwadi ve; ya vwandaka ve na kima ya kusala na mosi ya bilumbu yango. Ya ke na kuzonzila yankaka, ya Kukonda nsuka, yina ke na kwiza; ya ke zonzila ntangu ya Kukonda nsuka, Yinza yina mu ke na kuzonzila.

²³¹ Mpe, beno tala, na manima ya bilumbu makumi tanu, to saba sambwadi katuka kuna, dyaka kuna me kwiza lukutakanu ya santu yankaka. Yinki salamaka? Mpeve-Santu kulumukana na Kilumbu ya Pentecote, na kilumbu ya sambwadi. . . To, kilumbu ya nana, mu zola kutuba, kilumbu ya nana, kubwaka na kilumbu ya nana. Vwandaka na basambwadi ya saba, kieleka, na manima ya mvumbukulu ya Yandi, beno me mona; na yawu ya ke vwanda bambala sambwadi dyaka, samu na kuvutula yawu mbala mosi dyaka na kilumbu ya ntete ya sabala, kieleka. Beno me mona?

²³² Ya kele na lukutakanu ya beno ya santu, ya kele ve na kima ya kusala na bima ya kimuntu. Ya kele ntama na yawu. Ya kele na kati ya Kimfumu ya Nzambi, na Luzingu ya Kukonda nsuka, na bayina ba zabaka na mantwala yina me bandaka ata fioti ve. Ya bandaka ata fioti ve na kilumbu mosi. Beno vulukaka ve

na kilumbu mosi. Beno vwandaka ntangu nionso ya kuvuluka. Amen. Yesu kwisaka kaka samu na kuvulusa yawu; kasi beno vulukaka, na mbandukulu, samu beno vwandaka na Luzingu ya Kukonda nsuka, na kubanda.

²³³ Truite lenda vwanda ata fioti ve orphie to ditaka-taka. Yandi lendaka vwanda na kati ya masa ya mutindu mosi na yandi, kasi yandi vwandaka, kubanda na mbandukulu, truite. Filet kangaka kaka yandi, beno me mona, kasi yandi vwandaka yina kubanda na mbandukulu. Ya kele . . .

²³⁴ Ntangu yayi, beto kele ve na ngaanda ya bansungi. Beto kele? Beto kele kaka na kati ya Masonuku. Bilumbu makumi tanu na ntwala, ya kwizaka.

²³⁵ Beno me mona, ba lenda tanga ve nana na sabala. Beno me mona, ba lenda tanga yawu ve, bilumbu nana na kati ya sabala mosi. Beno lenda ve kusala yawu, beno me mona, samu ti ya kele kaka na bilumbu sambwadi na sabala mosi. Beno tanga yawu mutindu nyonso beno zola. Lumingu kele kilumbu ya ntete ya sabala. Beno me mona, beno ke tanga sambwadi, na yina beno fwana vutuka mpe kubanda dyaka. Beno tanga sambwadi, beno fwana vutuka mpe kubanda dyaka. Beno me mona?

²³⁶ Mpe beto zingaka na kati ya bifwanukusu nyonso yayi na kati awa, kasi, ntangu beno ke kuma na nana, beno ke kota na Seko. Beno ke kwizaka ve na nzila ya misiku, mpe balutumu, mpe bantumunu. Beno me kwiza na nzila ya nsodolo ya mantwala. Amen! Ya kele na lukutakanu ya kieleka, ya santu! Beno me mona? Mpe beto ke na kusukisa nsungi ya dibuundu ya sambwadi, nsungi ya dibuundu, nsungi ya Pentecote. Beno me mona yawu? Beto ke na kukotaka na lukutakanu yayi ya santu. Beto ke na kukotaka na Seko yina ya kieleka, ya kieleka, kisika ba me bokila Dibuundu; ve na station, na denomination mosi, kasi samu na kukota na Seko na Ntinu ya bawu ya Seko. Beno me mona? Beto ke na yawu ata fioti ve, ya kele ata fioti ve na kima mutindu bilumbu, mpe nyonso, mpe bantangu. Beno me luta na Seko, kisika beno me katuka. Beno vwandaka Kuna, na kubanda. Beno me mona?

²³⁷ Kana beno kele na Luzingu ya Kukonda nsuka, ya kele kaka na mutindu mosi, ya kele Nzambi, mpe beno kele kinama yina me tubama. Beno me mona? Kana beno . . . Kana ve, beno ke vwanda kuna ve, na mutindu nionso. “Muntu ve lenda kwiza na Munu kana ti Tata ya Munu me benda yandi ve.” Beno me mona? Na yina, “ke luta,” bima yayi nionso ya ntama; kasi Bima yayi ve, na yina ya ke zonzila Seko. Mpeve-Santu kele ya Seko. Na yina, beno kele na Seko, kisika beno vwandaka ntangu nyonso, kasi beno me zaba kaka yina salamaka.

²³⁸ Beno me mona, ba salaka beno samu na lukanu ya Kukonda nsuka, samu ti beno vwandaka kumonisama ya kinama yina vwandaka na kati ya Nzambi, yina banzaka na beno mpe yina

talisaka beno; mpe Yandi salaka ntoto samu na kubasisa beno, mpe samu na kusala beno muntu. Mpe disumu kwizaka mpe bebisaka nzila ya Yandi. Beno me kwiza, na mutindu nyonso, kasi beno vwandaka ya kuzimbana na yinza. Na yina Yandi kwisaka mpe vulusaka beno, kinama yina me monisama, mpe me vulusa ntoto yayi na mutindu mosi. Na yina, lukanu ya Yandi ke landila na kukwenda na ntwala. Beno me mona? Oh! Alleluia! Oh, yina ke sala munu mbote mingi, beno banza kaka na yina kele na ntwala!

²³⁹ Ntangu yayi, na Éphésiens 1:10, ba me bokila yawu... Ntangu yayi, kana beno ke na kusonika yawu, Éphésiens 1:10, ba ke bokilaka yawu, ya kele ve nsungi, kilumbu ya sambwadi ve. Ba me bokila yawu, “Muvimba ya ntangu.” Mpe ntangu “muvimba ya ntangu” me kwiza, ya kele ntangu ntangu me lunga. Ntangu ya kele dyaka ve na ntangu, na yina beno ke kota na Seko, na manima nsungi ya dibuundu ya sambwadi ke suka, mpe ya kele; Nsungi ya Luther me suka, nsungi ya ba-Méthodiste me suka, nsungi ya Pentecote me suka. Mpe ntangu yayi beno ke kota (wapi?) na Seko; ya kele dyaka ve na sambwadi, tatu kele dyaka ve, yankaka kele ve. Bawu kele na Seko, kisika ya kele ve na ntangu mutindu bantalu, mpe bantangu, mpe bima. Amen! Oh, la la! Beno me mona yawu ntangu yayi?

²⁴⁰ To, na manima ya ntangu me lunga, disumu nionso me kwenda, me katuka, na Millenium, na Kiti ya kimfumu ya nene ya Mpembe ya Lufundusu. (Kifwanikusu, na nzila ya Mpeve-Santu.) Na manima yinza me yokama na tiya mpe me kuzwa mbotika, mbotika ya Tiya ya santu ya Mazulu; disumu nyonso me kwenda, mikolobo nyonso me kwenda, bampeve nyonso ya yimbi me kwenda, bampukumunu nyonso me kwenda, yimbi nyonso me kwenda. (Kifwanikusu ntangu yayi.) Na yina yinki Nzambi ke sala? Yandi lenda vwanda na zulu ya ntoto, beno me mona, samu ti disumu nyonso me kwenda.

²⁴¹ Ya kele kima mutindu mosi Yandi ke salaka ntangu Yandi ke pesaka beno mbotika ya Mpeve-Santu na Tiya. Yandi lenda kwiza mpe kuzinga na beno, mpe beto lenda vwanda na bisika ya Mazulu na kati ya Klisto Yesu, samu ti beto kele yimeni na kati ya Yandi. Ve beto “ke vwanda.” Beto kele ya kuvwanda ntangu yayi na kati ya Klisto Yesu. Wapi mutindu beto ke kota na kati ya yawu? Na nzila ya mbotika mosi ya Mpeve-Santu. “Na nzila ya Mpeve mosi beto nyonso kele ya kubotama na kati ya Klisto,” na yina, beto kele ntangu yayi. Ve ke “vwanda” na kati ya Klisto; beto kele! Yandi kele Ntinu ya nene ya kimpeve na zulu ya Mpeve yina kele na kati ya beto, samu ti beto vwandaka na kati ya Yandi na mbandukulu.

²⁴² Beno me mona, Nzambi, na mbandukulu, ntangu Yandi banzaka na beno mpe banzaka na bayankaka mutindu yina, banzaka na Yandi mosi ti ba lendaka simba Yandi. Yina vwandaka mabanza ya Yandi. Beno me mona? Na yina, Yandi

tubaka mabanza ya Yandi na nzila ya Ndinga. Yandi tubaka, “Ti ya vwanda.” “Ti ya vwanda,” mpe ya vwandaka. “Ti ya vwanda,” mpe ya vwandaka.

²⁴³ Na yina, na manima ya mwa ntangu fyoti, Yandi landilaka na kutuba “ti ya vwanda,” tii bantu tubaka, kilumbu mosi, “Nzambi kuzonza ve!”

²⁴⁴ Yandi tubaka, “Ntangu yayi mu ke zonza na bawu na nzila ya profete.” Beno me mona? “Kubanda ntangu yayi, Mu ke zonza na bawu na nzila ya profete.”

²⁴⁵ Mpe profete tubaka, “Ya ke kwiza; ya ke vwanda,” mpe ya vwandaka, mpe ya vwandaka. Mpe ya vwandaka, mpe ya vwandaka, beno me mona, kaka mutindu yina. Beno me bakula yawu ntangu yayi?

²⁴⁶ “Muvimba ya ntangu” me kwiza na manima ya ntangu me lungisama. Disumu me kwenda, na manima ya mbotika ya yinza, na manima ya mbotika ya yinza me sala yawu kisika ya kulunga; ata kimbevo ve, ata mikolobo ve; ata matiti ya bansende, ata yinti ya bansende ve; ata lufwa ve, ata mawa ve, ata mpasi ya ntima ve; ata nsungi ya ntama ve, kima ve samu na kumonikisa lufwa; ata kima ya yimbi ve; mbote mingi; kima ya yinza. Seko!

²⁴⁷ Na yina, kisalu ya Yandi me talisama samu ya vwandaka kuna, ntete, na kubanda. Ya kele yina Yandi banzaka. [Mpangi Branham me talisa yawu na tablo—Mu.]

²⁴⁸ Mpe na manima yinki kusalamaka? Yandi tulaka Adam mpe Eve awa na zulu ya ntoto, mpe tubaka, “Beno fuluka ntangu yayi mpe beno fulusa ntoto.” Banzutu ya bawu nyonso vwandaka awa, samu ti beno kudya mpe kusala nzutu ya beno. Ya kele mutindu Yandi zolaka sala yawu.

²⁴⁹ Kasi disumu me kwiza mpe me zenga dikani ya Yandi. Yandi me landila kaka, kaka mutindu mosi, ntangu me luta.

²⁵⁰ Kasi yinki Yesu salaka? Nzambi kulumukaka mpe monisamaka Yandi mosi na mutindu ya Muntu, muntu; pesaka luzingu ya Yandi, na kisika ya kuvwanda awa. Na yina, Yandi vwandaka Ntinu, kasi Yandi pesaka Yandi mosi na kuvulusa bayankaka. Beno me bakula yawu?

²⁵¹ Mpe ntangu nionso ke mana, na yina ba ke benda yawu na manima, mpe lukanu ya Nzambi me lungisama. Ya kele dyaka na Ntinu ya Kukonda nsuka na bantu ya Yandi ya Kukonda nsuka, yina me monisama na nsuni ya muntu, kieleka mutindu Yandi kuzwaka yawu; disumu me kwenda; diabulu me kwenda; nionso me suka ntangu yayi.

²⁵² Yinki ke sala yawu? Ntoto yayi lendaka vwanda ve kisika samu na Mazulu na kuvwanda ntangu yayi. Beno tala yawu, disumu. Ba fwana sukula yawu.

²⁵³ Bakala ve, muntu ve, kento ve, mwana ya bakala, mwana ya kento, mu ke kipe ve nani yandi kele, kele ya kulunga

na kukwenda na chaire, to ke tubaka ti yandi kele Muklisto, kukondwa kuvwanda ya kufuluka na Mpeve-Santu. Beno ke na muswa ve ya madia ya Mfumu, to kominyo mosi, kusukula makulu, to nionso yina, tii kuna ba me sukula beno na Tiya ya Santu ya Nzambi.

²⁵⁴ Muntu ve kele na muswa ya kulonga kaka kana beno, mutindu Moise, kukutana na Yandi kuna na kisika yina ya santu, dikunzi ya Tiya yina vwandaka ya kunamika kuna, kisika yandi zaba kisika yandi kele. Beno me mona?

²⁵⁵ Beno tala mutindu, mutindu beto ke kwenda. Na manima ya mbotika ya Tiya ya yinza, mikolobo nyonso me kwenda, ke sala yawu kisika ya kulunga kuna samu na Mazulu na kuzinga awa na zulu ya ntoto.

²⁵⁶ Kifwanikusu, ntangu yayi, ya kuvwanda na bisika ya Mazulu na kati ya Klisto Yesu; me luta na yayi, ya mvindu mutindu mwa kento yina vwandaka, na kinama ya Nzambi yina me monisama. “Ntangu yayi beto kele Bana ya Nzambi,” ve beto *ke vwanda*. Beto kele binama ya dibanza ya Nzambi. Beno me mona?

²⁵⁷ Ntangu yayi beno ke tuba, “Mbote, beno tala nganga-Nzambi yayi. Yandi vwandaka ve mwana ya Nzambi?” Ya siamisamaka ti yandi vwandaka ve. Yinki yandi lendaka ve kundima? Yandi tubaka, “Mu ke kwikila Biblia?” Kieleka. Kasi yandi lendaka ve kundima Ndinga ya ngunga yina me monisama. Yandi vwandaka kaka na malongi ya lukolo ya mwa kimvuka yina vwandaka na manima ya yandi.

²⁵⁸ Mpe ya kele kima mutindu mosi bubu yayi! Beno me mona? Mu zaba ti ya kele ngolo, kasi ya kele Kieleka.

²⁵⁹ Ya vwandaka Ndinga, mutindu ba zonzaka kieleka samu na kilumbu yina; mpe, yandi, kasi yandi vwandaka muntu ya mayele, kasi yandi vwandaka muntu ya kuzabana, kasi yandi lendaka ve kundima Yawu. Samu na yinki? Ata ti yandi vwandaka mayele, kima ya mutindu yina, yandi vwandaka ve kaka na kitalisi ya nsodolo ya mantwala. Beno me mona?

²⁶⁰ Kaka yina ba soolaka na ntwala ke vwanda kaka yina ke ndima yawu; yandi kaka lendaka sala yawu. Mpe beno lenda kaka kusala yawu. . . Samu ti, beno tala, ya ke talisa nsodolo ya mantwala. Samu ti, kana beno kele na Luzingu ya Kukonda nsuka, beno fwana vwanda kitini ya Nzambi bantangu nyonso, samu ti Yandi kele Yandi yina kaka kele ya Kukonda nsuka. Beno me mona yawu? Oh, la la! Beno banza na yawu.

²⁶¹ Ntangu yayi beno tala mbote yina ke salama na Millenium ya nene. Disumu nyonso me kwenda, Millenium ntangu yayi ke kota, ya kele ntangu ntangu yayi Mpeve-Santu ke baka kisika ya Yawu.

²⁶² Kaka mutindu Yandi ke salaka na kati ya beto, “ke luta lufwa na Luzingu,” na kuzingaka na bisika ya Mazulu na kati ya Klisto,

na Mvwandulu ya Yandi ya nkembo. Ata mpe lufwa ya nzutu ke luta na ntangu yina; kaka mutindu lufwa ya kimpeve me luta ntangu yayi.

²⁶³ Ya kele ve na kima mutindu lufwa ya kimpeve ntangu yayi, samu na—na santu ya Nzambi yina me botama. “Ata ti yandi me kufwa, kasi yandi ke zinga. Yina nionso ke zinga mpe ke kwikila na Munu ke kufwa ata fioti ve.” Masonuku nionso, Yawu fwana lungisama. Beno me mona? Beno lenda kufwa ve. Beno kele na Luzingu ya Kukonda nsuka. Kima mosi kaka, Mukudi me sala ti beno zaba yawu. Mpe beno vwandaka ntangu nyonso Yina, mpe ya kele samu na yina beno ke mona kilumbu yina beno ke na kuzinga. Bantu yikwa ke mona yawu? Beno telemisa diboko ya beno. Beno me mona? Matondo na beno. Beno me mona? Kilumbu yina beto ke na kuzinga, beno zaba yawu.

²⁶⁴ Ntangu yayi, ba-Méthodiste tubaka, “Ntangu beno ke boka, beno me kuzwa Yawu.” Mingi ya bawu bokaka mpe kuzwaka Yawu ve.

²⁶⁵ Pantekote tubaka, “Ntangu beno ke zonza na bandinga, beno me kuzwa Yawu.” Mingi ke zonzaka na bandinga, mpe me kuzwa Yawu ve.

²⁶⁶ Beno tala mutindu, mitindu nyonso ya mitindu ya ba-Pharisien yina kuzwaka, kasi ntangu Ndinga monisamaka, bawu ndimaka Yawu ve. Beno me mona? Beno me mona?

²⁶⁷ Mpe kana beno kele Kento ya makwela, Kento ya makwela kele kitini ya Bakala ya makwela. Mpe kana . . . Kisika kaka mosi kaka beno ke ndima Yawu, kele kuzaba wapi kitini ya Bakala ya makwela yina (Ndinga yina) beno kele, to beno lenda ve kundima na kuvwanda Kento ya makwela. Bantu yikwa ke mona yawu? Beno me mona? Beno me mona? Beno fwana kuzaba kisika ya beno.

²⁶⁸ Beno lenda ndima ve ya muntu yankaka. Yinki kana—yinki kana Moise zolaka kwiza na nsangu ya Noé? Mpe Noé vwandaka kitini ya yawu, kasi ya zolaka ve kusala. Yinki kana—kana—kana—kana Yesu zolaka kwiza na Nsangu ya Moise? Ya zolaka ve kusala. Beno me mona, ya vwandaka nsungi ya kuswaswana, ya vwandaka profesi ya mutindu yankaka, kitini ya kuswaswana ya Ndinga zolaka lungisama kuna. Ba vwandaka na kilumbu yankaka ya sabala. Ve, kisalumu ya Kilumbu ya zole lenda salama ve na Kilumbu ya tatu. Mpe Kilumbu ya tatu fwana salama na Kilumbu ya tatu. Beno me mona? Kilumbu ya sambanu fwana vwanda kisalumu ya Kilumbu ya sambanu. Beno me mona?

Mpe, bawu, bawu vwandaka ndima, “Oh, Moise, beto kele na Moise.”

²⁶⁹ Yandi tubaka, “Kana beno zabaka Moise, beno zolaka zaba Munu, samu ti yandi vwandaka yina zonzilaka Munu. ‘Mfumu Nzambi ya beno ke telemisa profete mosi mutindu munu.’” Beno me bakula yawu? Oh, la la! Beno me mona?

270 Na yina Yesu tubaka, na Jean 14, “Ntangu Yandi, Mpeve-Santu, ke kwisa, Yandi ke nata bima yayi na mabanza ya beno, beno me mona, ke lakisa beno yinki kilumbu beno ke na kuzinga. Mpe na manima, kima yankaka beno ke zaba Yandi, Yandi ke lakisa beno bima yina ke kwiza,” beno me mona, beno me mona, beno ke vutuka mbala mosi dyaka na profesu, “ntangu Yandi ke kwiza.” Beno me mona?

271 Na Ntoto ya Malu-malu mpe Mazulu ya Malu-malu, ke vwanda dyaka ve mpimpa, ntangu Ntoto yayi ya Malu-malu ke kwiza. Diabulu ke kangama... Satana, ba me yambula yandi ntangu yayi; yandi kele mufundi. Kasi na Ntoto ya Malu-malu, ba ke kanga yandi mpe ba ke losa yandi na Dizanga ya Tiya, na Tiya yayi ya santu.

272 Na yina, na Ntoto yayi ya Malu-malu, beto tala yawu baminuti fyoti ntangu yayi. Na Ntoto ya Malu-malu yayi, mazulu ke vwanda dyaka ve mpimpa; ve, ya me katuka na nsingulu, beno me mona. Ata fioti dyaka ve matuti ya ndombe ya nganzi. Ata mbala mosi dyaka ve ti mipepe ke fula dyaka na zulu ya yawu mutindu yina. Ve. Yandi ke panza bayinti ata fioti ve, mpe ke panza bayinzo, mpe ke balula bima. Bansemu mpe nganzi ke basika dyaka ve na Satana kuna, samu na kufwa muntu ke tambula na bala-bala, to ke yoka yinzo. Beno me mona? Ve, dyaka ve. Ya ke vwanda dyaka ve na ba-typhon ke kubwa, to bitembo mpe mipepe ya ngolo, mpe kupasula bayinzo, mpe kufwa bana ya fyoti, mpe nyonso. Huh-uh, ke vwanda dyaka ve. Samu na kumeka na kubebisa, ya ke vwanda ve kuna. Ba ke basisa Satana.

273 Mu zola ti beto vwanda na ntangu ntangu yayi. Mu ke na kuluta kaka Masonuku, ntangu yayi, na yina beto ke vwanda diaka ve na nsukinina. Mu fwana sambila samu na bambevo.

274 Mazulu mpe ntoto me kutana; Nzambi mpe muntu me wisana. Eden ya malu-malu me banda; beno me mona, nsingulu nionso me kwenda.

275 Kaka mutindu, nsingulu nyonso ya disumu me kwenda ntangu Mpeve-Santu me ndima beno. Beno me mona, beno ke ndima Yawu ve; Yawu ke ndima beno, beno me mona, samu Yawu kele kinama ya Nzambi. Beno me mona, kana Yawu kele Mpeve-Santu, ya zola kutuba, Mpeve ya Nzambi; mpe ya kele kinama, dibanza ya Nzambi, me ndima beno samu ti ba me tuma beno samu na lukanu yina. Beno me mona? Kasi, beno butukaka na kati ya disumu; kasi Nzambi vwandaka na kinama yina, mpe awa beno me monisama beno mosi awa na zulu ya ntoto, mpe Yandi me kulumuka mpe me baka beno. Beno me mona, beno kele na manima *awa*; *awa* kele kisika beno kele. Beno me mona? Beno me mona, disumu me zimbisa ngolo ya yawu. Ya kele kieleka. Nsatu ya disumu me basika na ntima ya beno, ntangu Mpeve-Santu ke kota. Beno me vutuka muntu ya malu-malu.

²⁷⁶ Mpe kuna ntangu ntoto me vutuka ya malu-malu, na nzila ya kima mosi, ya lenda vwanda dyaka ve na nsingulu, bitembo dyaka ve, mipepe dyaka ve, ba-typhon—ba-typhon dyaka ve, mu zola kutuba. Beno me vutuka na ngwisani; muntu mpe Nzambi me kutana. Ntoto ya Malu-malu ke tulama dyaka na Eden ya yandi ya kitoko. Ntoto ya Malu-malu ke mwangana, yandi, na manima ya mbotika ya yandi ya Tiya.

²⁷⁷ Beno banza kaka, yandi ke baka tiya mpe ke yoka tiya. Bima ke kuzika na—na tiya ya ngolo ya mingi. Bisalu nyonso na ntoto ke yokama na tiya. Maza nyonso ke mwangana; ya ke sulumuka mpe ke pasuka nyonso. bima nyonso ke panzana. Ba-volcan ke pasuka mpe, binkunku ya tiya ke lemuka, na mafunda ya bakilometre na mipepe. Mikolobo nyonso. . . Mpeve-Santu ya Nzambi ke sukula konso kitini ya disumu mpe bima nyonso. Dyabulu ya muvimba ke kangama mpe ba ke losa yandi na Dizanga ya Tiya, ke kuzika na Tiya, na nganzi ya Tiya ya Nzambi.

²⁷⁸ Ata kibulu ve ke vwanda kuna samu na kubebisa beno dyaka. Ntangu beno ke tambula na nzila, na kati ya disamba ya bafelele, ya ke vwanda ve na nyoka kuna samu na kubula mwita na makutu ya beno mpe kutatika beno, na meno ya yandi ya ndikila. Oh, la la! Ya ke vwanda mbote ve? Beno kuwa. Ya ke vwanda ve na mosi ya mwa kumata fioti ya ntoto ya jaune kuna na Ntoto ya Malu-malu, mutindu ntoni; ya ke vwanda ve na mosi kuna.

²⁷⁹ Muntu mpe Nzambi me vukana kintwadi; Kento ya makwela mpe Bakala ya makwela. Mazulu mpe ntoto me yambana; Nzambi me kulumuka samu na kuzinga na kati-kati ya bantu. Tabernacle ya yandi kele na bawu.

²⁸⁰ Disumu ke vwanda diaka ve, kiadi ke vwanda diaka ve. Ata mbala mosi ve ti ya ke vwanda na mwa maza yina ke basika na ditama ya mama, na zulu ya bébé ya yandi. Amen. Ya ke vwanda ve, na Ntoto yango ya Malu-malu. Ve. Ya kele ya kuvulusa. Ya kele ya Yandi, mpe samu na baya Yandi yina ba vulusaka na yawu. Beno me mona?

²⁸¹ Mpe, beno tala, beno kele kitini ya ntoto yina. Ya kele kieleka? Mpe ntangu Yandi vulusaka beno, Yandi vulusaka ntoto na kima mosi, mpe beno kele kintwadi dyaka. Oh, wapi mutindu pwelele ya lendaka vwanda. Beno me mona? Beno fwana kuzwa mpulusu samu ti beno kele kitini ya yawu. Mpe kana Menga me kubwa ve na zulu ya beno, ba me vulusa beno ntete ve; ba me bokila beno ve. Na manima Yandi ke sukula yawu; ya kele kima mosi Yandi ke salaka na Tiya. Ata ti, Menga kubwaka, ba fwana sukula yawu dyaka na Tiya, ya kele kieleka, samu na kisika ya kuzinga samu na Nzambi.

²⁸² Nzambi me baka yimeni kisika ya Yandi ya kuzinga, ya kieleka. Kimfumu ya Nzambi kele na ntoto ntangu yayi, na kati ya bantima ya basantu ya Yandi. Ya kele binama ya Yandi

yina Yandi bandaka na mbandukulu. Ntangu yayi binama ya Yandi me kuzwa mpulusu. Yinki Yandi ke na kuvingila? Samu na kuvulusa ntoto, samu na kutula binama ya Yandi na zulu ya yawu, samu na kulungisa kieleka dikani ya Yandi yina ba soolaka ntete. Beno me mona yawu?

283 Beno tala, bantoni dyaka ve, masa ya meso ke tiamuka dyaka ve, ata fioti ve, menga ke tiamuka dyaka ve. Ya ke pola ata fioti dyaka ve na masa ya meso to menga mosi. Ve. Ya ke vwanda diaka ve na bamvita. Ve. Matuti ya hiver. Mvula ya mpembe ke vwanda dyaka ve na zulu ya ntulu ya yandi; ya ke vwanda dyaka ve na zulu ya yawu. Mwini ya ngolo ke vwanda dyaka ve, ya ke yoka matiti ya yawu ata fioti ve. Alleluia! Ntoto ya kuyuma ke basisa bafelele. “Ntoto ya kuyuma yina ya ntama yina ke tsokota, ya ke basisa bafelele, kilumbu mosi, mutindu rose,” Nzambi tubaka yawu; ntangu ba me vulusa yandi, ntangu yandi ke baka mbotika ya yandi ya Tiya. Ya kele na mitindu nyonso ya ba-cactus mpe bansende mpe nyonso yina kuna ntangu yayi, kasi yandi kele na mbotika ya Tiya yina ke na kwiza.

284 Mutindu muntu vwandaka, ntangu yandi vwandaka kaka na kuyina, mayele ya yimbi mpe kuswana na kati ya yandi; ntangu mbotika ya Tiya kwizaka, yawu sukulaka yawu. Musoki dyaka ve, ata kima mosi ve; ya kele kaka kieleka kisika ya kuzinga samu na Nzambi. Mpe, beno bambuka moyo, ya kele bimonikisi ya Yandi yina ke kutana na Yandi kuna. Amen! Oh, wapi. . .

285 Ya kele ve kaka disolo; ya kele Kieleka. Ya kele yina Nzambi tubaka. Ya kele yina Yandi silaka. Ya kele kuna Kento ya makwela ke kwenda. “Mpe ntoto ya kuyuma,” Yandi tubaka, “ke mena, ke vwanda na felele.”

286 Satana, disumu, mpe misumuki, me zimbana, kukonda nsuka. Nyonso me suka; yawu me zimbana na Seko. Mpe nyonso yina vwandaka ya kubeba, archange ya nene yina vwandaka kuna kilumbu mosi, Satana, yina salaka yimbi nyonso yayi, ke beba. Beno ke bambuka moyo, Biblia ke tuba, “Kana moyo yina ke sala ve mutindu Yandi salaka, tubaka na kusala, Yandi ke bebisa mpe moyo yina.”

287 Kasi, beno me mona, Yandi lenda ve kubebisa Yandi mosi mpe kuvwanda Nzambi. Na yawu, kana moyo yina kele ya yinza, ba fwana bebisa yawu. Kasi kana ya kele ya Seko, na Nzambi, ya me bandaka ata fioti ve, samu ya kele kitini ya Nzambi mpe ba lendaka bebisa yawu ata fioti ve. Amen! Wapi kitoko! Wapi mutindu—wapi mutindu ya kuvutula matondo, ti Dibuundu fwana mona yawu!

288 Bantu, nionso yina beno me sala kele awa. Yayi kele yina mu ke meka na kutuba. Mu ke na kuzimbana ndambu ya yawu samu mu zola kuvutuka dyaka na yawu.

289 Ata mpe bima yayi, Satana, misumuki, me zimbana, samu na Seko; ata mbala mosi dyaka ve ti ya vwanda. Nyonso. . .Beno

me mona, Satana lenda vanga ve. Kana yandi lenda, yandi kele Nzambi. Beno me mona? Yandi lenda kaka kubebisa yina ba vangaka. Beno me mona? Mpe kubeba nyonso ke, kubeba, ke zimbana. Mpe lufwa kele kubeba ya luzingu; mpe ntangu kubeba ke salama, ya lenda vwanda dyaka ve na lufwa. Nsungi ya ntama kele kidimbu ya lufwa; mpe ntangu nsungi ya ntama me kwenda, luzingu ke kota. Bidimbu nyonso ya kubeba mpe bima yankaka nyonso me zimbana. Matiti ya bansende mpe bayinti ya bansende kele kidimbu ya disumu, “ntoto ke vwanda ya kusinga na yawu,” mpe ya me zimbana. Kimbevo ke kwiza, na nzila ya yawu; ya ke zimbana. Lufwa ke zimbana. Kutiamuka ya menga ke zimbana.

²⁹⁰ Kima mosi ve ke simba kitini yina ya ntoto kasi busantu, bantu yina me kuzwa Mpulusu. Oh, la la! Yinga. Oh, mu ke na kuwa kaka mbote mingi. Nzambi, mpe luvangulu ya Yandi; mpe bivangu ya Yandi ya luvangulu yayi me vuluka na nzila ya Menga ya Yandi Mosi. Yina ba me sukula na nzila ya mvedolo ya Yandi Mosi; na nzila yina ke kufwaka mikolobo, yina ke kufwaka disumu!

²⁹¹ Ya kele mutindu ntangu ba ke kufwaka mikolobo na kima mosi, mutindu ya kulutula mbote ya kufwa mikolobo yina beto me kuzwaka ntete ve kele tiya. Beno lenda baka kima mosi mpe kusukula yawu na masa ya sabuni mpe bima ya chimie nyonso yina ba ke zonzilaka, ya ke katula yawu nyonso ve. Kasi beno yoka yawu mbala mosi!

²⁹² Mpe ntangu Tiya ya santu ya Nzambi ke kufwa mikolobo na ntoto na ba-Produit chimique; Yandi ke zangula Kento ya Yandi ya makwela, yina lenda kota na Mazulu na Yandi, na yina yayi ke na kulandila. Mpe samu na kuvutuka dyaka na zulu ya ntoto, Mazulu ya Malu-malu mpe Ntoto ya Malu-malu. Hiver ya madidi lenda ve kotalisa yawu mpasi. Ba-été ya tiya lenda ve kotalisa yawu mpasi. Bantoto ya kuyuma ke mena mutindu rose. Disumu mpe misumuki me zimbana.

²⁹³ Nzambi, mpe bivangu ya Yandi mpe luvangulu, ke na kuzinga kintwadi na ngwisani ya kulunga. Mutindu mazulu mpe ntoto kele bakala mpe kento, mutindu mosi kele Klisto mpe Dibuuundu, mpe bawu nyonso ke kutana na dikani mosi ya nene ya nkembo ya mpulusu mpe me natama mbala mosi dyaka na ntulu ya Nzambi. Beno me mona yawu?

²⁹⁴ Mpe, na Ntoto ya Malu-malu, ya kele na Mbanza ya Malu-malu. Oh, la la! Ntangu yayi beno kuwa mbote. Beno zimbana yayi ve. Ti, Yesu tubaka, na Jean 14, Yandi ke kwenda kuyidika. “Ti bantima ya beno kuvwanda na mpasi ve.” Ntangu Yandi ke kwenda, “Mu kele na kikuma ya kukwenda. Beno me kwikila na Nzambi,” Yandi tubaka, “Beno kwikila mpe na Munu.” Ba lendaka ve kumona ti Yandi vwandaka Nzambi. Yandi tubaka, “Beno me kwikila na Nzambi, ntangu yayi beno kwikila na Munu. Mpe Mu ke kwenda yidika Kisika samu na beno. Na Yinzo

ya Tata ya Munu kele na bisika mingi ya kuvwanda; na Kimfumu ya Tata ya Munu kele na bayinzo mingi.” Klisto kele kuna, ke na kutunga Jérusalem yayi ya Malu-malu ntangu yayi. Ntangu yayi beno kuwa mbote. Beno ningana ve. Ve, beno kondwa yayi ve. Klisto kele na Mazulu, bubu yayi, ke na kuyidika Jérusalem ya Malu-malu.

²⁹⁵ Kaka mutindu Nzambi vangaka ntoto na bilumbu sambanu, salaka ntoto na bilumbu sambanu, to mafunda sambanu ya bamvula. Mutindu yandi tubaka, “Beno zimbana kima ve,” beto ke tanga na Masonuku, “bamvula funda mosi kele kilumbu mosi.”

²⁹⁶ Mpe Klisto me kwenda mpe kele na kuyidika Kisika, yina ke na kutungama mafunda ya bamvula mingi, mingi, samu na kuyidika Kisika. “Mpe kana Mu kwenda mpe yidika Kisika mosi, Mu ke kwiza dyaka, mpe ke baka beno; ti kisika nyonso Mu kele, kuna beno ke vwanda mpe.” Beno tala Mukudi mpe bantu yina me kuzwa Mpulusu!

²⁹⁷ Mu zolaka ti beto vwanda na ntangu ntangu yayi. Mu me sonika yawu awa, Salomon me tuba, “mwana-kento yayi, Kento ya makwela.” Oh, beto fwana bika kaka yawu; ntangu me luta mingi, beno me mona. Mu ke baka yawu, dyaka. “Ntangu yandi ke meka na kubaka yandi, kasi yandi kele fiancée na muvungi mosi ya ntwenya.” Bantu yankaka banzaka tí yina vwandaka mukunga yandi yimbaka. Oh, ve. Salomon vwandaka kiti ya kimfumu yina ba me byadila ya David, na zulu ya ntoto, kasi lakisaka ti kimfumu yina zolaka luta. Ya vwandaka kifwanikusu ya Klisto na zola na Kento ya makwela. Beno me mona?

²⁹⁸ Beno tala ti Yesu tubaka, Jean 14 ntangu yayi, “kwenda mpe yidika Kisika.”

²⁹⁹ Oh, wapi mutindu ya ke monana? Beno me banzaka ntangu yayi, Kento ya makwela, wapi mutindu ya ke monana? Ba me kubika yawu mpe ba me sala yawu na nzila ya Kiyidiki ya Kinzambi. Wapi mutindu Mbanza yina ke monana? Ntangu yayi, beto ke zonzila yawu na mwa ntangu fioti. Kiyidiki ya Kinzambi me yidika yawu, me sala yawu. Mpe, beno tala, Yandi me sala yawu na maboko ya lembami, samu na Kento ya Yandi ya makwela ya luzolo. Wapi mutindu ya ke monana?

³⁰⁰ Beno lenda banza bakala mosi ke kwela kento, yina kele na lenda, mutindu yandi ke tungaka mpe ke tula konso kima kaka kieleka na nsatu ya kento ya yandi, kaka mutindu yandi ke zolaka? Amen.

³⁰¹ Ntangu yayi, Kiyidiki ya Kinzambi me sala Mbanza ya Malu-malu, kisika Yandi ke zinga na Kento ya Yandi ya makwela, kaka na ntatu ya Yandi. Kuyituka ve ti ntumwa tubaka, “Disu me monaka ve, dikutu me kuwaka ve, to me kotaka ve na ntima ya muntu.” Beto tala kana lenda kota na yawu na mwa ntangu fioti, samu na kutala wapi mutindu ya ke monana.

302 Kiyidiki ya Kinzambi me sala yayi samu na Bantu ya Yandi ya luzolo. Beno me mona? Oh, wapi kisika ya fwana vwanda, ntangu, Nkadulu ya Kinzambi, Kiyidiki ya Kinzambi me sala yawu samu na kinama ya Kinzambi yina ba soolaka na mutindu ya Kinzambi na Nzambi ya Kinzambi Yina—Yina kele Yinto ya Luzingu ya Kinzambi! Wapi mutindu ke vwanda Mbanza yina! Beno banza na yawu.

303 Beno bambuka moyo, ya kele ve Zulu. Jean tubaka, “Mu monaka yawu kukulumuka na Zulu.” Ya ke vwanda na zulu ya ntoto. Beno me mona?

304 Ve ntoto yayi ke luta; ya kele ntoto ya ba me vulusa. Nzambi tubaka ve ti Yandi ke vumbula nsungi ya malu-malu; Yandi ke vulusa muntu yina kele awa. Yandi ke vumbula ve nsungi ya malu-malu; Yandi ke vulusa yandi yina kele yimeni awa. Yandi ke sala yinza ya malu-malu ve; ya kele yayi kaka awa. Yandi ke yoka yawu na tiya, samu na kusukula yawu, mutindu Yandi salaka na beno. Manaka ya Yandi fwana bikana ntangu nyonso. Ntangu yayi, beno tala, ya ke vwanda.

305 Beno bambuka moyo, ya ke vwanda ve Zulu. “Ya ke kulumuka na Zulu.” Ya kele Kisika ya kuzinga, Kisika ya kuzinga, samu na kutula kisika ya Yandi. Mutindu, ya vwandaka Jean, na kisanga ya Patmos, awa na Apocalypse 21, yandi monaka yawu “ke kulumuka.” Jean monaka Mbanza, “ke kulumuka na Zulu,” mutindu yembe, mutindu yandi monaka.

306 Awa me kwiza Nzambi, na zulu ya tabernacle ya Yandi ya ntoto, Yesu, na . . . “ke kulumuka na Zulu.” Yesu kuzwaka mbotika, kwendaka mbala mosi . . .

307 Ntangu Yandi kutanaka na profete! “Ndinga ke kwisaka na profete.” Mpe Yandi vwandaka Ndinga. Mpe profete vwandaka ya kutelama kuna, vwandaka manga dénomination ya bawu nyonso, nyonso. Mpe, ntangu yandi monaka Ndinga, Ndinga kwisaka kaka na yandi.

308 Mpe profete yango vwandaka na shoke mingi, yandi tubaka, “Mu ke na nsatu ya kubotama na Nge. Samu na yinki Nge me kwiza na munu?”

309 Yandi tubaka, “Bika ti ya vwanda mutindu yina, samu ti ya kele ya kulunga samu na beto (beto zaba nsangu) na kulungisa ludedomo nyonso. Mu kele Munkayulu; Ba fwana sukula yawu.” Yandi bikaka yandi sala.

310 Ntangu Yandi basikaka na maza, yandi tubaka, “Mu monaka mazulu kuzibuka.” Profete monaka yawu. Yandi monaka mazulu kuzibuka.

311 Mpe tala kwisaka, kulumukaka na Zulu, mutindu ya Yembe; mpe Ndinga, tubaka, “Yayi kele kitini ya Munu ya ntoto yina Mu me vulusa, mpe na kitini yayi ya ntoto Mu ke vulusa yina me bikana, samu Yandi kele Ndinga ya Munu yina me monisama.”

“Mpe yinza ya muvimba, Mu salaka yawu na nzila ya Ndinga ya Munu,” Hébreux 11. “Mpe Satana me kanga yawu ntangu nyonso yayi, kasi Mu me kwiza samu na kuvulusa yawu. Mingi ya yawu me sala nzutu ya Yandi, mpe Mu ke kwiza zinga na kati ya yawu.”

³¹² Jean tubaka, “Mu monaka Mbanza ya santu, Jérusalem ya Malu-malu ke kulumuka na Mazulu, mutindu Kento ya makwela me kubama samu na Bakala ya yandi.” Mpe wapi kisika ya sukaka? Kaka kieleka mutindu ya salaka kuna; na zulu ya ntoto.

³¹³ Yesu vwandaka kitini ya ntoto yina kisika Mpeve-Santu kulumukaka, (ya kele kieleka?) mpe bikanaka na zulu ya Yandi kukonda nsuka. Ya lenda ata fioti ve kubika Yandi. Yandi kele ntangu nionso kuna. Yandi na Nzambi kele Mosi. Ya ke vwandaka ntangu nionso kuna!

³¹⁴ Mpe na yina Jean monaka Mbanza ya santu, Jérusalem ya Malu-malu, kulumukaka mutindu nsemo mosi, to yembe mosi, yina me katuka na Mazulu mpe me vwanda na zulu ya muntu ya kuvuluka, ntoto ya muvimba, (samu na kusala yinki?) samu na kulomba binama nionso yina Yandi sadilaka ntoto. Babakala nyonso yina vwandaka ya kumonikisa na Seko, mpe bakento nyonso, me kuzwa mpulusu na ntangu yina. Ba me sukula yandi mpe me yoka yandi na tiya.

³¹⁵ Yesu, na bampukumunu ya Yandi ya tiya na ntoto ya kuyuma, bilumbu makumi yiya. Na manima ya yina, beno tala, ya vwandaka ya kukubama samu na ministere ya Yandi na ntangu yina.

³¹⁶ Beno banza na yawu, Mpeve-Santu kulumukaka na zulu ya ntoto, Yesu, mpe Menga yina ya santu! Ntangu yayi beno tala mbote, mpe mu banza ti mu ke kota mingi ve na mudindu samu na beno, beno me mona. Menga ya santu yina vangamaka na Nzambi; Menga, Luzingu, luvangulu ya Nzambi. “Yesu vwandaka mbandukulu ya luvangulu ya Nzambi.” Oh! Beno me mona yawu? Nzambi, yina me salama luvangulu. Yandi vwandaka Mpeve. Biblia ke tuba, “Yandi kele mbandukulu ya luvangulu ya Nzambi.” Wapi mutindu Yandi bandaka? Na kivumu ya kento. Yinki ya kele? Kento kele ve . . .

³¹⁷ Mutindu bantu yina ya kufwa meso lenda ve kumona “nkuna ya nioka” kaka awa. Beno me mona? Eve kutulamaka awa na zulu ya ntoto, mpe, ntete Satana kusimba yandi, to kima yankaka, Nzambi tubaka na bawu, “Beno fuluka mpe beno fulusa ntoto.” Ya kele kieleka, kasi Satana ke kwizaka awa. Mpe, kana ya vwandaka mwana ya Adam, kuna kisika . . .

³¹⁸ Adam vwandaka mbala mosi mwana ya Nzambi. Mpe beno bakaka kaka nkadulu ya kibuti ya beno.

³¹⁹ Mpe ntangu beno me butuka mbala zole, beno ke baka Nkadulu ya Kibuti ya beno, ya Zulu. Mpe Kibuti ya beno ya Zulu kele kinama ya Ndinga . . . To, Ndinga kele kinama ya Kibuti ya

beno. Na yina, wapi mutindu beno lenda manga Yawu, samu na denomination? Oh, la la!

Mu banza ti beno ke kondwa yayi ve. Mu zaba ti ya me katuka na Nzambi.

³²⁰ Yesu. Awa Yandi ke kwiza, ke kulumuka; mpe kuna vwandaka Yesu, kinama ya Nzambi.

³²¹ Ntangu yayi, “kento,” yandi. Beno tala mbote. Nzambi tubaka, “Samu ti bawu salaka yayi,” yandi tubaka, “Mu ke tula kuyina na kati-kati ya Nkuna ya nge mpe nkuna ya nyoka.” Ya kele kieleka? Mpe kento kele na nkuna ve. Beno me banzaka ntete na yawu? Yandi kele na kilanga, nkuna ve. Beno me mona, nyoka tulaka ntete “nkuna” ya yandi kuna.

³²² Na yina, kana kento kele ve na nkuna, yandi fwana vwanda samu na kuzwa Nkuna.

³²³ Beno me mona, na nzila ya kuvukisa banzutu awa, yina katukaka na Satana, nioka, yina vwandaka tambula ve na kivumu; yandi vwandaka na makulu, samu ba katulaka makulu ya yandi. Yandi vwandaka ya kulutila mayele, kibulu mosi kaka yina lendaka—lendaka wisana na kento.

³²⁴ Nkuna ya kibulu ke sala yawu ve ntangu yayi, mpe kima yankaka ve. Ba mekaka yawu. Ya ke simba ve. Beno me mona, nkuna ya luzingu ya bakala ke kota ve na kati ya kento. Ya ke sala yawu ve.

³²⁵ Kasi yina vwandaka kima ya kulutila pene-pene. Beno me mona, ba lendaka ve kumona kibulu yina na kati-kati ya kimpenzi mpe muntu. Beno me mona, mosi na mosi, mutindu ya ke landila, kubanda na bandeke, mpe ya ke landila tii na bamakaku, mpe nionso yina, tii na kimpenzi, na manima ya kele na mosi yina ke “kondwa.” Ya vwandaka nyoka, nyoka ve yina beto zaba; nkadulu nyonso kele ya kuzimbana na yandi, samu ti ba me singaka yandi.

³²⁶ Ntangu yayi, Nzambi singaka Adam ve; yandi zolaka sala kima mutindu mosi, kasi Yandi singaka ntoto, “matiti ya bansende mpe bayinti ya bansende.”

³²⁷ Yandi singaka Ève ve, kasi tubaka ti Adam ke vwanda “mfumu” ya yandi. Kubanda ntangu yayi, yandi ke mekaka ve na kulonga to kima mosi, Adam kele mfumu ya yandi. “Mpe bilumbu nyonso ya luzingu ya nge, mpe na kati ya mpasi, mpe nge ke nata . . . luzingu na ntoto.” Kasi Yandi tubaka, “Mu ke tula kuyina na kati-kati ya Nkuna ya nge . . .”

³²⁸ Ntangu yayi, yandi vwandaka ve na nkuna mosi, yandi vwandaka na yawu ata fioti ve, na yina, yandi zolaka kuzwa Nkuna na nzila mosi. Nzambi pesaka yandi Nkuna, ve na nzila ya kuvukisa banzutu, kasi na nzila ya luvangulu.

329 Beno lenda ve kufwa meso ya bantu na kumona ti ya kele “nkuna” ya nyoka? Oh, la la! Satana kumaka kuna na ntwala ya Adam; yina vwandaka “nkuna.”

330 Kasi yandi kuzwaka Nkuna. Yinki ya vwandaka? Nzambi Yandi mosi. “Yandi vwandaka mbandukulu ya luvangulu ya Nzambi.”

331 Ntangu yayi beno tala ntangu Seth butukaka, to Abel, yandi vwandaka muntu ya kudedama, na nzila ya tata ya yandi. Seth kele mutindu mosi.

332 Wapi kisika muntu ya yimbi yina katukaka; muntu ke kufwaka bantu, muntu ya luvunu? Beno me mona, beno me mona kisika yandi katukaka? Ya zolaka vwanda “nkuna,” samu ti yandi vwandaka nkuna; Cain vwandaka muntu.

333 Oh, wapi kisika kele bantu ya kufwa meso yina? “Nzambi ya yinza yayi me kufwa meso ya bawu.” Mbote, kuyituka ve, Yesu tubaka ti muntu mosi ve lenda mona yawu. Beno me mona?

Beno ke tuba, “Samu na yinki bawu ke mona yawu ve?”

334 Yesu tubaka kilumbu mosi, na kilandi ya Yandi, “Ya me pesama na beno na kuzaba Kimfumu ya Nzambi, kasi na bawu ve.”

335 Mpe ya kele samu na yina beno me katuka na bakilometele mafunda zole na bankama yiya, beno me mona, “Ya me pesama na beno na kuzaba Kimfumu.” Beno tala, bantu ke katukaka na Afrique du Sud mpe bisika nionso, na ngunga yayi ya nsuka ntangu ba me yidika Kento ya makwela samu na kukwenda na Kimfumu.

Mu kele kaka na ntangu mingi ve. Beno tala. Beno tala mbote ntangu yayi, beno me mona.

336 Ntangu yayi beno lenda mona “nkuna” ya nyoka kuna, kumona mutindu yandi salaka yawu? Ya kele ya kulunga, beno me mona. Ntangu yayi bayankaka ya bawu tubaka . . .

337 Ntangu yayi, mutindu mwana-bakala yina na Tucson kilumbu yina, yina vwanda meka . . . Ah, yandi lendaka kuwa bande yayi. Kasi, kana ya kele mutindu yina, nkundi ya munu, mu zola kutuba na nge kima mosi.

338 Ntangu yandi tubaka, “Eve tubaka,” awa kele kisika bawu ke kangamaka, “Mu me kuzwa mwana na Mfumu, to muntu na Mfumu.” Mbote, ya kieleka. Nzambi kele na musiku.

339 Beno tala, beno ke baka nkuna mpe beno kuna yawu awa na kilanga kisika blé kele, mpe beno kuna matiti ya bansende kuna. Mu ke kipe ve, mwini mosi mpe mvula mosi yina ke nataka nkuna yango na luzingu. Nzambi kele na musiku, mpe musiku yango lenda bukana ve.

340 Mu ke kipe ve kana—kana . . . kento ya kulutula yimbi na mbanza mpe bakala ya kulutula yimbi, mpe kukondwa

kukwelana mpe nionso, kana bawu kele na kimvuka, mpe bawu ke zinga kintwadi mpe ke buta mwana; mwana yina fwana kwiza na nzila ya musiku ya Nzambi, samu ti ya kele ve na mutindu yankaka. Kana ve, beno ke sala Satana mvangi, mpe na yina yandi kele nzambi. Oh, wapi mutindu mpofu beno lenda vwanda! Beno me mona, musiku ya Nzambi, ya kieleka.

³⁴¹ Kana beno me kuzwa ntete bébé, mu ke kipe ve kana ya kele Ésaü, Jacob, nyonso yina ya kele, to muntu ya luzingu ya yimbi, kana ya vwandaka Judas, ya zolaka kwiza na nzila ya Nzambi. Nzambi kele na musiku.

³⁴² Biblia ke tuba, “Mwini ke semaka na zulu ya muntu ya kudedama mpe na zulu ya muntu ya yimbi; mvula ke kubwaka na zulu ya muntu ya kudedama mpe na zulu ya muntu ya yi- . . .” Hebreux kapu 6, mpe ya ke tuba ti, “Mvula ke kubwaka konso ntangu na zulu ya ntoto, samu na kulosila yawu masa, mpe kuyidika yawu samu na yina ya ke sala, beno zaba, samu na kupesa luzingu; kasi matiti ya bansende mpe bayinti ya bansende ke zingaka na nzila ya maza mosi, mwini mosi.” Samu ti, ya kele musiku ya Nzambi, na kuyelisa konso nkuna, samu na kusala konso nkuna kubuta yawu mosi.

³⁴³ Na yawu, ya zolaka kubuta “nkuna” ya nyoka. Mpe ata mbala mosi ve—ata mbala mosi ve ya me kangaka Nzambi; ya lungisaka dikani ya Yandi ya muvimba, ya salaka Yandi Mukudi. Muntu nyonso ya kufwa meso zolaka mona yawu, kana ti ya kele ya kubumbama. “Nzambi ya yinza” me bumba yawu na beno. Ya kele kaka pwelele mutindu nyonso beno lenda mona. Yawu yayi. Beno tala “nkuna” ya beno ya nyoka. Ntangu yayi beno tala.

Kasi, “Yesu vwandaka mbandukulu ya luvangulu ya Nzambi.”

³⁴⁴ Ntangu yayi yinki kento ke salaka? Ntangu, nkuna ke katukaka na sexe ya bakala. Ntangu yayi beno ke manga yawu? Kento kele ve na luzingu na kati ya yandi, ata fioti. Yandi kele kaka na diki ya fioti, yina kele kilanga awa.

³⁴⁵ Mutindu beno ke baka kilanga mpe beno ke bundula yawu nyonso, mpe—mpe beno ke mwangisa kima mosi na zulu ya yawu, samu na kukatula mikolobo nyonso na kati ya yawu. Mpe ata matiti ve—ve to kima mosi lendaka basika na yawu; mpe na manima beno ke yidika yawu dyaka, beno ke kuna nkuna ya mbote na kati kuna. Kana mbeni ke kwiza mpe ke kuna nkuna yankaka, musiku mosi ya Nzambi ke yelisa bankuna nyonso zole.

³⁴⁶ Mbote, Nzambi vwandaka ve na dibanza ti ya vwanda mutindu yina, beno me mona. Kasi yinki salamaka?

³⁴⁷ Beno me mona, ba-sperme ya bakala ke nataka hemoglobine, yina kele menga. Na kati ya menga kele luzingu. Mpe kana beno me . . . Mu me talaka yawu, na ntangu ya kuvukisa bibulu mpe bima ya mutindu yina. Mpangi Shakarian mpe munu me monaka

yawu, mpe badokotolo mpe nyonso yina, beto talaka mutindu ya ke salamaka, ba-chimiste. Beno me mona? Na yina ya kele na sperme ya kento, yina kele nkonga ya maki. Kuna ya kele na sperme ya bakala, yina kele nkonga ya ba-germe.

³⁴⁸ *Yayi* kele ve na mwa germe na kati ya yawu. Ya kele kaka mbuma yina me katuka na bakala. Ya kele mutindu yina yandi kumaka awa, na kisika ya ntete, mpe yandi kele kaka kilanga. Ya kele na diki; ya kele na ntoto ya lubutu samu na luzingu yayi. Mpe luzingu yayi ke kota mpe ke komvula. Ya kele na dinsweki, wapi mutindu ti . . .

³⁴⁹ “Ya lendaka vwanda,” beno ke tuba, “mbote, yina ya ntete ke kutana. Bayankaka ya bawu ke kufwa.” Mbote, wapi mutindu, nani ke talisa yawu? “Mbote, ya ntete.” Ya ke vwanda yina kele na ntuala; diki ya ntete na ntuala, mpe nkuna ya ntete? Ve, ve.

³⁵⁰ Ya lendaka vwanda diki mosi; kuna na manima, na kati-kati ya sperme, ke basika nkuna mpe ke kwenda kutana na yawu. Ya ke talisa ti dibanza mosi ya mayele kana ya ke vwanda na bansuki ya mbwaki, bansuki ya ndombe; kana ti ya ke vwanda fioti, nene; bakala to kento. Beno me mona? Beno lenda ve, beno lenda ve kusala kima yankaka samu na yawu; ya ke simba ve. Beno lenda vukisa yawu kintwadi, mpe nyonso yina, ya ke sala ata luswaswanu ve. Nzambi ke talisa yawu. Mpe na manima ya mwa ntangu fioti, mwa nkuna mosi ya fioti ke komvula na kilanga yina, diki. Ya kele na mwa mukila, mutindu yina, na zulu ya yawu, ke ningana; ya ke katuka, mpe tala dinsende ya mukongo ya bébé ke banda na kusalama.

³⁵¹ Yinki yandi kele? Yandi kele na nkuna ve. Yandi kele na kilanga samu na kuzwa nkuna. Na yawu . . .

³⁵² Beno me mona, mbeni me basika. Na yina mukuni ya mbote basikaka, samu na kukuna Nkuna ya mbote; mpe mbeni kwizaka na manima ya yandi, samu na kukuna nkuna ya yimbi. “Kasi mvula ke kubwaka na zulu ya muntu ya kudedama mpe na zulu ya muntu ya yimbi; mwini.” Yawu nyonso fwana kula.

³⁵³ Yesu tubaka, “Beno bika bawu kukula kintwadi. Na kilumbu yina ba ke kanga yawu, matiti ya yimbi.” Mpe ba ke na kukangama ntangu yayi, na ba-organisation ya nene; ba ke na kusala kimvuka ya nene, Kimvuka ya Mabuundu ya Yinza ya muvimba. Mpe yinki vwandaka nsuka? Ya ke yokama na tiya. Kasi ba ke nata mbuma na kibumbulu. Beno me mona? Kisika, bawu zole ke zinga na nzila ya kima mosi, maza mosi, mvula mosi.

³⁵⁴ Yinti ya malala, yina kele—yina kele yinti ya malala, yina ke buta, ya fwana; ke buta na zulu ya yawu, kana ba me namika yawu, grenade. Ya ke basisa citron. Ya ke basisa pamplemousse. Beno me mona? Kasi ya ke vwanda ve dilala, kasi ya ke na kuzingila luzingu mosi yina yinti ya malala ke na kubuta.

³⁵⁵ Ba me kotisa ba-denomination na Vinu. Samu, kana ba ke tubaka ti ba kele “Baklisto,” ba ke zingaka na nzila ya yawu. Caiphe vwandaka; beno zaba yina yandi vwandaka, mpe kasi yandi pesaka profesi. Beno me mona? Beno me mona, bawu ke zingaka na nzila ya yawu.

³⁵⁶ Oh, mu ke zola ti beto kuzwa sabala mosi, ti beto lendaka kaka kulonguka kima yayi, mpe kukumisa yawu pwelele mingi ti beno—beno lenda ve kukondwa kumona yawu. Ntangu yayi mu ke bika mwa bima yayi.

³⁵⁷ Ntangu yayi beno tala mbote. Beno tala, maboko yayi salaka yawu samu na Kento ya Yandi ya makwela ya Luzolo, salaka yawu na zola ya lembami samu na Kento ya Yandi ya makwela.

³⁵⁸ Beno bambuka moyo ti Mpeve-Santu kulumukaka na zulu ya Yesu, na yina, Yesu vwandaka kitini ya ntoto. Samu na yinki? Nkuna ya Nzambi, Luzingu ya Nzambi, ba salaka yandi na kivumu ya kento (ya kieleka?), yina vwandaka ntoto. Mbote mingi. Mpe kuna Luzingu ya Nzambi kotaka, na yawu, “Yandi vwandaka mbandukulu ya luvangulu ya Nzambi.” Beno me mona? Mpe kuna Menga yango ya Nzambi, yina vwandaka kuna na nzila ya nkuna yango; ntangu yawu basikaka na Calvaire, ya kubwaka dyaka na zulu ya ntoto. Samu na yinki? Samu na kuvulusa ntoto. Ntangu yayi, ba me nungisa yawu; ba me santisama yawu; ba me bokila yawu, mpe ba me lomba yawu; mpe ntangu yayi ya kele samu na kuzwa mbotika ya yawu ya Tiya, mpe ti ba sukula yandi samu na Yesu mpe Kento ya Yandi ya makwela.

³⁵⁹ Mpe beno kele bitini yankaka yayi yina ba me basika na ntoto yayi. Ntoto, beno kele kitini ya ntoto; nzutu ya beno. Moyo ya beno kele kitini ya Nzambi, kinama ya Nzambi, yina me talisama awa na zulu ya ntoto na kati ya nzutu. Nzutu fwana vuluka.

³⁶⁰ Ntangu yayi, moyo kele ya kuvulusa, samu ti ya vwandaka na kati ya disumu. Na yawu Nzambi kulumukaka, na nzila ya kunungisama, kusantisama, mbotika ya Mpeve-Santu, mpe vulusaka moyo ya beno.

³⁶¹ Mpe beno, na kuvwandaka kitini ya ntoto, ba me vulusa yawu. Beno kele na nzila ntangu yayi. Ya ke na kukulaka. Nzutu ya beno vwandaka ya kunungisa na yisi ya mbotika ya Noé. Amen! Mpe, nsuni ya beno, ntangu Yawu kubwaka na zulu kuna. Mpe ntoto fwana kusukulama na Tiya, kisika beno ke zinga, na mbotika ya Mpeve-Santu; Kisika ya kuzinga samu na Klisto mpe Kento ya Yandi ya makwela, Jérusalem ya Malu-malu.

³⁶² Beno tala mbote Mbanza yayi; ntoto, kubaka kisika ya yawu na zulu ya ntoto. Ntangu yayi beno lenda mona pwelele mutindu mu tubaka, . . . nsobolo yayi, ntoto fwana soba. Ya lenda vwanda ve na Yawu mutindu yayi. Dibundu zolaka kwenda ve. . . To, yinza zolaka landila kaka ve, na manima ya Millénium,

kukondwa ti ba soba yandi. Beno me mona? Samu na kuzwa Kisika yina ya kuzinga kuna, ya fwana soba.

³⁶³ Kaka mutindu, beto fwana soba na Tiya ya Yandi ya santu, samu na kukubama mpe kukuma kisika yina Yandi lenda vwanda na kati ya beto; ya kele, Mpeve-Santu.

³⁶⁴ Beno tala ntangu yayi, ya ke vwanda na bisika mingi na Ntoto ya Malu-malu. Uh-huh. Beno me mona, bisika mingi! Ya ke vwanda ya malu-malu, ya kele kieleka, na nzila ya Tiya, kasi ya ke vwanda dyaka ve na mubu. Beno tala, Mbanza ke salaka carré ya bakilometele mafunda zole na bankama yiya.

³⁶⁵ Ntangu yayi beno kuwa mbote-mbote na yina beto ke fikula bitezo yayi. Mu ke zola kuvwanza tablo, na mwa ntangu fioti.

³⁶⁶ Awa kele luzayikisu ya mudindu mingi ya Nzambi. Awa, mu ke telama kaka awa. Ata mosi ya bayayi yankaka. . . Mu ke zonzila yankaka yayi, kana Mfumu zola.

³⁶⁷ Beno tala ntangu yayi ntoto kele. . . Mbote, beno ke baka Buku ya Apocalypse, beno lenda mona wapi mutindu yandi tezaka yawu na nzila na ba-coudée mpe ba-stade. Mafunda zole na bankama tatu. . . Na yawu ntangu yayi beto ke mona ti Mbanza ke sala, “bakilometre mafunda zole na bankama yiya” na lweka.

³⁶⁸ Beno zaba wapi ya ke kuma? Mu tezaka yawu, na sabala yayi. Ya ke banda na Maine tii na Floride, mpe kubanda na kumu ya mubu ya esete tii na bakilometele bankama yivwa na makumi sambanu, na wesete ya Mississippi. Na nzonzolo yankaka, ndambu ya Etats-Unis, kaka samu na Mbanza yango.

Beno ke tuba, “Ya kele ve na kisika.”

³⁶⁹ Ntangu mubu ke kwenda, samu ti bitini yiya na zulu ya tanu kele ya kufuluka na masa. Ya kieleka? Kupasuka ya bombe ke kawusa mubu, ya ke panza ntoto. Oh, la la! Beno bambuka moyo, carré ya ba-kilometre mafunda zole na bankama yiya, wapi Mbanza! Mpe, kasi, beno bambuka moyo, mubu me kwenda.

³⁷⁰ “Mpe bunene mpe yinda kele mutindu mosi.” Yina ke sala bakilometre mafunda zole na bankama yiya *awa*, bakilometre mafunda zole na bankama yiya *kuna*; bakilometre mafunda zole na bankama yiya; yinda na bunene na yinda. Bakilometre mafunda zole na bankama yiya, beno banza na yawu, wolo ya kusema. Mpe Mbanza yango vwandaka na kibaka pene-pene ya yawu.

³⁷¹ Ntangu yayi, ntangu yayi, yina zola kutuba ve, ya ke vwanda mutindu mosi. . . Ya me tuba, “Mpe bibaka mpe lufulu vwandaka mutindu mosi,” yina zola ve kutuba ti ya kele cube to carré. Ya kele na kitezo yankaka ya géographie, ti bitezo kele mutindu mosi, ya kele, pyramide. Carré, “ya vwandaka mutindu carré,” mpe bibaka vwandaka mutindu mosi.

372 Mu ke fikula yawu. Beno me mona: yinda, bunene, yinda. Beto ke kota na kima mosi, kieleka mutindu yinza. Beno me mona? Beno tala, bitezo ya nsongi *yayi* kele kieleka mutindu mosi, yawu nionso, yinda na—na bunene. Ya kele na kitezo yankaka, pyramide, yina ke lakisa yawu.

373 *Yayi*, na kuvwandaka mutindu *yayi*, ke pesa mvutu kieleka na kidimbu ya Enoch na Egypte, pyramide. Kieleka? Enoch, na ntwala ya kubeba ya yinza na masa, ntangu kunungisama vwandaka kwisa, yandi salaka kidimbu mosi, mpe na pyramide *yayi* kele na bimatinu sambwadi yina ke na kukuma na kivinga ya ntinu. Beno tala mbote na kimatinu ya sambwadi, kana beno me longukaka bitezo ya pyramide, yina ke kwiza samu na kubaka yina ke na kwiza, samu na kulakisa yandi na ntinu. Beno tala mbote yina kele ya kutelama kuna, mpe beno ke mona kilumbu yina beno ke na kuzinga, na kati ya pyramide.

374 Ntangu *yayi*, Nzambi salaka ba-Biblia tatu. Ntangu *yayi*, ya kele na malongi ya pyramide yina kele mfunu ve, kasi ya kele na pyramide ya kieleka. Beno me mona? Beno tala. Ntangu *yayi*, Nzambi, Biblia ya ntete. . . Yandi salaka tatu. Ya fwana vwanda na nyonso na kati ya tatu.

375 Yesu ke kwiza bambala tatu. Yandi kwizaka, mbala ya ntete, samu na kuvulusa Kento ya Yandi ya makwela; na manima, samu na kubaka Kento ya Yandi ya makwela; mbala ya kulanda, na Kento ya Yandi ya makwela. Beno me mona?

376 Ntangu *yayi* beno tala mutindu ya kele kitoko. Beno me mona? Mpe na pyramide *yayi* vwandaka na bimatinu sambwadi, mpe na manima kivinga ya ntinu. Mpe beto kele na nsungi ya dibuundu ya sambwadi, ntete Ntinu kubaka Kiti ya Yandi ya kimfumu. Mpe, beno bambuka moyo, pyramide vwandaka ata fioti ve na ditadi ya yintu na zulu ya yawu.

377 Biblia ya ntete ya Nzambi vwandaka na mazulu, Zodiake; ya bandaka mpe ke landila na konso nsungi. Ya ntete, mbandukulu ya Zodiake, kele mwense; ya kele mutindu Yandi kwizaka, ntete. Kidimbu ya nsuka na Zodiake kele Leo nkosi; Nkwizulu ya zole. Kaka ntete ti ya kele na bambisi yina ya kuvukisa, yina kele nsungi ya cancer; yina beto ke na kuzinga ntangu *yayi*.

378 Ya vwandaka na pyramide na manima ya yina, Enoch, yina pesaka kimbangi ya kieleka. Beto me kuzwa ntangu ve ya kukota na yawu, kasi, kilumbu mosi, na lusalusu ya Nzambi, mu ke lakisa beno, kaka kieleka ya ke benda kitezo ya ngunga yina beto ke na kuzinga. Beno me mona?

379 Beno tala, kasi kitezo *yayi* ya geographie ntangu *yayi* beto ke na yawu, yina bitezo kele mutindu mosi, yina zola ve kutuba ti ya fwana vwanda cube. Beno tala, *yayi* ke pesa mvutu na kidimbu ya Egypte. . . to kidimbu ya Enoch na Egypte.

380 Na ntangu ya kuvedisa ya ntoto, na nzila ya mbotika ya Tiya, ya ke vwanda na volkan, mutindu ntoto ke pasuka, yina ke basisa

Mongo mutindu pyramide. Beno me mona? Kisika mingi samu na kusala yawu! Kima ya muvimba yayi ke soba. Kizizi ya muvimba ke soba. Beno me bakula yawu? Ya ke basisa Mongo mutindu pyramide.

³⁸¹ Yayi ke vwanda kieleka ya kulunga na Ndinga kana ya kele mutindu yina, ya ke vwanda. Ntangu yayi beno tala, samu ti, na Ésaïe 65:25, kisika beto me tanga kaka, Yandi tubaka.

Ba ke nyongisa ve to ke bebisa ve na mongo ya munu nyonso ya santu, me tuba MFUMU.

³⁸² Oh! “Mongo ya Munu nyonso ya santu!” Beno bambuka moyo, ya kele ntangu nyonso “Mongo.”

³⁸³ Kana bibaka vwandaka ya kusungama mpe ya kutelemisa, Mbanza zolaka kaka kumonana na ngaanda . . . to na kati, Kiti ya kimfumu lenda kaka kumonana na kati; kasi beno tala ya zolaka monana kaka na kati.

Kasi ntangu yayi beto ke mona nsilulu ya Ésaïe 4:5. Beto tanga kaka yawu.

³⁸⁴ Beno kele na kati ya mbangu? [Dibuundu me tuba, “Ve.”—Mu.] Ve, beno vwanda ve na kati ya mbangu ntangu yayi. Beto—beto—beto me kuma pene-pene ya—ya kima ya mfunu ntangu yayi, na ntangu ya mfunu mingi—mingi yina beno fwana bakula ntangu yayi awa. Samu ti, mu zola kukumisa yayi pwelele. Mpe kuna ntangu beto ke vutuka dyaka na yawu, mu ke—mu ke lakisa beno kuna kisika beto ke—kisika beto ke na kuzonzila, na yina, na kulonguka ya beto ke kwisa na zulu ya yayi, na ntangu yankaka.

³⁸⁵ Oh, lukumu na Mfumu Yesu! Beno tala mbote awa, mutindu Bandinga lenda kubwa ve. Ntangu yayi beno tala mbote awa na Ésaïe. Mu sonikaka yawu awa, kana mu lenda mona dyaka yawu, na mwa ntangu fioti. Ésaïe 4:5. Ntangu yayi beno kuwa, yandi ke na kuzonzila Nkwizulu ya Mfumu, mutindu ti bakento ke vwanda mingi na nkadulu ya mansoni. Oh, yandi tubaka, “Bakento sambwadi . . .” Beno kuwa. Beto tanga kaka yawu. Beno tala awa.

Mpe na kilumbu yina bakento sambwadi ke simba bakala mosi, na kutubaka, Beto ke kudia dimpa ya beto, . . . beto ke lwata bilele ya beto: bika ti ba bokila beto na nkumbu ya nge, samu na kukatula nsoni ya beto.

³⁸⁶ Ya kele ntangu ya nsuka, kisika beto ke na kuzinga ntangu yayi; makwela, kufwa makwela, mpe kindumba, mpe nyonso yina.

Na kilumbu yina dikanda ya MFUMU ke vwanda kitoko mpe nkembo, . . . mbuma ya ntoto ke ngenga mpe kitoko . . . bayina . . . bayina kimaka na Israël. (Mutindu beno kimaka na kitumbu nionso! Beno me mona?)

Mpe ya ke salama, ti yandi yina me bikana na Sion, mpe yandi yina ke bikala na Jérusalem, ke . . . (Beto tala) . . . na Jérusalem, ba ke bokila yandi santu, mpe muntu nyonso yina kele ya kusonika na kati-kati ya bantu ya moyo na Jérusalem, beno me mona:

Kisika Mfumu ke sukula mvindu ya mwana-kento ya Sion, (beno bambuka moyo, ya kele ntangu nyonso Kento ya makwela, beno me mona) . . . mpe ba ke vedisa yandi na menga ya Jérusalem (ya kele bayina bikanaka ya ba-Juif, bwela Kento ya makwela, beno me mona) . . . mpe na kati-kati ya yawu na mpeve ya lufundusu, tiya . . .

387 Ya kele ntangu nyonso lufundusu ya Nzambi, ntangu Yandi ke salaka lufundusu ya Yandi ya nsuka. Ya ke bokila beno, ke nungisa beno, mpe ke nata beno na mpulusu; na yina lufundusu ya Yandi ke basika na zulu ya beno, mpe Mpeve-Santu mpe Tiya ke sukula disumu. Na yina beno kele ya Yandi.

388 Kima mutindu mosi Yandi ke salaka na ntoto, ntangu Yandi ke sukula yawu na Tiya, “mpe na nzila ya mpeve yina ke yokaka.” Ntangu yayi beno tala. Beno kuwa! Beno me kubama?

Mpe MFUMU ke vanga na zulu ya konso kisika ya kuzinga ya mongo ya Sion, mpe na zulu ya kimvuka ya yandi, dituti ya mulinga na kilumbu, mpe kulezima ya . . . tiya na mpimpa: samu ti na zulu ya nkembo nyonso ke vwanda lukengolo mosi.

389 [Mpangi Branham ke na kusonika na tablo—Mu.] “Mfumu, na kilumbu yina, na zulu ya yawu, ke vanga Tiya ya Nsemo samu na kupela kilumbu.” Mpe ya ke kwenda na ntwala mpe ke tuba, “Ya ke vwanda kisika ya kubumbama, kisika ya kupema, kisika ya lukengolo.” Beno tala, ya ke wisana kieleka na yina ke na kuzonza Biblia, kieleka. Bibaka vwandaka ya kusungama mpe ya kutelama, beno lendaka ve kumona yawu. Ya fwana yekama. “Mongo nyonso ya Munu ya santu . . .” “Yandi ke vanga Nsemo yayi na zulu ya Mongo yayi, mpe ya ke vwanda samu na lukengolo.” Oh, beto ke yimba nkunga yina:

Oh, Mbanza yina na zulu ya Mongo Sion,
Mutindu kizyeti, kasi mu zola dyaka yawu;
Ntangu yayi mpe na kati ya bansungi yango,
Ntangu mu ke kuma na Mbanza yina na zulu
ya Mongo. (Beno me mona?)

390 Beno tala, Mongo Sinaï vwandaka kisika Nzambi kulumukaka na zulu ya yawu, ntangu Yandi zonzaka na Israël na Dikunzi ya Tiya. Yandi kulumukaka na zulu ya mongo, Mongo Sinaï.

391 Na Mongo ya Nsobolo, ntangu Yandi tubaka, “Yayi kele Mwana ya Munu ya luzolo; beno kuwa Yandi,” Yandi kulumukaka na Dikunzi ya Nsemo mpe nsemo ya ngolo, na zulu

ya mongo, na ntswala ya Pierre, Jacques, mpe Jean. Mpe, na kati kuna, Yandi talisamaka na Moise mpe Elie; yina zangukaka, mpe yina vumbukaka na lufwa. Nkembo!

³⁹² Mbanza ya Malu-malu mpe Ntoto ya Malu-malu; luvangulu ya malu-malu; Mbanza na zulu ya Mongo, na Kiti ya kimfumu na zulu ya yawu. [Mpangi Branham me fikula bifwanukusu na tablo na kati ya ba-paragraphe yina ke landa—Mu.] Kiti ya kimfumu na zulu *awa*, na zulu; mpe bantu yina ke zingaka, bisika nyonso na balweka, na zulu ya Mongo yayi.

³⁹³ Mpe kibaka yina vwandaka pene-pene ya yayi, vwandaka na balufulu kumi na zole. Mpe mosi na mosi ya bawu vwandaka na ditadi ya ntulu yina vwandaka na Aaron, yina vwandaka monikisa makanda kumi na zole ya Israël.

³⁹⁴ Mpe, na bankotolo, ba vwandaka na myelo yiya ya kutula kaka kieleka mutindu tempelo na ntoto ya kuyuma, mutindu tenta vwandaka na ntoto ya kuyuma. Beno tala mosi na mosi, vwandaka—vwandaka na bantumwa, tatu na konso lweka, bantumwa kumi na zole. Konso... Mpe ya vwandaka na bankama yina na makumi yiya na yiya ya ba-coudée na zulu. Bankama yiya na makumi yiya na yiya ya ba-coudée kele kieleka bametele makumi sambanu na sambanu, yina vwandaka sala mosi na mosi ya matadi yina ya nene vwandaka na bametele sambanu na yinda, kinkuti ya ntulu na mwelo yina, ke sala kibaka yina vwandaka pene-pene ya Mbanza.

³⁹⁵ Ntangu yayi yawu, Mbanza yango, ke pema ve na zulu ya kibaka, samu ti mbanza mosi, ya bakilometre mafunda zole na bankama yiya, lenda sala yawu ve. Ya kele kibaka *awa* yina beno ke kota, mutindu myelo ya Jérusalem ya ntama. Beno ke kota na kati, na kulutaka kibaka.

³⁹⁶ Mpe mosi na mosi ya bayayi, vwandaka na balufulu kumi na zole, mpe mosi na mosi vwandaka na emeraude mpe matadi ya mutindu na mutindu, yina vwandaka talisa makanda kumi na zole ya Israël.

³⁹⁷ Mpe bantumwa, mosi na mosi, na zulu ya mwelo yina ya nene ya palata mosi ya nene, vwandaka nkumbu ya ntumwa mosi. Mpe Yesu tubaka ve, “Beno ke vwanda na bakiti kumi na zole ya kimfumu, samu na kufundisa makanda kumi na zole ya Israël?” Nani vwandaka na mwelo, samu na kufundisa, ntangu bawu kotaka na Mbanza? Oh, la la! Yawu yina. Bantinu ya ntoto yina ke kota na Mbanza, ke luta na ntswala ya zuzi ya bantumwa, mutindu Yesu silaka. Oh, la la!

³⁹⁸ Na zulu ya Kiti yayi ya kimfumu, na zulu ya yawu, bakilometre mafunda zole na bankama yiya, yinza ya muvimba ke mona Nsemo ya yinza, Yesu, ya kuvwanda na zulu ya Kiti ya kimfumu na zulu ya yinza, na zulu ya Dibundu, na zulu ya Mongo Sion; yina kele na bakilometre mafunda zole na bankama yiya, kati-kati ya yinda ya Etats-Unis, mpe ya ke

telema yinda mingi ti beno lenda mona Yandi na yinza ya muvimba, bakilometre mafunda zole na bankama yiya na zulu.

³⁹⁹ Mpe *awa* na balweka, ke vwanda bantu yina ba me Vulusa. Ya ke vwanda na bayinzo ya wolo ya kuvedila. Ya ke vwanda na babala-bala, mpe ba-parc, mpe masamba. Mpe Nzadi ya Luzingu ke basika, ke basika na Kiti ya kimfumu, mpe ke basika na kati ya balaka yayi mpe, oh, na ba-terrace yayi. Mpe Yinti ya Luzingu ke basisa felele na konso lupangu; mpe ke buta bambuma ya Yawu, bambala kumi na zole na mvula mosi, mbuma ya kuswaswana na konso ngonda.

⁴⁰⁰ Mpe bantinu ya ntoto ke kwiza na kati ya yawu mpe ke nata lukumu ya bawu. “Mpe matiti kele samu na kubeluka ya bayinsi,” ntangu bantinu ke zinga na ngemba kuna. Ntangu bawu ke basika, bawu ke buka yinti, dikasa na mutindu *yayi*. Mutindu yembe yina vutukaka, ti nganzi ya Nzambi lembamaka, mpe nataka dikasa ya wulu na nzanza. Na yawu ntangu ntinu ke telema, samu na kunata nkembo ya yandi na kati ya kivinga ya Kento ya makwela awa na kati ya Mbanza, yandi ke tanda dikasa na ntinu ya yandi ya mfinangani, mpe, “Beto kele na ngemba mvula na mvula.” Amen! Kubeluka ya bayinsi! “Nionso me mana. Na ntangu mosi beto nwanaka samu na menga ya mosi na yankaka, mpangi-bakala. Mpe beto me zola, mpe beto me boka; mpe beto me kufwa na munduki, mpe beto me yoka bana, nionso. Kasi ntangu yayi ya kele na ngemba, kubeluka ya nzutu.” Kubeluka ya bimbevo ve; nionso me mana. Kubeluka ya yinsi! Amen!

⁴⁰¹ Mbanza na Kiti ya kimfumu na zulu. Apocalypse 21:23, “Mpe bawu kele na nsatu ya nsemo ve, samu ti Mwana-dimeme mpe Mfumu Nzambi kele Nsemo ya yawu.” Beno me mona? Mfumu Nzambi kele Dikunzi ya Tiya yina vwandaka landa bana ya Israël na ntoto ya kuyuma. Mpe Yandi me zanguka na zulu ya Kiti ya kimfumu, na kati ya Kimfumu yina ya kulunga. . . ntangu ntangu. . . “Kimfumu yina Yesu ke pesa na Tata, ti Nzambi ke vwanda nyonso, mpe na nyonso.” Yesu kele ya kuvwanda na zulu ya Kiti ya Yandi ya kimfumu awa, mutindu Joseph ya beto. Mpe Ntinu kele Nsemo yina ke vwanda na zulu ya Mongo Sion, mpe Nsemo ya Yandi ya santu ke fulusa Mbanza ya muvimba. Alleluia!

⁴⁰² Bakilometre mafunda zole na bankama yiya na zulu, Bakilometre mafunda zole na bankama yiya na zulu ya Bakilometre mafunda zole na bankama yiya, na ba-paradiso ya Nzambi ya kutunga na kati ya Mbanza yina; na babala-bala, ba-avenue! Beno tanga Apocalypse ya beno 21, beno tala kana ya kele kieleka ve. Beno me mona, “Bawu kele na nsatu ya nsemo ve kuna, samu ti Mwana-dimeme kele Nsemo.” Mpe na zulu ya Kiti ya kimfumu ba lendaka mona, ya kuvwanda, Bakilometre mafunda zole na bankama yiya.

403 Ya ke mataka ve na zulu mutindu *yayi*. Ya ke kulumuka na yisi, mutindu pyramide. Kana ya ke vwanda ndambu ya kitamina, na yina ya ke vwanda ti ya ke mata mutindu *yayi*, beno me mona, na mbanza mosi na yankaka . . . ntangu yayi kana beno tala, na lweka mosi ya Mbanza na yankaka.

404 Mu lendaka bwela mwa kima mosi awa kana beno zola. Beno me talaka mwa kimvuka yayi awa? Ya kele kaka pene ya kitini yina, selekele ya ke fika. Na Georgie, na Californie, na Saskatchewan; kukatuka na Kansas, tii na simu ya matadi ya Maine; yawu yina me vukana. Ya kele pene ya yina me talisama awa, pene ya carré ya bakilometre mafunda zole na bankama yiya na lweka.

Oh, bawu katukaka na Esete mpe na Wesete,
Bawu katukaka na ntoto ya ntama,
Samu na kusala feti na Ntinu ya beto; samu
na kudia . . . (Yinki? “Muntu ke zinga kaka na
dimpa ve.” Na Dimpa, Ndinga!) . . . samu na
kudia mutindu banzenza ya Yandi;
Mutindu kele ya kusakumuna bizyeti yayi!

Na yinza, mu fwana tuba, mu me monaka ntete ve bantu mutindu bawu.

Oh, samu na kutala kizizi ya Yandi ya santu
Kulezima na Nsemo ya Kinzambi;
Bayina ke vwanda ya kusakumuka na lemvo ya
Yandi,
Mutindu misanga na yimpu ya Yandi ke pesa
nsemo.
Oh, Yesu ke na kwiza ntama mingi ve,
Bampasi ya beto ke suka kuna.
Oh, yinki kana Mfumu ya beto ke kwisa na
ntangu yayi?

405 Ya ke vwanda ntangu ya yinda ve. Bima nionso kele ya kulunga. Na mutindu ya Géographie, Sodome, minati-nsangu; nyonso kele kaka na kisika ya yawu. Beno me mona? Yinki ya zola kutuba? Beno banza kaka, beto ke kuma na tabernacle yayi ya fioti ya bakilometre mafunda zole na bankama yiya na zulu ya bakilometre mafunda zole na bankama yiya, mutindu mosi.

406 Samu na yinki Nzambi banzaka mingi mpe bendaka bukebi mingi na yina me tala mwa kisika yayi ya Palestine, beno me mona, ntangu ya kele kaka mwa kisika ya fioti? Kasi kaka na kati kuna kele kisika ba tulaka tempelo. Ya kele kisika Jérusalem ya Malu-malu ke mwangana, kaka kuna. “Ba-Olivier, Mongo ya ba-Olivier ke panzana mbala zole, ya ke kabwana na diboko ya kibakala na diboko ya kikento,” kieleka, ntangu ya ke basikaka na zulu kubanda na nsi. Ve, bawu ke tuba, ya ke zibuka na ngolo mutindu *yayi*. Ya ke na kumata, “Na kilumbu yina ntangu Yandi ke tulula makulu ya Yandi ya santu na zulu ya Mongo.” Beno tala,

na zulu ya Kiti ya Yandi ya kimfumu, bakilometre mafunda zole na bankama yiya na zulu!

⁴⁰⁷ Beno bambuka moyo, Satana mekaka na kumeka Yandi, kilumbu mosi, na zulu ya mongo. Beno me mona?

⁴⁰⁸ Mbanza ya Malu-malu kele na balufulu kumi na zole, na yina beto me mona, bankooko kumi na zole; bankama mpe makumi yiya na yiya ya ba-coudée; ya kele kinkuti ya kisengo ya Aaron; myelo kumi na zole ya palata, bankumbu ya bilandi kumi na zole.

⁴⁰⁹ Yesu kele ya kutelama, Ditadi ya yintu, na zulu ya Kiti ya kimfumu, ntangu basantu ya Yandi me byadisa Yandi, “Ntinu ya bantinu, Mfumu ya bamfumu.” Mpe Yandi kele Ditadi ya yintu.

⁴¹⁰ Mu kele ve na porte-feuille ya munu. Kasi kana beno tala na portefeuille ya beno, kana beno kele na billet ya dollar mosi, ya kele na kidimbu ya Etats-Unis; ngononi na nsongi mosi, na kusimbaka madionga, kidimbu ya luyalu, mutindu ya vwandaka; mpe na nsongi yina yankaka, ya kele na pyramide, na disu yina ke monaka na zulu ya yawu. Beno me mona, bawu zabaka ve yina bawu vwandaka sala. Mpe kuna ya kele ya kusonika na Latin, mpe beno ke tala ti ya me tuba yawu, yayi kele “kidimbu ya nene.” Bawu zabaka ve yina bawu vwandaka sala. To Caïphe zabaka ve ti yandi vwandaka pesa profesu.

⁴¹¹ [Mpangi Branham ke na kusonika na tablo—Mu.] Beno tala Kidimbu ya Nene. Ya kele *awa*, beno me mona, Mbanza. Ya kele ve kaka cube mosi ya plate mutindu *yayi*, beno me mona, kasi, ya ke yekama na mutindu ti ba lendaka kumona yawu. Mpe na zulu ya Mongo yayi ya santu ya Mfumu, Mfumu ke kulumuka na zulu ya Mongo ya Yandi; Yandi kele *awa*. Ya kele samu na yina ba tulaka ve ditadi ya yintu na Enoch. Beno me mona? Ya kele samu na yina Ditadi ya yintu fwana kwiza ntangu yayi. Mpe ba ke pusa Mongo, mpe ya ke vwanda Mongo ya Mfumu.

⁴¹² Mpe na kati *awa* ke zinga bantu yina ba me Vulusa. *Yayi*, ba-avenue mpe babala-bala ya nene, mutindu ya vwandaka, ba-parc, mpe Nzadi ya Luzingu ke luta, ke luta na kati ya yawu. Mpe konso yinzo ke salama na wolo ya kuvedila. Mpe babala-bala ke salama na wolo. Mpe bayinti ya Luzingu ke vwanda kuna, mpe ke buta mitindu kumi na zole ya bambuma. Mpe bantinu mpe bantu ya lukumu ya ntoto ke nata lukumu ya bawu mpe nkembo na myelo. Mpe myelo ke vwanda ve ya kukanga na mpimpa, samu ti ya kele ve na mpimpa kuna.

Na Mbanza yina kisika Mwana-dimeme kele
Nsemo,
Na Mbanza yina kisika mpimpa ke vwandaka
ve;

Mu kele na yinzo kuna kisika kyadi mpe mawa
ke vwandaka ve,
Oh, mu ke kwenda kisika Mwana-dimeme yina
kele Nsemo.

413 Beno ke mona ve ti babwala, bambanza, bayinzo, bisika ya kuzinga, ke—ke pesa kimbangi ya yawu ntangu yayi? Bima nyonso yayi ya yinza kele kivudi.

414 Beno baka kivudi, na kitamina, mutindu diboko ya munu. Ntete ya vwanda na positif. . . to negatif, ya fwana vwanda na positif. Mpe, beno me mona, kivudi yina, ya ke monana ti mu kele na misapi kumi na zole, kasi na yina ntangu beno ke belama na yawu, yawu—yawu ke vukana na mosi, na yina kivudi ke dinda na kati ya diboko.

415 Mpe ya kele, na bantangu mingi, bantu ke banzaka ti ya kele na Banzambi tatu to yiya. Beno ke na kutalaka ntama mingi na manima na kusungika ya ntete. Beno me mona? Beno landila kaka na kukwenda na ntwala ntangu yayi mpe, beno ke mona, beno landila kaka na kutala tii ya ke bikana kaka Mosi. Ya kele kieleka.

416 Ya kele na Kento mosi ya makwela; ya kele ve na kumi na zole, ya ba-dénomination. Kasi Kento mosi ya makwela mosi, yina kele Musolami, na kati ya konso. . . na—na ntoto bayina ba soolaka ntete samu na yayi, bayina lenda zaba kisika ya bawu na kati ya Kimfumu.

417 Na Kiti ya kimfumu yayi, beno tala, na zulu mingi! Mbanza ya Malu-malu; na balufulu; myelo kumi na zole; Yesu, Ditadi ya yintu; bantumwa, ke fundisa; makanda kumi na zole.

418 Pyramide ya ba-Enoch ke basisa kivudi ve na ntangu mosi ve ya kilumbu. Mu vwandaka na Egypte, na ba-pyramide. ba me tulaka yawu kieleka landila géographie, mpe na bitezo ya kifwani yayi ya nene ya geometrie; ti, ata ti konso kisika mwini kele, ata mbala mosi ve ti ya kele na kivudi pene-pene ya pyramide. Beno me mona mutindu ya kele?

419 Mpe ya ke vwanda ve na mpimpa kuna. Yandi na zulu ya Mongo, ya ke fulusa yawu na nkembo ya Yandi. Nsemo ya Yandi ya Nkembo ke vwanda kuna ntangu nionso. Ya ke vwanda ve na mpimpa kuna. Yesu, Ditadi ya yintu!

420 Ntangu yayi beno tala. Na yawu, bantu yina ba me Vulusa ke tambula na kati ya Nsemo. Beto ke yimba ntangu yayi, “Beto ke tambula na Nsemo, Nsemo yina ya kitoko mingi.” Ya kele na kima na kati ya beto yina ke bokila na kubasika. “Me luta lufwa na Luzingu.” Ya kele samu ti yina ke na kuingila. Beno me mona? Ya kele yina kele kinama, yina beto ke kuwa.

421 Ya kieleka, yayi kele. . . Beno me kubama? Yayi kele Mbanza yina Abraham vwandaka sosa. Beno me mona? Na kuvwandaka profete, yandi zabaka ti Mbanza yina vwandaka kisika mosi

kuna. Biblia me tuba mutindu yina. Mpe yandi bikaka mbanza yina yandi vwandaka zinga, mpe yandi kwendaka kuna; beno tala kisika yandi kwendaka, kieleka kisika ya ke vwanda. Beno me mona? “Yandi vwandaka sosa Mbanza Yina mutungi mpe kisadi vwandaka Nzambi,” beno me mona, yandi vwandaka profete.

⁴²² Yesu kwendaka samu na kuyidika, na maboko ya Kinzambi, Mbanza ya Kinzambi; Mutungi ya Kinzambi, samu na bantu yina me sumbama na Nzambi, samu na bantu yina ba soolaka ntete. Yandi me kwenda samu na kuyidika.

⁴²³ Abraham vwandaka sosa yawu. “Mpe yandi tubaka ti yandi vwandaka kizyeti mpe nzenza, samu ti yandi vwandaka sosa Mbanza Yina mutungi mpe kisadi vwandaka Nzambi.” Profete yina, zabaka ti ya vwandaka kisika mosi kuna! Jean monaka yawu kukulumuka, kasi Abraham banzaka ti ya fwana vwanda na zulu ya ntoto kaka kuna. Samu na yinki? Yandi kutanaka na Melchisédek, Ntinu ya yawu, mpe pesaka Yandi kikunku ya kumi. “Yina vwandaka ve na tata, to mama ve. Yandi vwandaka ve na mbandukulu ya luzingu to nsuka ya luzingu ve.” Abraham kutanaka na Yandi, mpe bawu bakaka kominyo kaka na kisika ya kieleka kisika ba ke telemisa Mbanza yango, mongo ya santu ya Mfumu, kisika bantu yina ba me Vulusa ke zinga. Oh, la la!

⁴²⁴ Ntangu yina ke telama ve. Ve, beto kele na kati ya ntangu; na manima ya mwa ntangu fyoti beto ke kwenda na Seko.

⁴²⁵ Oh, Mongo ya santu! Ya ke vwanda na babala-bala ya wolo ya kuvedila, ba-avenue; mpe bayinzo, mpe ba-parc. Kana beno zola kutanga yayi, Apocalypse 21:18. Yinti ya Luzingu ke vwanda kuna; na mitindu kumi na zole ya bambuma, mosi na konso ngonda, ke buta na zulu ya yawu. Bantu yina ke kudyaka bambuma yayi, ba ke soba madya ya bawu nyonso, konso ngonda.

⁴²⁶ Mpe ya kele—ya kele na . . . samu na minungi kaka. Beno zaba yawu? Ya kele ve samu na ba-denomination.

Beno ke tuba, “Nge zola kutuba mutindu yina, Mpangi Branham?”

⁴²⁷ Beto baka Apocalypse 2, kaka na minuti fioti, mpe beto tala yawu. Apocalypse 2:7. Beto tala ntangu yayi kana ya kele kieleka ya Kieleka to ve. Apocalypse 2:7 ke tanga mutindu yayi.

Mpe yandi yina kele na dikutu, ti yandi kuwa yina Mpeve. . .

⁴²⁸ Ntangu yayi, beno bambuka moyo, Yandi ke na kuzonzaka ve na ba-Juif ntangu yayi. Yayi kele Dibundu, Bantu ya makanda.

Yandi yina kele na dikutu, ti yandi kuwa yina Mpeve ke tuba na mabuundu; Na yandi yina ke nunga, mu ke pesa yandi kadya yinti ya luzingu, yina kele na kati-kati ya paladiso ya Nzambi.

429 “Minungi kaka, yina nungaka kibulu, yina nungaka kidimbu ya yandi,” ya kele malongi ya Katolika, malongi ya ba-Protestant, malongi ya denomination, “bayina nungaka kibulu, kidimbu ya yandi, kisono ya nkumbu ya yandi.” “Yandi ke kuzwa muswa ya Yinti ya Luzingu, samu na kukota na myelo kisika kima mosi ve ya mvindu ke kota.” Beno me mona? Beno banza na yawu. Ntangu yayi, kaka na mwa ntangu fioti ntangu yayi, na yina beto ke kwenda kaka mwa fyoti ntama. Yinti ya Luzingu ke vwanda samu na minungi kaka.

430 Makasa ke vwanda samu na kubeluka ya bayinsi. Ya kele, bantinu yina ke zingaka na kati kuna, ke na kunataka lukumu ya bawu, ntangu bawu ke nata lukumu ya bawu mpe ke tula yawu na ntwala ya Kiti ya kimfumu ya Nzambi. Kaka mutindu na ngaanda, kumi. . . makanda kumi na mosi nataka kuna na kati, mosi na mosi ya bawu, mosi ya kumi na Levi, beno me mona. Ntangu ba ke nata lukumu ya bawu kuna na kati. . . katuka na yinsi ya kusakumuka, na kati yina, ba ke tanda diboko na Yinti ya Luzingu, beno zenga dikasa ya wulu. . . to dikasa ya Yinti ya Luzingu, mpe bawu ke tambula kintwadi. Ya kele dyaka ve na mvita. Nyonso kele na ngemba. Makasa kele lubambuku, samu na bakubeluka ya yinsi.

431 Yinti mosi, ve mutindu Adam, yandi. . . Ya vwandaka na Yinti ya Luzingu na disamba ya Eden, ti yandi zolaka kudya kana yandi kubwaka ve. Yinti yango ya Luzingu ke bambuka yandi moyo, ntangu nyonso, ti ya yandi ya malu-malu. . . buntwenya ya yandi vwandaka landila kaka na kukwenda na ntwala. Beno me mona?

432 Mutindu mosi samu na bayinsi. Makasa ke vwanda samu na kubeluka ya bayinsi; beno tala, kimbevo ve ntangu yayi. Beno zolaka vwanda na muswa mosi yina Adam kuzwaka, mutindu di- . . . yembe na dikasa ya wulu, ya kele nyonso. . . konso ntinu ke baka dikasa mosi.

433 Beno tala, Nzadi ya Luzingu, mu banza ya ke salama na mwa bamasa mingi ke sala yawu. Ntangu yayi, na ntoto yayi. . .

434 Mu ke sukisa kaka na mwa minuti fioti. Na ntoto yayi. . . To, mu ke sukisa kaka. *Yayi* kaka me bikana munu na ba-note, ntangu yayi pene ya ba-page makumi tatu. Yinga. Beno tala.

435 Na luzingu yayi—yayi, mu me monaka ata fioti ve kima mosi ke manisaka mpwila mutindu kuvwanda na bamongo mpe mona, mutindu mu longaka yawu na nkokila yina, yinto yina vwandaka toka, ngolo ya yawu ya moyo. Beno ke vwanda ya kulemba mpe na mpwila, beno ke kubwa pene-pene ya yinto ya mbote; ya mudindu mingi kisika mikolobo lendaka kwenda ve, na mudindu mingi na bankama ya ba-metre na kati ya ntoto, masa ya bukente, ya kieleka, ya moyo ke basika. Beto ke sepelaka na yawu. Ya kele fioti. Ntangu yayi, ntoto kele na bayinto ya yawu mingi na masa ya lembami. Ntangu beno kele na mpwila

mpe zola kufwa, beno ke kuzwa maza ya mbote, ya madidi ya kunwa na yawu, ya ke—ya ke sadisa beno na kuzinga.

⁴³⁶ Kasi beno tala kisika Yai me katuka. Na Kiti ya kimfumu, ya kele kisika ya ke kuzwaka bangolo ya yandi ya Luzingu. Ya ke katuka na yisi ya Kiti ya kimfumu ya Nzambi, kisika Nzambi ke vwandaka.

⁴³⁷ Nyonso ya yawu, ntoto nyonso yayi, ntoto yayi awa beto ke na kuzinga ntangu yayi; muntu nyonso, kana ya kele Muklisto to mumpani, kele na batempelo. Beno me banzaka ntete na yawu? Mabuundu, bawu nyonso.

⁴³⁸ Kasi Yai kele na mosi ve. Biblia me tuba, “Mpe ya vwandaka ve na tempelo kuna. Kasi Mfumu Nzambi mpe Mwana-dimeme kele Tempelo ya yawu.” Mwana-dimeme kele Nsemo. Mwana-dimeme kele Tempelo. Mwana-dimeme kele Kiti ya kimfumu. Mwana-dimeme kele Luzingu. Yandi kele Tempelo yina. Beno me mona, batempelo yayi nionso kele na kima mosi ba ke sambilaka; kasi, na kati ya Mbanza yayi, Yandi kele kima mosi. Yandi kele na bantu ya Yandi. Nsemo ya Mpeve ya Yandi ke fulusa Mbanza ya pyamide.

⁴³⁹ Mutindu Pierre mpe Jean, kuna na zulu ya mongo. Nsemo vwandaka fika na zulu ya mongo, mpe Ndinga mosi tubaka, yandi tubaka, “Yai kele Mwana ya Munu ya luzolo.”

⁴⁴⁰ Na Apocalypse 21:3 mpe 4, “Tabernacle ya Nzambi kele na muntu.” Nzambi me tula kisika ya kuvwanda na kati ya muntu, na kuvulusaka yandi, na nzila ya bitapi tatu yayi. Ntangu yayi Nzambi ke vulusa ntoto mpe ke zinga na kati ya ntoto, na bantu ya Yandi ya ntoto, yina Yandi basisaka na ntoto. Mpe na nzila ya disumu yandi kubwaka, kasi. . . Yandi zolaka bika yawu kulandila. Kasi ntangu yayi Yandi fidasaka Yesu samu na kuvulusa ntoto yina kubwaka, yina beto kele kitini. “Ya kele ve na nsuki mosi ya yintu ya beno ke kufwa.” Yesu tubaka mutindu yina. Yandi tubaka, “Mu ke vumbula dyaka yawu na kilumbu ya nsuka.” Beno me mona? Samu na yinki? Beno kele kitini ya ntoto.

⁴⁴¹ Beno tala, mu vwandaka na mwa nsaka ya fioti samu na kento ya munu yina vwandaka tuba na munu ti mu me zimbisa bansuki ya munu. Mu tubaka na yandi ti mu me zimbisa ve mosi ya yawu.

Yandi tubaka, “Wapi kisika ya kele?”

⁴⁴² Mu tubaka, “Kisika yawu vwandaka ntete mu kuzwa yawu.” Ata kisika yawu vwandaka, kima mosi; ata ti kisika nyonso ya kele, ya ke na kuingila munu. Beno me mona? Ya kele kieleka. Mu ke kwenda na yawu, kilumbu mosi.

⁴⁴³ Nzutu yayi ya ntama, ya mifutu mpe ya kubwa, mpe na mapeka ya kubwa, mpe na mabolongo ke sala mpasi, mpe—mpe laka ya kukangama. Ya kele mbote mingi. Beno lenda zika yawu na kati ya mubu, kasi Mpungi ke vumbula munu! . . .? . . . Yinga,

tata. Beto ke soba, mosi ya bilumbu yayi. Mu kele kitini ya yinza yayi yina ba me vulusa. Beno kele na yinza, kasi kima ve ya *kosmos*. Beno kele na ndonga ya kuswaswana, na ndonga ya bantu yina ba me vulusa.

⁴⁴⁴ Beno tala, “Tabernacle ya Nzambi ke vwanda na muntu.” Beno tala, “Bima ya ntama me luta.” Yayi, kima yayi, me luta. Yayi zola kutuba ti Zulu me kulumuka samu na kuzinga na muntu. Beno me mona? Zulu mpe ntoto me yambama.

⁴⁴⁵ Kaka kieleka na ntangu Yembe kulumukaka na zulu ya kitini ya ntoto, yina vwandaka Yesu; Yandi vwandaka putulu ya ntoto, Bakala. Nzambi, katukaka na mwa nkuna yina ya fioti ya Luzingu, na nzila ya ngolo ya luvangu. Mpe Menga yango yina vwandaka na kati ya yawu. . . Luzingu yina vwandaka na kati ya Menga yina mataka na Nzambi, kasi Menga tiamukaka na zulu ya ntoto, samu na kulomba yawu.

⁴⁴⁶ Samu na menga yina basikaka, na cellule ya nkuna ya Cain, beno me mona; ntangu yayi Yandi ke vutuka na ngolo ya luvangulu kaka mutindu Yandi salaka Adam, vangaka Adam, awa kele Adam ya Zole. Mpe na nzila ya cellule yina zenganaka kuna, kisika (disumu) Cain zengaka cellule yango ya menga na zulu ya muntu ya kudedama, beno me mona, ntangu yayi Cellule ya Menga yayi. . . Samu ti, yandi kufwaka Abel, kasi Abel butukaka na nzila ya sexe.

⁴⁴⁷ Kasi Yayi butukaka ve na nzila ya sexe. “Ya vwandaka luvangulu ya Nzambi, mbandukulu ya yawu,” mpe Yawu vulusaka ntoto. Mpe calcium nionso, potasse, pitilojo, nsemo ya yinza, na yina ba me sala beno, me kuzwa mpulusu. “Ata nsuki mosi ve ba ke niongisa yawu. Mpe Mu ke vumbula yawu diaka na kilumbu ya nsuka.”

⁴⁴⁸ Na manima yinki? Nzambi ke kulumuka samu na kuzinga na zulu ya ntoto. Na yina, Yandi kele kitini ya yawu, nzutu ya Yandi Mosi. Yandi vumbulaka yawu samu na kunungisama ya beto, mpe beto me nungisama na nzila ya kukwikila yawu mpe kundima yawu. Beno tala na bifwanikususu, Yesu me kuma. . . Na kifwanikususu, Yesu me kuma muntu; Nzambi. . . to solaka ntete na kubaka kisika ya yandi, samu na kuvulusa beto, samu na kusala bima nyonso yayi kusalama.

Beno tala, na ngaanda ya bibaka ya yawu ya kitoko, ya Mbanza yayi.

⁴⁴⁹ Ntangu yayi beno me mona “Mbanza yango”? Beno me mona, ya kele Mongo ya santu. [Mpangi Branham ke na kutsalisa yawu na tablo—Mu.] “Kima mosi ve ke sala mpasi to ke bebisa na Mongo ya Munu nionso ya santu, me tuba Mfumu.” Mbanza kele ve cube. Ya kele Mongo. Mpe yinda na bunene na zulu, kele mutindu mosi, beno me mona; bakilometre mafunda zole na bankama yiya mutindu *yayi*, bakilometre mafunda zole na bankama yiya mutindu *yayi*, bakilometre mafunda

zole na bankama yiya na nziunga; bakilometre mafunda zole na bankama yiya na zulu. Na yina ya kele kaka Mongo ya nene, mutindu pyramide, mpe Mbanza kele na zulu ya Mongo. Nkembo!

⁴⁵⁰ Beno bawu yayi, beno tala ba-paladiso ya Nzambi, Nsemo ya yinza, Kimfumu yina ya kulunga. Ve kilumbu ya sambwadi; ya Seko! Beno me mona? Millenium ve; Ntoto ya Malu-malu! Beno me mona?

⁴⁵¹ Na yina ya ke na kulutaka na Millenium, ya ke na kulutaka na nzila ya yawu ya kusantisama, kasi ba fwana kuyoka yawu na tiya. Beno me mona? Na yina, Menga vulusaka bantu, ya ke talisa lubambuku yayi ti ya kele. . . ntalu me futama, funda mosi ya bamvula yayi. Kasi na yina ya fwana vwanda ya kusukula na Tiya; kaka mutindu beno vwandaka, bimonikisi ya Yandi ya Mbanza yayi, bimonikisi.

⁴⁵² Na yawu kana beno ke kufwa to kana beno ke zinga, wapi luswaswanu ya ke sala? Kana Yandi kwisa bubu yayi, to Yandi ke kwisa na bamvula nkama mosi, to funda mosi ya bamvula, mu ke pema kaka tii kuna nsobolo ya munu ke kwisa.

⁴⁵³ Na yawu, kiboba ya bakala mpe kento ya kiboba, beno nionga na ntima ve. [Mpangi Branham ke na kutalisa yawu na tablo—Mu.] Kana beno kele kimonikisi *awa*, na kinama yayi ya Nzambi; *yayi*, Nzambi; kana beno kele na yawu, kana beno kele ya kumonikisa *awa*, beno lenda ve. . . Beno kele na kati ya Seko. Mpe kana beno me luta kilumbu yina ya sambwadi, beno me kota na nana, beno me kota na Seko na nzila ya mbotika ya Mpeve-Santu, ba me kotisa beno na kati ya *Yayi*. Ntangu yayi, kana beno ke tula kaka kivuvu na sensation, to kudumuka mpe kukulumuka, to, “Mu ke salaka *yayi*. Mu ke zitisaka kilumbu ya munu ya sambwadi. Mu ke kudyaka musuni ve,” mpe bima ya mutindu yina, yina ke kufwa, na mutindu nyonso. Beno me mona? Kasi *Yayi* kele ya Seko. Beno me mona? Yayi kele ya Seko, Feti na manima ya feti ya ba-tabernacle. Beno me mona?

⁴⁵⁴ Feti ya ba-tabernacle vwandaka feti ya nsuka, feti ya sambwadi. Beto ke sambila ntangu yayi na yisi ya feti ya ba-tabernacle, nsungi ya dibuundu ya sambwadi.

⁴⁵⁵ Na Millénium, beto ke vwanda na yisi ya feti ya ba-tabernacle, dyaka, na kilumbu ya sambwadi.

⁴⁵⁶ Kasi, kuna, na manima ya kilumbu ya sambwadi, beto kele na Lukutakanu ya Santu, kuvutuka na Seko. Wapi mutindu? Na nzila ya Muntu ya Seko yina kwizaka mpe vulusaka beto mpe vutulaka beto, na kubikaka beto kuzaba ti beto vwandaka kitini ya *Yayi*.

⁴⁵⁷ Ntangu yayi wapi mutindu beno ke zaba ti beno kele kitini mosi? Samu, ti, Ndinga ya ngunga, nsilulu ya kilumbu. Yinki ya kele? Kuvutuka na kilumbu ya ntete, ya ntete. “Mpe yandi ke vutula bantima ya bana na batata,” samu na kuvutula dyaka

pantekote ya kieleka, ba-sensation ve; mpe ke monisa Nsemo ya nkokila, Mwana mosi yina ba lakisaka na Nsemo ya suka, mutindu ba silaka samu na kilumbu yina. Amen mpe amen!

⁴⁵⁸ Wapi kisika beto kele, bankundi, wapi kisika beto kele? Beto ke vingila kaka ntangu yayi na kubasika na nzila, na yawu Apocalypse 11 lenda vwanda samu na . . . kuzabana na ba-Juif; ya kele kieleka, Enlevement ke salama.

⁴⁵⁹ Beno tala mbote, na ngaanda ya myelo ya bibaka, na bisika nyonso na Ntoto ya Malu-malu, bayinsi ke zinga na ngemba ya Kukonda nsuka. Ntangu yayi yinki? Bantinu ya lukumu ke nata nkembo ya bawu na kati ya yawu. Ata disumu mosi ve lenda vwanda kuna. Bakento yina me zengisa bansuki ke kota dyaka ve na Mbanza yina. Mu ke tuba na beno kieleka. Ya ke vwanda dyaka ve na bayina ke lwataka bakupe, bayina ke kunwaka makaya, bayina ke salaka pité, bakento ya kindumba, to bantu ya luvunu, misambidi ya biteki, nyonso yina bawu wandaka, ke kota ve na Mbanza yina. Ve, ya ke suka nyonso. Disumu ke suka. “Kima ve ke tula mvindu na busantu ya yandi ke kota kuna.” Ya kele yina Yandi tubaka. “Nyonso me luta, kukondwa nsuka.”

⁴⁶⁰ Beno tala kuna na bilanga ya yandi mpe na myelo ya yandi:

Uлуу ke vwanda na lutondo, yingo ke vwanda
na lembami;
Mpe nkosi ke lala na mwana-dimeme;
Mpe kibulu ya mfinda, ke twadisama na
mwana;
Mu ke soba na kivangu yina mu kele.

⁴⁶¹ Na lufwa yayi ke na kusalaka na kati ya nzutu ya munu yina ke kufwa, na buboba yina ke kukota, mu ke soba.

⁴⁶² Beno me kuwaka nkunga? “Uлуу ke vwanda na lutondo. Yingo ke vwanda na lembami.” Yandi ke dumuka ve, mpe ke sungama samu na kumeka na kufwa beno. Yandi ke tambula na beno na banzila.

Nani ke byadila yawu? Bantu yina ba me Vulusa. Nani ya ke vwanda?

Beno tala, mu lenda longa kaka na nzila ya bifwanikusu ntangu yayi. Beno tala, Mpangi Lee.

⁴⁶³ Nani basikaka na ntoto ya malu-malu na Noé profete? Bayina kotaka na yandi na nzanza. Ya kele kieleka? Ya kele yina ke basikaka na yawu. Beno me mona? Bayina kotaka na Noé, na nzila ya nsangu ya yandi, ya wandaka bayina basikaka samu na kutambula na zulu ya ntoto ya malu-malu na manima ya mbotika ya yawu ya maza.

⁴⁶⁴ Yandi yina ke kota na Yesu ntangu yayi. Wapi mutindu beno ke kota na kati ya Yandi? Na nzila ya Mpeve mosi; mpe Yandi kele Ndinga. Beno me kuma kitini ya Yandi. Wapi kitini ya Yandi beno kele? Ndinga yina ke zinga ya ngunga yayi, yina beno ke na

kuzabaka. Beno ke basika na Yandi na Millenium. Ya kele ntangu beno ke basika. Beno tala, nsungi ya malu-malu ve. Kuzanguka!

Beno ke tuba, “Oh, Mpangi Branham!” Oh!

⁴⁶⁵ Beno tala, kana Nzambi lendaka telemisa Élie mpe kuzangula yandi, bamvula mafunda zole na bankama tanu me luta, samu na kuvutula dyaka yandi na ntoto, samu na kuvwanda profete samu na ba-Juif, wapi mutindu dyaka Yandi lenda sala Kento ya makwela!

⁴⁶⁶ Na manima Noé basikaka na nzanza, beno tala yina ba tubaka na Noé na manima yandi basikaka na kufuluka ya maza, kaka mutindu ya vwandaka na Adam na ntuala. Na manima yandi me basika, na zulu ya ntoto ya malu-malu; ba tubaka, “Beno fuluka mpe beno fulusa ntoto,” na manima ya kufuluka ya maza. Beno tala, “ya zolaka kubuta mbuma, kufulusa ntoto,” mutindu Adam na mbandukulu.

Ntangu yayi beno lenda mona kieleka awa. Ntangu yayi beno kuwa kieleka mbote.

⁴⁶⁷ Adam zolaka “kufuluka mpe kufulusa ntoto.” Ya kieleka? Noé vwandaka, na manima ya malu-malu, (ba bebisaka yinza), ya zolaka “kufuluka mpe kufulusa ntoto.” Beno me bakula yawu? Ntangu yayi beno lenda ve kumona yinki “nkuna” ya nyoka kele? Yinki fulusaka diaka ntoto? Beno me bakula yawu? Mbote mingi. Beno me mona mutindu Satana kwendaka na Eve ntangu yayi. Ya kele samu na yina lufwa me yala na zulu ya ntoto kubanda ntangu yina. Mpe mazulu, ntoto, kibulu, atimosifere, kele nyonso ya kusingama na Nzambi samu na yawu. Ya kele nsingulu, samu ti Satana kumaka na yayi ntete.

⁴⁶⁸ Yesu kwizaka samu na kuvulusa yawu na Tata. Samu na kusala yayi, Yandi kumaka kitini ya yawu; mutindu mu me tuba yawu. Mpe na fundu-fundu yina (ndambu ya Yesu vwandaka, Yandi mosi) yina ba me vulusa, na nzila ya Yandi binama nyonso ya Nzambi kele ya kuvulusa na ntoto.

⁴⁶⁹ Yandi vwandaka Ndinga yina tubamaka. Beto bayina ba me vulusa kele kitini ya Yandi. Na yina, kana beno lenda zaba! Beno me mona?

⁴⁷⁰ Ba-Pharisien tubaka ti bawu vwandaka. Kasi, beno me mona kifwanukusu ya munu ya ntete, bawu vwandaka kaka yawu na nzila ya mayela. Bawu lendaka ve kundima Ndinga ntangu Yawu monisamaka kaka na ntuala ya bawu. Bawu tubaka, “Muntu yayi kele mpeve ya yimbi.”

⁴⁷¹ Ntangu yayi, bubu yayi, ba ke bokila beto bapofete ya luvunu. Ba ke bokila beto kima nyonso ya mvindu yina ba lendaka bokila, na bantu ya nsambulu, beno me mona, na nzila ya bantu ya nene mpe ya mayela. Beno me mona, bawu ke bakula kaka ve. Beno me mona?

472 Mbotika ya maza ya yandi vwandaka ve ya kulunga samu na kusukula yawu; to dyaka ya kele ve ya bawu. Kusantisama, ya Menga, vutulaka yawu, mpe lombaka yawu. Kasi mbotika ya Tiya sukulaka yawu; mutindu ya salaka Kento ya Yandi ya makwela. Mutindu kunungisama, kusantisama, mbotika ya Mpeve-Santu.

473 Ata mbala mosi ve yandi silaka na kubasisa dikanda ya malu-malu, mutindu mu tubaka, kasi Yandi silaka na kuvulusa yina kubwaka. Bawu yina vwandaka bayina ba soolaka ntete, ke byadila yawu mutindu Yandi silaka. Mpe Yandi kele Nzambi yina ke sobaka ve; beto zaba yawu.

474 Beno bambuka moyo, Nzambi bakaka Elie, na manima ya enlevement, mpe zangulaka yandi, nataka yandi kuna na kati-kati ya bantu, samu na kubaka kisika mutindu profete na kati-kati ya bantu ya yandi; ntama mingi ve Yandi ke sala yawu. Mpe me bumba yandi, ya moyo, bamvula mafunda zole na bankama tanu yayi. Yandi ke monika dyaka.

475 Beno tala dyaka, Yandi vumbulaka Moïse na lufwa. Wapi kisika kele ntoni ya yandi? Muntu nyonso lenda mona yawu? Beno tanga Buku ya Jude. Beno me mona? Satana. . . Archange vwandaka swana na archange, Satana, yandi tubaka, mekaka ve. . . “Bika ti Mfumu nganina nge,” ntangu ba vwandaka swana samu na nzutu ya Moise. Mpe awa Pierre, Jacques mpe Jean vwandaka ya kutelama kuna ke tala yandi, na zulu ya Mongo ya Nsobolo, kaka kuna na yinsi kisika ba ke zangula Mongo samu na kuzinga. Beno me mona?

Mpe Yandi kwizaka samu na kuvulusa yawu.

476 Beno me mona, ya vwandaka na Dibuundu yina ba me zangula kuna, yina talisamaka; ya vwandaka na bayina vwandaka ya kulala, yina talisamaka. Wapi kisika? [Mpangi Branham ke na kutalisa yawu na tablo na mwa ba-paragraphe yina ke landa—Mu.] Na kati ya Mbanza; kuna na zulu ya mongo. Beno me mona?

477 Ya vwandaka na Pierre, Jacques, mpe Jean, yina vwandaka tala; tatu, mutindu bambangi. Ya vwandaka na Elie, Moise, mpe Yesu; mutindu bambangi ya Mazulu. Beno me mona?

478 Mpe ya vwandaka na Moise, yina kufwaka, yina vumbukaka na lufwa. Ya vwandaka na Elie, enlevement, ya vwandaka dyaka moyo. Mpe bawu zole vwandaka ya kutalisama na zulu ya mongo yayi ya santu.

479 Mpe, Yesu, Mukudi. Ntangu Nzambi, na zulu ya Yandi mutindu *yayi*, fikaka Yandi na kivudi, tubaka, “Yayi kele Mwana ya Munu ya luzolo.”

480 Beno ke bambuka moyo, Yesu tubaka, pene ya kilumbu mosi na ntwa ya yina, Yandi tubaka, “Ya kieleka Mu ke tuba na beno, ti bayankaka me telama awa ntangu yayi, ke mona

ve lufwa, tii bawu ke mona Kimfumu ya Nzambi ke vwanda na ngolo.”

⁴⁸¹ Yinki ya vwandaka? Mvumbukulu ya bantu ya kufwa mpe basantu yina me zanguka, kintwadi, me zanguka kintwadi samu na kukutana na Yandi na mipepe. Na Nzambi vwandaka fika Yandi, mpe Yesu vwandaka ya kutelama kuna na kati ya kivudi yayi, na kutubaka, “Yayi kele Mwana ya Munu ya luzolo, na kati ya Yandi Mu me sepela,” ntumunu ya Kimfumu ya Malu-malu. Oh, mpangi-bakala, mpangi-kento!

⁴⁸² Lufwa ke sobaka beno ve. Lufwa ke sobaka kaka kisika ya beno ya kuzinga. Beno me mona?

⁴⁸³ Beno bambuka moyo, Samuel, ntangu yandi kufwaka mpe ba zikaka yandi bamvula zole, yandi vwandaka na Paladiso. Mpe ndoki ya kento ya En-dor matisaka yandi, mpe Saül zabaka yandi; mpe yandi salaka yawu, mpe, mpe yandi kubwaka na zulu ya kizizi ya yandi. Yandi sobaka ve, ata fioti. Yandi vwandaka kaka Samuel mosi, na manima ya kufwa bamvula zole, mpe yandi vwandaka kaka profete. Yandi tubaka, “Mbasi nge ke kubwa na bitumba, mwana ya nge ya bakala na nge, mpe na ntangu yayi mbasi na nkokila nge ke vwanda na munu.” Mpe ya kele kaka yina salamaka.

⁴⁸⁴ Beno me mona? Mpe ntangu Moise ke vutuka, mpe Elie, samu na Apocalypse 11, ba ke vwanda kaka baprofete. Alleluia!

⁴⁸⁵ Mpe kuna, na Yinsi, Mbanza kisika Mwana-dimeme kele Nsemo, mu ke zaba nge, Mpangi McKinney. Mu ke zaba nge, bantu ya munu, misanga ya yimpu ya munu. Ntangu bawu ke katuka na Esete mpe na Wesete, samu na kukwisa na Mbanza; ntangu ya ke vwanda kuna, bakilometre mafunda zole na bankama yiya na zulu ya bakilometre mafunda zole na bankama yiya, Mbanza yina ba me tunga na carré. Ntangu beno kele ya kuvwanda kuna na Mongo ya santu, kisika Nzambi kele ya kuvwanda na zulu ya Mongo, mpe Yesu na zulu ya Kiti ya kimfumu. Mpe mpungi ya wolo ke wakana ntangu Joseph ke kwenda, samu na tambula na makulu na kati ya Paladiso, mpe bana ya Nzambi ke fukama samu na kusambila Yandi, na kuzabaka ti ba me vulusa bawu. Beno me mona? Amen! Alleluia!

Bantangu yankaka mu ke na nsatu ya yinzo ya
Zulu,

Mpe na nkembo mu ke tala Kuna:

Wapi kyese ya ke vwanda ntangu mu ke mona

Mvulusi ya munu,

Na Mbanza yina ya kitoko ya wolo!

Mu ke na nzila ya Mbanza yina ya kitoko

Mfumu me yidika. . . [Kisika ya mpamba na
bande—Mu.]

⁴⁸⁶ Ésaïe tubaka, na Ésaïe 9:6, “Mpe na ngemba ya Yandi mpe kufulukwa ya Yandi ya ke vwanda ve na nsuka. Luyalu ke vwanda

na zulu ya mapeka ya Yandi; Ba ke bokila Yandi Konseye, Ntinu ya Ngemba, Nzambi ya Ngolo, Tata ya Kukonda nsuka. Mpe luyalu ke vwanda na zulu ya mapeka ya Yandi; mpe kufuluka ya Yandi mpe ngemba ya Yandi ke vwanda ve na nsuka.” Ata mpe bibulu kele kuna. Oh, la la!

Uлуу ke vwanda na lutondo, mpe yingo ke
vwanda na lembami;
Mpe nkosi ke lala kuna na mwana-dimeme,
Mpe kibulu ya mfinda, ke twadisama na
mwana;
Kasi mu ke soba, mu ke soba na kivangu yayi
yina mu kele.

⁴⁸⁷ Ntangu Kilumbu yina ke kwisa, samu mu ke kwenda na Mbanza yina. Mu kele ya kukangama na Mbanza yina ya kitoko! Mu ke na kuwa Ngolo ya mpulusu na kati ya ntima ya munu ya muvimba ntangu yayi.

⁴⁸⁸ Kana yayi kele ve mutindu yina, na yina mu me zimbisa luzingu ya munu; mu me longa bima ya luvunu na bantu yankaka. Kasi ntangu mu ke tala na yisi mpe ke mona ti nsilulu yina Yandi salaka na kilumbu yayi, mpe kumona Yawu me siamisama; mpe mu ke mona dibuundu yayi ya bakilometre mafunda zole na bankama yiya na zulu ya bakilometre mafunda zole na bankama yiya ya kuvwanda awa, Musolami yina ba me bokila na ba-denomination mpe makanda mpe ba-credo mpe bima, me vukana kintwadi; mutindu mu ke mona Ndinga ke siamisama Yawu mosi, mu zaba, kukondwa ntembe, misanga ya yimpu ya munu ke sema na yinza, na Kilumbu yina.

⁴⁸⁹ Ya ke kwiza ntangu mosi! Bantu, beto ke na kuvukanaka awa ve na mpamba. Beto ke na kuingila kaka ntangu yina. Ntangu me luta mingi, mingi, kasi Yesu kele kaka pene-pene mingi, mingi. Mpe, Nkembo ya Yandi, ya kele mbote. “Ba ke bokila Yandi Konseye.” Mbanza yina, beno lenda mona yawu? Ya kele kisika Kento ya makwela mpe Bakala ya makwela ke vwanda, mpe ata mbala mosi dyaka ve na . . .

⁴⁹⁰ Ntangu yayi, kana beno banza ti ya kele mbote ntangu beto ke salaka bankama ya bakilometele na ditoma samu na kuvwanda awa mpe kudya Ndinga ya Yandi, na yina yayi kele kaka kivudi, yinki ya ke vwanda ntangu beto ke zinga na Mbanza na Yandi! Ntangu mu ke zinga na kielo ya mfinangani na beno, mpe ntangu beto ke kudia bayinti yina, mpe beto ke tambula na babala-bala yina, ntangu beto ke tambula na babala-bala yina ya wolo samu na kukwenda na yinto, beto ke kunwa na yinto, beto ke kota na bapaladiso ya Nzambi, na Bawanzio ke tandama na zulu ya ntoto, na kuyimbaka bankunga, oh, wapi Kilumbu ya ke vwanda! Ya kele mfunu. Nzila ke monana ngolo, bantangu yankaka ya ke kumaka mpasi, kasi, oh, ya ke vwanda fioti mingi ntangu mu ke mona Yandi, fioti mingi. Yinki ke

vwanda bankumbu ya yimbi mpe bima yina bawu tubaka, yinki ya ke vwanda ntangu mu ke mona Yandi na Mbanza yina ya kitoko, ya kitoko ya Nzambi?

491 Beto kulumusa bayintu ya beto.

Mu ke na nzila ya Mbanza yina ya kitoko
 Yina Mfumu ya munu me yidika samu na
 Bantu ya Yandi;
 Kisika bantu nyonso yina ba vulusaka na
 bansungi nyonso
 Ke yimbila “Nkembo!” pene-pene ya Kiti ya
 kimfumu ya Mpembe.
 Bantangu yankaka mu ke na nsatu ya yinzo ya
 Mazulu,
 Mpe bankembo ya yawu mu ke tala Kuna:
 Wapi kyese ya ke vwanda ntangu mu ke mona
 Mvulusi ya munu,
 Na Mbanza yina ya kitoko ya wolo!

492 Na kisanga ya Patmos, Jean kumonaka yawu!

493 Yesu ya luzolo, kivuvu yayi, kivuvu ya munu me tungama na zulu ya kima mosi ve, Mfumu. Ya kele mama ya ntima ya munu; Mbanza yina, Ntinu ya nene. Nzambi, kubika ve mosi awa kufwa, pardo. Bika ti beto tala diaka baluzingu ya beto, bubu yayi, Mfumu, na kovingilaka Nkwizulu ya Mfumu. Kisika, bantu nyonso yina ba me Vulusa, kuna na colisée yina ya nene na Rome, kisika ba vwandaka kudia Baklisto na bankosi, putulu ke basika kilumbu mosi!

494 Ya ke vwanda ve na maziama na lweka ya mongo ya Nkembo. Ya ke vwanda ve na mayaka ya matanga ya kunamika na diboko ya kielo. Ata maza ya meso ve ke sala tasi na zulu ya yawu. Ve, ve. Ata ntoto ya kumata ve. Ata bitembo ke bula yawu. Ya ke vwanda nyonso nkembo kuna.

495 Sadisa beto, Mfumu. Kana ya kele na mosi awa . . . yina ba me bokila na Madya ya Makwela yayi ya Mwana-dimeme, bamvula funda yayi ya luyalu ya Millenium, mpe kukota na Mbanza na manima ya Ntangu ya mafuta ya niosi me suka. Millenium kele kaka Ntangu ya mafuta ya niosi. Na yina Yandi, Kento ya makwela, ke baka ya Yandi . . . Bakala ya makwela ke nata Kento ya Yandi ya makwela na Yinzo. Ya kele ya Yandi. Bakala ya Yandi ya makwela; Kento ya Yandi ya makwela. Oh, Yandi me kwenda samu na kuyidika Yinzo, kubanda Yandi me kuma fiancé.

496 Ti beto vwanda ya kukwikama na Yandi Yina kele Ndinga, samu ti Yandi kele Ndinga. Kukondwa kutala wapi mutindu ke meka na kupesa beto mvutu na kudasuka, samu na kunata beto ntama na Yawu; Mfumu, benda beto pene-pene mingi.

Samu ti bantangu yankaka mu ke na nsatu ya
 yinzo ya Mazulu,
 Mpe nkembo ya yawu Mu ke tala Kuna:
 Wapi kyese ya ke vwanda ntangu mu ke mona
 Mvulusi ya munu,
 Na Mbanza yina ya kitoko ya wolo!

497 Yinzo yina ke kwisa ya Bakala ya makwela mpe Kento ya makwela! Yandi ke na kuvutukaka. . . [Kisika ya mpamba na bande—Mu]. . . na Madya ya Makwela; ya ke vwanda bilumbu tatu na ndambu. Na manima kuvutuka diaka, na Millénium, na ntangu ya beto ya mafuta ya niosi. Na manima Yandi—Yandi ke talisa Mbanza. Mutindu bakala ya makwela yina vwandaka nata kento ya makwela na kima ya yandi ya ngitukulu, mutindu mwa kento ya makwela me telama kuna na ngitukulu mutindu yandi ke tala yinzo ya yandi yina ke kwisa na ntuala! Mpe na lukwikilu, bubu yayi, Mfumumu, beto ke mona yawu kuna. Ya ke vwanda kaka awa na zulu ya ntoto yayi. Nge silaka yawu.

498 Dibundu ya Nge ke kuzwa mpulusu ya muvimba, mosi ya bilumbu yayi. Mpe na yina yinza ya Nge ke kuzwa mpulusu ya muvimba, bitini yankaka ya fioti me bikana. Kasi ntete Nge me vulusa bantu ya Nge, banzutu ya bawu yina me salama na yinza.

499 Sadisa beto, Nzambi. Kana ya kele na mosi awa yina kele ve kaka kieleka na yawu, Mfumumu, ti bawu kuzwa kaka yawu ntangu yayi.

500 Mu zaba ti mwini ke vwandaka ngolo mingi mpe ndungutila, kasi, bantu, beto ke vwandaka ntangu nionso ve ya kutelama awa. Mu ke vwanda ntangu nyonso pasteur ya beno ve. Beto vwanda kieleka na yawu.

“Ya kele na nzila mosi, Mpangi Branham?”

501 Yinga, beno kuma kitini ya Ndinga, kitini ya Ndinga ya bubu yayi. Ya lenda vwanda ve kitini ya Ndinga ya kilumbu ya Moise; kitini yina me salamaka ntete, yina vwandaka makulu. Beto kele na Yintu ntangu yayi. Yayi kele Klisto. Ntangu ya maboko ve, kuna na Luther, ve. Yayi kele ntangu ya Yintu. Klisto, Ditadi ya yintu, ke kwiza na Nzutu.

502 Kana beno kele ve kaka kieleka na nsatu ya yawu, kisika nyonso beno lenda, beno zola kutelemisa diboko ya beno kaka ti mu lenda mona. Ti bantu nyonso yankaka kukulumusa yintu ya bawu. Nzambi sakumuna beno.

503 Beno tuba, “Bambuka munu moyo na kisambu, Mpangi Branham. Mu zola vwanda kaka kuna! Mu—mu zola kondwa yawu ve, Mpangi Branham. Mu—mu ke fiongonina, mu ke na kusala nionso mu lenda sala, kasi sambila samu na munu ntangu yayi, beno zola?” Nzambi sakumuna beno.

504 Na yina beno ke na kubanza na yawu ntangu yayi, beno sambila kaka, beno tuba, “Nzambi. . .” Ya kele na kati ya ntima

ya beno mosi. Beno me mona, kana beno kuwa kima mosi ke benda, ke tsokota na ntima ya beno, yawu yina. Ya kele kinama yina ke meka na kutuba yawu mosi.

Mu ke na nzila ya Mbanza yina ya kitoko
 Yina Mfumu ya munu me yidika samu na
 Bantu ya Yandi;
 Kisika bantu nyonso yina ba vulusaka na
 bansungi nyonso
 Ke yimbila “Nkembo!” pene-pene ya Kiti ya
 kimfumu ya Mpembe.
 Bantangu yankaka mu ke zola na nsatu ya
 yinzo ya Zulu,
 Mpe bankembo mu tala Kuna:
 Wapi kyese ya ke vwanda ntangu mu ke mona
 Mvulusi ya munu,
 Na Mbanza yina ya kitoko ya wolo!

⁵⁰⁵ Tata ya Mazulu, baka beto ntangu yayi, Mfumu. Ti Muvungi ya Nene, Muvungi ya Nene Mukudi, Muvungi ya Nene Yina bikaka Nkembo, na kuzabaka ti ndambu ya binama zimbanaka na biwanda yayi ya nene ya disumu, kisika bayingo mpe bibulu ke kufwa na nswalu nionso mwa dimeme yina; kasi Yandi bikaka ba-couloir ya wolo, kulumukaka na ntoto mpe kumaka mosi ya beto, na yina Yandi lendaka samuna zola ya Nzambi na beto. Kuna Yandi kuzwaka bawu, bayankaka ya bawu na ba-dénomination, bayankaka ya bawu na yinzo ya yimbi, bayankaka ya bawu na babala-bala, mpofu, bayankaka na kati ya bawu na lweka ya mapangu mpe na bala-bala ya nene, kasi Yandi vulusaka bawu nionso yina Tata tumaka Yandi na kuvulusa.

⁵⁰⁶ Mpe Yandi tumaka beto, ti beto ke zinga kitini yayi ya Ndinga samu na bansungi ya beto. Mpe beto ke mona kusungika ya nene ya Luther, na nsungi yina; mpe ya Wesley; mpe ya Pentecote. Ntangu yayi beto ke na kuingila Ditadi ya yintu ya Mbanza. O Nzambi, beto zaba nsungi mpe nsilulu yina ba pesaka beto samu na kilumbu yayi, mutindu ti Yayi ke vutuka diaka. “Nsemo ya nkokila ke yelisa mbuma ya yawu. Mpe ya ke salama ti ya ke vwanda na kilumbu yina ke vwanda ve kilumbu to mpimpa, ba lenda bokila yawu, kasi na ntangu ya nkokila ya ke vwanda na Nsemo.”

⁵⁰⁷ Mwana yina ya nkembo ya Nzambi ya mutindu mosi me monisama Yandi mosi na nzutu ya muntu awa na zulu ya ntoto, na kusalaka nsilulu kuzinga kieleka yawu mosi, ya me kufwa meso ya ba-Pharisien mpe ba-Sadducéen mpe ba-Hérodien, mpe nyonso yina.

⁵⁰⁸ Mpe bubu yayi ya ke salama diaka, Ndinga ke na kumonisama kaka mutindu Yawu vwandaka. Ndinga, ke na kuzabaka kinsweki ya ntima, kaka kieleka mutindu ya

vwandaka, mutindu Masonuku tubaka, yina ba lenda buka ve. Sadisa beto, Nzambi, na kubakula yawu.

⁵⁰⁹ Sadisa bayayi ntangu yayi yina me telemisa maboko ya bawu. Ti bawu kanga mwa ngolo mingi mikaba ya bawu; bawu lwata basapatu ya Nsangu ya mbote ya ngemba; bawu lwata binwaninu nionso ya Nzambi; bawu benda yimpu ya kisengo; bawu baka nkebolo-nzutu ya lukwikilu; bawu kwenda na ntuala, kubanda bubu yayi. Pesa yawu, Mfumu.

⁵¹⁰ Kaka mwa ntangu fyoti, ba ke bokila beto, mpe Enlevement ke kwiza. Kaka mwa nkonga ya fyoti, mutindu Enoch, ba ke zangula bawu.

⁵¹¹ Na yina, “bayina bikanaka ya nkuna ya kento, yina ke zitisaka misiku ya Nzambi,” ba-Juif, “kuzwaka kimbangi ya Yesu Klisto,” Bantu ya makanda, ba ke zomba bawu mutindu bayimbwa, “mpe ba ke pesa luzingu ya bawu samu na kimbangi ya bawu.”

⁵¹² Na yina, na suka mosi ya nene, na tongo ya Millenium, samu ti Ntangu ya mafuta ya niosi ke banda.

⁵¹³ “Mpe kuna bantu yankaka ya kufwa zingaka ve tii na nsuka ya bamvula funda mosi.” Na yina, na nsuka ya bamvula funda mosi, ya vwandaka na Lufundusu, yina vwandaka talisa ti Cham vwandaka na kati ya nzanza. Mpe Cham kele dyaka kuna na bayina bikanaka. Bayina kuwaka Yawu mpe mangaka Yawu fwana kufundisama.

⁵¹⁴ Ntangu yayi, pesa yawu, Mfumu, ti beto ke vwanda ve ya kuzabana na kati-kati ya bawu, kasi ke vwanda na mbokolo ya Madya ya Makwela. Samu ti, beto ke zaba Yesu na kati-kati ya beto bubu yayi. Beto ke kota na Yandi; kubasika na yinza, samu na kukota na kati ya Yandi. Beto kwenda na ntuala na Mbanza yina, beto basika na Yandi.

⁵¹⁵ Mu ke na kukumaka kiboba, Mfumu. Mu kele dyaka ve na malongi mingi ya kulonga. Kasi kieleka mu ke na kutulaka kivuvu na Nge. Mu ke vingila Mbanza yina, mutindu tata ya munu Abraham salaka. Ya kele na Kima mosi na kati ya munu yina ke tuba ti ya ke na kwiza. Mu ke na kumeka bisika nyonso, Mfumu, samu na kumwangisa Nsemo mpe kubokila bawu. Bika ve ti mosi ya bayayi, Mfumu. . .

⁵¹⁶ Mutindu kitoko mingi, ntama mingi ve, Nge me monikisa yawu na munu. Kubanda selekele pene ya bakilometele mafunda zole na bankama yiya, kaka mosi *awa* mpe *kuna*, ba kele ya kuvwanda kintwadi bubu yayi, yina me vukana na mwa kisika mosi ya fioti, na kuingilaka Mbanza yina kumonika. Beto ke tubaka ti beto kele bizyeti mpe banzenza. Beto kele bantu yina ba ke zolaka ve. Mimpani, yinza, ke sekaka mpe ke vwezaka; badenomination ya nsambulu ke vwezaka; kasi beto ke ninganaka ve na bima ya mutindu yayi. Sala beto kitini ya Ndinga, Mfumu, yina ke ninganaka ve. “Ya ke salama na bilumbu ya nsuka.” Ti ya

vwanda beto, Mfumu, ti beto vwanda ya kuzabana na kati-kati ya bawu. Beto ke lomba yawu na Nkumbu ya Yesu. Amen.

⁵¹⁷ Beno ke kwikila yawu? Beto telemisa maboko ya beto mutindu *yayi*.

Mu ke na nzila ya Mbanza yina ya kitoko
Yina Mfumu ya munu me yidika samu na
Bantu ya Yandi;
Kisika bantu nyonso yina ba vulusaka na
bansungi nyonso
Ke yimbila “Nkembo!” pene-pene ya Kiti ya
kimfumu ya Mpembe.
Bantangu yankaka mu ke zola na nsatu ya
yinzoy Zulu,
Mpe bankembo Mu ke tala Kuna:
Oh, wapi kiese ya ke vwanda ntangu mu ke
mona Mvulusi ya munu,
Na Mbanza yina ya kitoko ya wolo!

⁵¹⁸ Ntangu yayi, kana beto ke zinga na Mbanza yina kintwadi, beno pesana mbote na muntu mosi, beno tuba, “Nzambi sakumuna nge, kizieti. Wapi kisika nge me katuka? Na Louisiane, na Georgie, na Mississippi? Mu kele kizyeti, mpe. Mu ke na kusosaka Mbanza yina.”

⁵¹⁹ Mu ke na kuingila Mbanza yina, Mpangi Neville, kuna. Beto ke na kukwenda kuna . . . ? . . . Mpangi Capps, mu ke sosa Mbanza yina, na nkokila yayi.

Mpe bankembo ya yawu mu ke tala Kuna:
Wapi kyese ya ke vwanda ntangu mu ke mona
Mvulusi ya munu,
Na Mbanza yina ya kitoko ya wolo!
Oh, ulusu ke vwanda na lutondo, mpe yingo ke
vwanda na lembami;
Mpe nkosi ke lala kuna na mwana-dimeme, oh,
yinga;
Mpe kibulu na . . . ke twadisama na mwana;
Mpe mu ke soba, mu ke soba na kivangu yayi
yina mu kele, oh, yinga.
Oh, ya ke vwanda na ngemba na kiwanda samu
na munu kilumbu mosi;
Oh, ya ke vwanda na ngemba na kiwanda samu
na munu . . . (Kieleka! Yinga!)
Ya ke vwanda dyaka ve na mawa, ata kyadi ve,
ata mpasi dyaka ve mu ke mona;
Mpe ya ke vwanda na ngemba na kiwanda
samu na munu.

⁵²⁰ Ntinu ya beto yina ke monikaka ve na meso, na suka yayi, ke monana. Mu ke mona dyaka ve Bill Dauch ya bamvula makumi

yivwa. Beno ke mona munu dyaka ve mutindu muntu ya bamvula makumi tanu. Kasi mu ke soba, Kilumbu yina.

Mpe ntangu kibulu ya mfinda, ke twadisama
na mwana;
Kasi mu ke soba, mu ke soba na kivangu yayi
yina mu kele.

⁵²¹ Beno ke vwanda na kiese ve? Bansuki ya mpembe ke zimbanana; mapeka ya kubwa. Kasi kitoko, yina ke kufwaka ve, ke telama na kifwani ya Yandi, samu na kusema mingi kulutila. Oh, mbote mingi!

. . . samu na munu, oh, Mfumu, mu ke sambila;
Ya ke vwanda dyaka ve na mawa, ata kyadi ve,
ata mpasi dyaka ve mu ke mona;
Mpe ya ke vwanda na ngemba na kiwanda
samu na munu.

⁵²² Ya kele samu na yina beto kele awa. Bantu yikwa na kati ya beno kele na nsatu ya ngolo samu na nzietolo? Nzambi pesa yawu na beto! Bantu yikwa na kati ya beno kele ya kubela na nzutu ya beno, basoda yina me lwala? Kumi na zole, to kulutila. Beno ke kwikila ti Yandi kele awa, Ntinu yina ke monikaka ve na meso? Yina ke monikaka ve na meso; yina ke monikaka ve na meso me monika na yina ke monikaka na meso. Yandi kele mutindu mosi mazono, bubu yayi, mpe kukonda nsuka, katula kaka nzutu ya nsuni. Ntangu yayi, kana yayi kele Mpeve ya Yandi yina me longga yayi na nzila ya munu, Yandi ke sala bisalu yina Yandi salaka ntangu Yandi vwandaka awa. Oh, mutindu ya kele mbote!

Mu ke kwenda na yinsi ya nsilulu,
Mu ke kwenda na yinsi ya nsilulu;
O nani ke kwiza mpe ke kwenda na munu?
Mu ke kwenda na yinsi ya nsilulu.

Na bisika ya lepele yina nyonso ke sema
Ke lezima Kilumbu mosi ya Kukonda nsuka;
Kuna Nzambi Mwana ntangu nyonso ke yala,
Mpe ke zimbisa mpimpa.

Oh, mu ke na nzila ya yinsi ya nsilulu,
Mu ke kwenda na yinsi ya nsilulu;
O nani ke kwiza mpe ke kwenda na munu?
Mu ke kwenda na yinsi ya nsilulu.

⁵²³ Bankama tanu vwandaka kwisa kuna na nzadi, kilumbu ya ntete Wanzio ya Mfumu monikaka pwelele, samu na kusiamisa, mutindu Yandi salaka na Mongo ya Sinai, ti mu kutanaka na Yandi. Mu kotaka na nzadi, mpe bankama vwandaka yimba nkunga yina mosi samu na mbotika. Yandi kwisaka awa, kulumukaka, Dikunzi ya Tiya mosi yina beno ke mona na foto kuna; kulumukaka, kaka awa na nzadi, mpe tubaka, "Mutindu ba fidisaka Jean-Baptiste na kukwisa na ntwala ya nkwizulu ya

Yandi ya ntete, Nsangu yayi ke kwiza na ntwala ya Nkwizulu ya zole.” Beno me mona? Yawu yayi, beno me mona.

O nani ke kwiza mpe ke kwenda na munu?
Mu ke kwenda na yinsi ya nsilulu.

524 Dikunzi ya Tiya mosi yina kele awa na beto. Beno zaba yawu? Yandi me sala bayankaka ya beto samu na kima mosi, mpe bayankaka kima yankaka. Kana beno zola, kukondwa ntembe mosi, beno kwikila ti Yandi kele na kati-kati ya kivinga, mu banza ti Yandi ke kukisiamisa Yandi mosi na beno. Ya ke sepelisa beno? Kana mu kuma ve na mosi na mosi. . . Ya me kuma kaka ngunga ya zole, kasi kana beno. . . Ya me luta kaka ngunga mosi, mu zola tuba. Kana beno ke kwikila, ti Yandi mata na zulu ya beto! Wapi kisika kele lukwikilu ya beto? Beno me mona, beno fwana kwikila yawu. Kana beno tula ntembe na yawu ve, ata fyoti, ya ke salama.

525 Mu—mu ke zaba Mvwandulu ya Kinzambi ya Mvwandulu ya Klisto, Yina kele Ndinga. Mpe Biblia ke tuba, “Ndinga kele. . . ngolo mingi kulutula mbele ya meno ya balweka zole, mpe Yawu ke zengaka butomfo ya mikwa, mpe ke swasikisa mabanza yina—yina kele na kati ya ntima, ke monisa kinsweki ya ntima.”

526 Beno tala. Samu na yinki, mu zabaka ve bima yina, bamvula me luta. Mpe ntangu mu tubaka yawu, mu zabaka yawu ve, beno tala yina Yandi salaka. Yandi tubaka, “Ntangu yayi nge ke baka bantu na diboko ya bawu, mpe, nge ke banza kima mosi ve, nge ke tuba kaka yina kisalu ba me tuba na nge. Nge ke tuba ti ya kele tumeur, nionso yina ya kele.” Na yina yandi tubaka, “Ya ke salama ti nge ke sala yawu ve.” Beno me mona? Beno me mona? “Ya ke swasikisa kima yina kele na kati ya bawu.” Beto me kuzwa mitindu nyonso ya bakumekula, beto zaba yawu, kaka samu na kuvuna Misolami kana ya lendaka salama. Beno tala mbote mutindu ndambu yankaka ke wisana na Ndinga, kuna beno ke zaba kana ya kele kieleka to ve. Kasi, dyaka, Yesu kele mutindu mosi mazono, bubu yayi, mpe kukonda nsuka.

527 Bantu yikwa na kati awa yina kele bambevo, mpe zaba ti mu zaba beno ve? Beno telemisa diboko ya beno, beno tuba, “Mu—mu zaba ti nge zaba munu ve.” Oh, ya kele kaka, mu banza, bisika nyonso. Kima kaka beno fwana sala kele kukwikila kaka yawu.

Kwikila kaka, kwikila kaka,
Mambu nionso ke salama, kwikila kaka;
Kwikila kaka, kwikila kaka,
Mambu nionso ke salama, kwikila kaka.

528 Yesu tubaka, “Mutindu ya vwandaka na bilumbu ya Sodome, mutindu mosi ya ke vwanda ntangu Mwana ya muntu ke monisama na zulu ya ntoto na kilumbu ya nsuka. Ntangu Mwana ya muntu ke monisama pwelele, to, ke kukitalisa Yandi mosi na kilumbu ya nsuka.” Ntangu yayi, bilumbu ya ntama ve, bilumbu ya kati-kati; kilumbu ya nsuka, beno me mona,

Yandi ke monisama. Mpe ntangu yayi beto kele na bilumbu ya nsuka. Sodome kele kaka kuna, nyonso, minati nsangu, kaka mutindu mosi.

529 Yinki salamaka na ndambu yina bikanaka yina ba bokilaka na nkonga ya Abraham? Ya vwandaka na Mosi yina kwisaka na kati ya bawu, na nzutu ya muntu; talisamaka na nzutu ya muntu, vwandaka kudia na bawu, vwandaka kunwa na bawu, madya ya mutindu mosi na yina bawu vwandaka kudia, bima nionso. Yandi telamaka na kati-kati ya bawu, longaka Nsangu. Na manima Yandi tubaka, “Mu ke sala kima yayi ya nene.”

530 Mpe Abraham landilaka na kutanga, “Yayi kele yawu? Mu vwandaka sosa Mbanza mosi. Yayi kele yina Ntinu?”

531 Mpe Yandi tubaka, “Samu na yinki Sarah tulaka ntembe na yayi?” Na kati ya tenta, na manima ya Yandi.

532 Abraham tubaka, “Mfumu Nzambi, Elohim!” Samu, Yandi swasikisaka mabanza ya Sarah.

533 Yesu tubaka ti ya ke salama diaka ntangu Yandi ke monisama pwelele na kilumbu ya nsuka, Ditadi ya yintu ke kwisa na kati ya Nzutu. Samu na kuvulusa. . . Ya kele bayina ba vulusaka, ke kwiza samu na kubaka bantu ya Yandi Mosi. Yandi kele awa na beto.

534 Ntangu yayi, ya kele kaka na kutala maboko kumi na zole, to kulutula, me telama. Mu ke kwikila ti Nzambi lenda belusa mosi na mosi ya beno. Kieleka. Mu ke kwikila ti beno kele. Mu ke kwikilaka ve ti muntu lendaka ya kieleka kuvwanda na kisika mutindu yayi kukondwa. . . na ntangu ya mutindu yayi, mpe atimosifere yayi, kukondwa kuzaba, kundima kima mosi.

535 Mu zola ti beno sambila. Mu zola ti beno bakula yina ke tambula mbote ve na beno, na—na—na kati ya ntima ya beno, beno me mona, mpe na manima beno banda na kusambila, beno tuba, “Mfumu Yesu, talisa yayi. Mu ke—mu ke tuba na Nge yina ke tambula mbote ve na munu. Mpe ntangu yayi Nge ke tinda Mpeve-Santu ya Nge na Mpangi Branham, samu na kulungisa yina yandi tubaka ti kele Kieleka, na Nsangu yayi yina yandi ke na kuzonzila bubu yayi na yina me tadila Nge, mu zaba ti ya ke vwanda Kieleka. Ntangu yayi, monisa yawu na munu, Mfumu. Tuba na munu.”

536 Ntangu yayi ba me mwangisa yawu, awa mpe kuna. Na yawu beno sambila kaka, mpe beno kwikila kaka na ntima ya beno ya muvimba, ti Nzambi ke pesa yawu.

537 Ntangu yayi mu zola ti beno tala munu, mpe beno sambila. Kaka mutindu Pierre na Jean tubaka, “Tala beto.” Yandi zolaka kima mosi, mpe yandi zolaka kaka kuzwa yawu. Mpe beno zola kima mosi, mpe mu ke kwikila ti beno zola kaka kuzwa yawu. Yandi tubaka, “Tala beto.”

538 Yandi tubaka, “Mbongo mpe wolo, mu ke na yawu ve; kasi yina kele na munu, mu ke pesa nge.”

539 Ntangu yayi, kubeluka ya nzutu, mu kele na yawu ve. Ya kele nyonso na kati ya Klisto. Kasi yina mu ke na yawu, dikabu ya Nzambi, mu ke pesa nge, lukwikilu samu na kukwikila Yandi. Ntangu yayi, na Nkumbu ya Yesu Klisto, beno nionso beluka. Beno kwikila yawu. Beno me mona? “Kana nge lenda kwikila!”

540 Mama yina me vwanda kuna, ke tala munu. Yandi vwandaka dila, na mwa ntangu fioti me luta, yandi vwandaka sambila. Yandi kele na mpasi ya thyroide yina ke na kukwamisa yandi. Mu zaba nge ve. Nge kele nzenza samu na munu. Ya kele kieleka, mutindu yina ve. [Mpangi-kento me tuba, “Ya kele kieleka.”—Mu.] Nge me katuka awa ve. Nge me katuka na Chicago. Mama Alexander Kana ya kieleka, pepa diboko ya nge. Ntangu yayi vutuka na Chicago mpe beluka.

541 Yinki yandi simbaka? Kima mosi yina kento yina vwandaka basika menga simbaka, nsongi ya lele ya Yandi, ya munu ve.

542 Awa kele na mama mosi ya ntwenya ya kuvwanda kaka kuna na kati-kati ya nkonga ya bantu, kana mu lenda nata yandi na kubakula munu. Beno yina me telemisa yintu ya beno na kubalulaka yintu na lweka. Mu zaba beno ve. Nge kele nzenza samu na munu, kasi nge ke na mpasi na kifundu. Bakala ya nge me vwanda pene-pene ya nge. Yandi ke na kima mosi ke tambula mbote ve na dikutu ya yandi. Nkumbu ya nge kele Czap. Beno kele banzenza samu na munu. Beno kele ve ya awa. Beno me katuka na Michigan. Ya kele kieleka, beno ningisa maboko ya beno. Beno vutuka na Michigan, na mavimpi ya mbote. Lukwikilu ya nge ke belusa nge. “Kana nge lenda kwikila, mambu nionso ke salama.”

543 Mama ya ntwenya kuna na mpasi ya laka, yina me vwanda awa na manima na nsuka, yina me katuka na Georgie, yandi me lwata bilele ya mpembe. Vutuka, kuna na Georgie, na mavimpi ya mbote. Yesu Klisto me belusa nge. Nge ke kwikila yawu?

544 Mama yina me vwanda kuna, ke tala munu, kaka na nsuka ya kiti. Yandi kele na mpasi ya sinusite. Yandi ke kwikila yawu, Nzambi ke belusa yandi. Mama Brown, kwikila na ntima ya nge ya muvimba, Yesu Klisto ke sala. . . Nge kele nzenza samu na munu, kasi Yandi zaba nge. Uh-huh. Nge ke kwikila yawu? Telemisa diboko ya nge. Ya kele kieleka.

545 Ya kulala awa na civière yayi. Beno tuba na yandi ti yandi tala awa. Yandi ke belaka, kubanda ntama. Kana mu lendaka belusa yandi, mu zolaka sala yawu, tata. Mu lenda belusa ve. Yandi me katuka awa ve; yandi me katuka ntama mingi. Nge me katuka na Missouri. Bampasi ya nge kele na misopo. Kasi kana beno ke kwikila na ntima ya beno ya muvimba, mpe beno ke tula ntembe ve, Yesu Klisto lenda belusa beno; mpe beno lenda vutuka na Missouri, na mavimpi ya mbote, mpe kupesa kimbangi

ya beno. Nge ke kwikila yawu? Na yina ndima yawu, mpe baka mbeto ya nge mpe kwenda na yinzo. Yesu Klisto me belusa nge.

546 Beno ke kwikila? Yina kele kutalisama ya Mvwandulu ya Ntinu ya Seko. Beno ke kwikila yawu ntangu yayi, na ntima ya beno ya muvimba? Ntangu yayi, ya kieleka Yandi me sala lupete mosi, kaka pene-pene ya kivinga yayi. Beno ke kwikila yawu na ntima ya beno ya muvimba? Beno ke kwikila ti beno kele na Mvwandulu ya Yandi?

547 Ntangu yayi, beno ke kwikila mpe ke ndima ti beno kele mosi ya bimokisi ya Kimfumu yayi? Beno telemisa diboko ya beno. Yesu tubaka, “Bidimbu yayi ke landa bayina ke kwikila. Kana bawu tentika maboko ya bawu na zulu ya bambevo, bawu ke beluka.” Beto kele mosi na yankaka; beno kele kitini ya munu, mu kele kitini ya beno; beto nyonso kele kitini ya Klisto. Ntangu yayi, kintwadi, beto tentika maboko ya beto na zulu ya mosi na yankaka.

548 Kaka awa, kento yina na zulu ya mbeto ya bambevo me telama, ke tambula bisika nyonso, yandi ke vutuka na yinzo samu na kuvwanda na mavimpi ya mbote. Amen.

549 Beno me, beno nionso, kana beno ke kwikila yawu. Ntangu yayi beno tentika maboko ya beno na zulu ya mosi na yankaka, mpe beno kele kitini yayi ya Klisto. Beno sambila samu na muntu yina beno me tentika maboko ya beno, kaka mutindu beno zola.

550 Mfumu Yesu, beto ke zaba Nge awa. Nge kele Ntinu ya beto; Nge ke kukitalisa Nge mosi na kati ya beto. Beto ke tonda Nge samu na Mvwandulu yayi. Mpe, Mfumu, Nge tubaka, “Kana beno tuba na mongo yayi, ‘Katuka awa,’ beno tula ntembe na yawu ve; beno kwikila ti yina beno tubaka ke salama, beno lenda kuzwa yawu, beno lenda kuzwa yina beno me tuba.”

551 Na yina, na kutumama na musiku yayi, na kutumama na Ndinga ya Nzambi yina lenda kubwa ve, beto mutindu bimokisi ya Nge yina me katuka na bakilometele mafunda zole na bankama yiya na zulu ya bakilometele mafunda zole na bankama yiya, mutindu Mbanza, beto ke tuba na Satana, dyabulu yina ba me nunga, “Nsuka ya nge kele kuyokama na tiya. Beto kele bimonikisi ya Mbanza yina kele mutindu carré, Mbanza yina kisika Mwana-dimeme kele Nsemo. Beto kele kinama ya Nzambi ya Ngolo nionso, yina Yesu Klisto me vulusa na lemvo ya Yandi.”

552 Satana, basika, mpe bika konso mbevo yina kele awa, na Nkumbu ya Yesu Klisto. Maboko ya santu yina ba me vulusa, samu bawu ke kwikila Ndinga mpe kele binama ya dibanza ya Nzambi, ntangu yayi maboko ya bawu kele na zulu ya mosi na yankaka. Nge lenda dyaka ve kukanga bawu. Basika, na Nkumbu ya Yesu Klisto!

553 Ntangu yayi, na Nkumbu ya Mfumu Yesu, ntangu yayi, Yandi kele awa. Ndinga ya Yandi ke tuba ti Yandi kele awa. Mvwandulu ya beno mpe lukwikilu ya beno ke tuba, ti, beno kele mosi ya bimonikisi. Mpe konso kitezo ya géographie yina beto lenda lakisa, ya kele. Beno lenda zaba ti beno kele bana ya babakala mpe bana ya bakento ya Nzambi yina ba me vulusa? Beno zaba ti *yayi* kele Yinzo ya beno? *Yayi* kele kisika beno ke kwenda.

554 Ya kele samu na yina beno ke kwizaka awa, ya kele samu na yina beno ke kwizaka na Klisto, beno ke na kudya Ndinga ya Yandi. Mpe kana beno lenda kuzwa ntangu mutindu yayi, awa, kaka na nzila ya binama ya Yandi yina me tubama, yinki ya ke vwanda ntangu beto ke kota na Mvwandulu ya Yandi? Oh, ya ke vwanda mbote mingi! Mosi na mosi ya beno kele na muswa ya kubelusa bambevo, kutentika maboko ya beno na zulu ya bambevo. Mosi na mosi ya beno kele na muswa ya kubotika.

555 Kana muntu mosi kele awa yina me bakaka mbotika ve na Nkumbu ya Yesu Klisto, baptistère kele ya kuzibuka.

556 Ya kele kaka mutindu yina beno ke sala yawu, uh-huh, ya kele kieleka, ya kele kutumama na konso Ndinga. Beno bambuka moyo, mwa kitini mosi ya Ndinga, na mbandukulu, nataka disumu nyonso na zulu ya ntoto. Yesu tubaka, “Muntu nyonso yina ke katula Ndinga mosi na Yayi, to ke bwela ndinga mosi na Yawu, ke kota ve.” Ba ke katula nNkumbu ya yandi na Buku, kaka na ntangu yandi ke sala yawu.

557 Mpe ya kele ve na kisika ve na kati ya Biblia kisika ba botikaka muntu, na kati ya Dibuundu, na mutindu yankaka ti na Nkumbu ya Yesu Klisto. Kana beno me botamaka ve mutindu yina, beno ke sala mbote na kusala yawu.

558 “Oh,” beno ke tuba, “ya ke sala ata luswaswanu ve.” Ya salaka na Eve.

559 Satana tubaka, “Oh, ya kieleka, Nzambi, nge zaba Nzambi . . .” Kasi, Yandi salaka yawu. Yandi tubaka mutindu yina.

560 Yandi pesaka Pierre bafungula ya Kimfumu, mpe yina vwandaka ya kukanga na Pentecote kele ya kukanga kukondwa nsuka. Ya kele samu na yina Kento ya makwela ke me monana dyaka, mbala ya zole; ya fwana vwanda na Dibuundu yina ba me bokila na kilumbu ya nsuka, mutindu ya vwandaka na kilumbu ya ntete, kaka kieleka. Yinti me katuka na bansimbulu ya yawu, me mata na Yinti ya Kento ya makwela, mutindu ya salaka na ntangu yina; Kisalu ya kulunga ya Nzambi dyaka, mutindu mu tubaka Lumingu zole me luta, samu ba nata yandi na Mbanza.

Nzambi sakumuna beno. “Mu ke kwikila ntangu yayi.”

561 Ba me nunga Satana. Yandi zaba. Yandi kele na zulu ya ntoto, yandi ke na kutambula mutindu nkosi yina ke na kuboka. Ya ke vwanda yinda mingi ve ti ya ke suka, oh, yandi ke kuma na nsuka.

Yandi zaba ntangu ya yandi. Yandi ke na kukwenda mutindu nkosi yina ke na kuboka.

⁵⁶² Kasi, beno bambuka moyo, Ntinu ya Ngemba ke telama pene-pene ya yandi; Muntu ya Nene ya Kinzambi. Mutungi ya mwandulu ya munu, Mutungi Yina tungaka munu yina mu kele, Yina tungaka beno yina beno kele, kele awa. Mutungi, Nani zaba wapi mutindu kutula lutungu kintwadi, na kisika ya yawu, nani zaba mbote mingi kulutula Mutungi? Mpe Yandi kele awa samu na kusiamisa, Yandi mosi, Yandi kele awa.

⁵⁶³ Ntangu yayi ya kele ya kuvwanda na zulu ya lukwikilu ya beno. Beno kwikila, beno kwikila kaka! Uh-huh.

Mu ke na nzila ya Mbanza yina ya kitoko
Yina Mfumu ya munu me yidika samu na
Bantu ya Yandi;
Kisika bantu nyonso yina ba vulusaka na
bansungi nyonso
Ke yimba “Nkembo!” na ziunga ya Kiti ya
kimfumu ya Mpembe;
Bantangu yankaka mu ke na nsatu ya yinzo ya
Zulu, (Ntangu yayi me manisa!)
Mpe nkembo mu ke tala Kuna:
Wapi kyese ya ke vwanda ntangu mu ke mona
Mvulusi ya munu,
Na Mbanza yina ya kitoko ya wolo!

⁵⁶⁴ Beno bambuka moyo, na dibuundu, na nkokila yayi, ba ke pesa kominyo. Kana beno kele awa na mbanza, ntete, beno ke zola kukwisa, beto ke zola kuvwanda na beno. Ya kele lubambuku ya yina beto ke kudia, mosi ya bilumbu yayi, na Yandi.

⁵⁶⁵ Mu zola beno. Mu zaba ve mutindu ya kutuba yawu. Mu banza ti beno kele mungwa ya ntoto. Mpe mu ke kuwa nkadulu ya beno na yinza, na yina ya ke pesa munu kivuvu mingi na kati ya beno.

⁵⁶⁶ Kasi, beno banza, mwa kimvuka yayi ke vwanda, na zola mutindu beto kele, ya ke panzana, mosi ya bilumbu yayi. Beto ke lota yayi. Kasi kana mosi ya beto kukwenda ntete beto kutana dyaka, beto ke . . .

Mu ke kutana na beno na suka, na lweka ya
nzadi yina ke semaka,
Ntangu mawa nyonso me kwenda ntama;
Mu ke telama na mwelo, ntangu myelo ke
zibuka mbote mingi,
Na nsuka ya kilumbu yayi ya luzingu ya yinda,
ya kulemba.

Mu ke kutana na beno na suka, na lweka ya
nzadi yina ke semaka, (Mu me zimbana na
kati-kati.)

. . . kuna na nzadi mpe na kiese mu ke vutukila
bankundi ya munu ya ntama;

Mu ke mona beno kuna, mu ke zaba beno.

Beno ke zaba munu na suka, na kiese yina mu
ke kuzwa,

Mu ke kutana na beno na suka, na Mbanza,
yina kele ya kutunga na carré.

567 Beno zola yawu? “Tii beto ke kutana!” Ntangu yayi beto
telama. *Baka Nkumbu Ya Yesu Na Nge*, pesa beto note.

568 Beno zola Yandi? Yandi kele ve mbote? Beno ke kwikila ti
yayi kele Kieleka? Beno ke na kukwenda kuna, na lemvo ya
Nzambi? Tii beto ke kuma kuna:

Beno baka Nkumbu ya Yesu na beno,
Mutindu Kinwaninu ya ngolo;
Mpe na ntangu bampukumunu ke kwisa,
Beno niunguta kaka Nkumbu yina ya Santu na
kisambu.

Ya kele nyonso ya kusala, tii beto ke mona beno dyaka.
Mbote mingi.

Baka Nkumbu ya Yesu na nge,
Mwana ya mawa mpe . . . [Muntu mosi me tuba,
“Na nkokila yayi?”—Mu.] (Ve.)

Yawu ke pesaka nsayi,
Baka Yawu bisika nionso nge ke kwenda.
Nkumbu ya ntalu, O Nkumbu ya kitoko!
Kivuvu ya ntoto mpe kyese ya Mazulu;
Nkumbu ya ntalu, O Nkumbu ya kitoko!
Kivuvu ya ntoto mpe kyese ya Mazulu.

569 Ntangu yayi, mu zolaka luta na zulu ya Nsangu ya munu.
Kilumbu mosi, kana Mfumu kuzola, mu ke vutuka mpe ke baka
“ba-avenue,” mpe mu ke vutukila yawu, beno me mona, ntangu
beto lenda kuzwa ntangu mingi. Beno vwandaka niunguta samu
beto vwandaka wumela mingi ve. Beto me sala yawu, bubu yayi.
Mwini kele ngolo. Kasi, ntangu yayi, Nzambi sakumuna beno.
Mu zola kuyimba yina.

570 Mfinangani mosi awa, tubaka, na nkokila yina ntangu ba
kangaka nzonzolo ya ngaanda, yandi tubaka, “Mu me sepela na
Nsangu mingi, kasi samu na yinki beno me kanga minkunga yina
ya kitoko, beno me mona, na ngaanda?” Na yawu, mfinangani,
kana beno ke na kuwa na suka yayi, mu banza ti beto kele na
bamfinangani ya kulutila mbote yina kele na Jeffersonville. Beto
ke kanga matoma ya beto na ntwala ya bayinzo ya bawu mpe
nyonso yankaka; ba ke tuba kima ve samu na yawu; beto ke

landila kaka na kukwenda na ntwala. Na yawu, beto ke tonda bawu ntangu yayi.

⁵⁷¹ Oh, mutindu Yandi kele mbote! Nzambi vwanda na beno ntangu yayi.

. . . Nkumbu, O Nkumbu ya kitoko!
Kivuvu ya ntoto mpe kyese ya Mazulu.
Tii beto ke kutana!

⁵⁷² Beto kulumusa bayintu ya beto. Pasteur ke bika beto, na mwa ntangu fioti. Nzambi kuvwanda na beno!

. . . beto ke kutana na makulu ya Yesu; (Na
Mbanza ya nene, na Kiti ya kimfumu.)
Tii beto ke kutana! tii beto ke kutana!
Nzambi kuvwanda na beno tii beto ke
kutana. . .



*YINZO YINA KE KWISA YA BAKALA YA MAKWELA YA
MAZULU MPE KENTO YA MAKWELA YA NTOTO KNG64-0802*
(The Future Home Of The Heavenly Bridegroom And The Earthly Bride)

Nsangu yayi ya Mpangi William Marrion Branham, kulongamaka na Kingelesi, na Lumingu na suka, na kilumbu ya 2 ya Ngonda ya nana, na mvula 1964, na Branham Tabernacle na Jeffersonville, Indiana, U.S.A., yina bakamaka na bande manietiki mpe basisamaka na muvimba nionso na buku na Kingelesi. Lubangulu yayi na Kikongo basisamaka na buku mpe ba kabulaka yawu na Voice Of God Recordings.

KIKONGO-KITUBA

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kisdilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org